

خيرة رسائل

عنوان الكتاب: حـيـرة رسـائل

الموضوع: روائـة

التأليف: مهـمـا البيـهـومي

الطبعة: الثـانـيـة

تصميم الغلاف: فـارس إيـهاب

رقم الإيداع: ٢٠١٩/ ٢٣٩٤٩

الترقيم الدولي: ٩٧٨-٩٧٧-٨٣٥-١٦٤-٤

الناشر: زحمة كتاب بالتعاون مع اسكرايب للنشر والتوزيع

اسكرايب للنشر والتوزيع: Facebook Page

Email: scribe20199@gmail.com

Tel: 00201005079256



جميع حقوق الطبع والنشر محفوظة © لدار
اسكرايب للنشر والتوزيع

كل الحقوق محفوظة
لا يحق لأي جهة طبع أو نسخ أو بيع هذه الهادة بأي شكل
من الأشكال ومن يفعل ذلك يعرض نفسه للمساءلة القانونية

رواية

حيرة رسائل

بقلم
مها البيومي



إِهْدَاءً

إِلَى الْحَيَاةِ الْمَلَقْبَةِ الَّتِي تَفَاجَأُنَا بِمَزِيدٍ مِنْهَا الصَّرَاعَاتِ
الَّتِي جَعَلْتَنِي أَتَى دَائِمًا بِاللَّهِ وَبِأَنَّهُ مَعِي إِلَى الْقَدَرِ
الَّذِي يَقْوِي إِيمَانِي بِاللَّهِ إِلَى زَهْوَرِي الثَّلَاثِ :
عَمْرٌ وَأَحْمَدٌ وَلَيْنَةُ عَمْرِي

مُقَدِّمَةٌ

قد تُحَارِ الرسائلُ مَنْ تَذْهَبُ؟
 وَإِلَى أَيْنَ تَذْهَبُ؟
 وَمَاذَا يَكْتُبُ فِيهَا؟
 هَيَا مَعًا لِنَرَى حَيْرَةَ رَسَائِلِ

مها البيومي



الفصل الأول رسائل وجع

الرسالة ١

حبيبي النهارده الجو حلو قوى في فرنسا، كان نفسى تبقى معايا تتمتع
بالجو الحلو ده وسحر الطبيعة، أنا قاعدة في الهوا ده بافكر فيك وباقول
لنفسى: لو انت معايا يا ترى هنتكلم في إيه؟
أكيد في السياسة، وعن الرئيس "السيسى" ومستقبل مصر.

الرسالة ٢

أنا زعلانة منك على فكرة، أنا زعلانة لأنك ما رديتش على الرسالة
الأولى، ليه؟ للدرجة دى مشغول؟ كنت عايزة أقول لك باحبك .. وحشتنى،
عارف دايماً بادعى لك، وأقول لو أنت في سراء ربنا يهنيك، ولو أنت في ضراء
ربنا يقويك، ولو مطنشنى ده مش العشم فيك.

الرسالة ٣

الله يا "يوسف" على الإحساس بالبرد والهواء البارد لما يدخل في
جسمك، بتحس إحساس حلو وغريب، وتحس إنك نفسك تفضل في البرد
ده شوية، عارف حبك هو اللي مصبرني على صعوبة البعثة.
الحياة في فرنسا فيها حرية، بس ناس مسؤولة عن تصرفاتهم، وبتحس
أنهم بيعشقوا بلادهم.

الرسالة ٤

معقولة أنت على طول مشغول؟ عموماً أنا هاصدقك لأنى باثق فيك، أنا عارفة إن طبيعة شغلك بتخليك تشك في كل الناس، وخصوصاً إننى أنا بالنسبة لك غريبة.

الرسالة ٥

عارف..باحس إنك بتتعمد تعذبني بالبرود بتاعك ده، على فكرة عايزة أقول على حاجة مهمة، أنا رُحت السفارة النهارده، وعملت توكيل "للسيسي"، إنت إيه رأيك؟ وكمان أصحابي بعنوا لى فيديوهات بيظهر فيها الناس، وهمّ بيعملوا توكيلات "للسيسي"، صراحة الفيديو فيه حالات تستحق الاحترام والتقدير، شفت رجل معوق طالع الدور الرابع على إيديه يعمل توكيل "للسيسى"، وقال عبارة فعلاً تستحق التسجيل، قال: "احنا تعبنا ونفسنا "السيسي" يريحنا".. والله حرام المفروض موظف ينزل للحالات اللي زى كده.

وكمان شفت فلاحه جاية تعمل توكيل وتقول "عشمانة فيه خير"، تفتكر لو مسك الحكم فعلاً هيكون خير؟

الرسالة ٦

وكمان الإعلام والفن عامل شغل عالى قوى، أغانى تهز الوجدان، تفتكر الأغانى دى بتأثر على الناس زى زمان؟
 إيه رأيك في أول حوار لـ "السيسى" شفته على قناة ح... أنا شايفه إنه قال درر، بس فيه هجوم على النت، عموماً تقارير الرأى العام لازم تكتب فيها إن الناس عندها أمل في "السيسى" في تحقيق الأمن والأمان والرخاء الاقتصادي"، وعلى فكرة "السيسى" نجح في استقطاب المرأة المصرية بحديثه الطيب عنها، بس فيه تعليقات سخيفة من الرجالة، لازم دى غيره، على الله بس الرئيس ينصف المرأة المصرية الى دعمته مش ينساها.

رد الرسالة ٦

معلش سامحنى مشغول في التجهيز للانتخابات.

الرسالة ٧

كرهت كلمة سامحيني، نفسي تقول وحشتيني، إنت إيه؟ حجر خالص؟
 مافيش إحساس واللا ده تقل علشان لقيت ست زى القمر بتحبك، وعمالة تغازل فيك، وأنت ولا سائل؟!

الرسالة ٨

زعلت قوى لما سمعت خبر موت المجندين، وفرحت أكثر بواقعية "السيسي" وهو بيعزي أسر الشهداء، واعترافه أنها ليست الأخيرة، ووصف مصر بأنها في معركة طويلة ومستهدفة، ودعا الناس إلى النظر حوالهم، عارف يا حبيبي أنا شايفة "السيسي" معه حق، الكل حوالينا في العالم الغربي، في أوروبا وأمريكا عايشين مبسوطين في أمان وسلام ومحبة، لي جارة فرنسية عايشة مع الرجل بتاعها في منتهى السعادة، من غير مهر، ولا شبكة، ولا تسجيل عقد في محكمة، وعايشين في منتهى السعادة: أكل، وشرب، وخروج، وحب، وحنان، وابتسامة .. أنا باحس إن الناس عايشين في الجنة، واحنا المعاناة والسب والقذف والإهانة والوباء والزبالة، والهيم والنكد، حتى لو قابلنا حد يحبنا لذاتنا بنشك فيه ونخاف منه .. الحب في بلدنا بقى عملة نادرة، القلوب كساها الغل والحقد، والمرض، والماديات، والصراعات.

أسفة، طولت عليك يا حبيبي، عارف بقيت أخاف أتكلم وأقول وجعي لأقرب الناس، أحسن يشمتوا فيّ أو يفتنوا ويجرسوني، خلاص رميت حسن النية في المياه المغلية، شطبت على حسن النية من قاموس حياتي، ولازم صدرى، وقلبي، وعقلي، يشيل همه لوحده، ويكتم الماضي والمآسى اللى تخصصه، وساعات أقول إن الناس لازم تعرف علشان تتعلم، وفي الآخر أكتشف أن الكل متعلم وأنا آخر من يعلم فنون خداع الدنيا.

الرسالة ٩

عارف باحس بالغيرة من الأجنب، لأنهم بيعيشوا الحياة بعطف ورفق، وباشوف إن كل معانى الرحمة بتتجسد في تعاملاتهم.

كمان أنا باحسدهم على هدوءهم واتزانهم، وعلى الرقي الإنساني، ولا صراع، يمكن تكون بينهم صراعات داخلية، أنا ما اعرفش، نظراً لأنني مش في علاقات عميقة معهم، لكن الظاهر والصورة الواضحة بتعكس معانى جميلة، وزي ما بيقولوا عندنا في مصر "الجواب بيبان من عنوانه".

الرسالة ١٠

كل سنة وانت طيب، بقينا في رمضان، يا ترى إيه رأيك في مسلسلات رمضان؟ واللما عندكش وقت تتفرج؟ والله الوقت في رمضان بيكون ضيق، وكمان رمضان اتغير ما بقاش زي زمان، حتى فرحة انتظار الرؤية وحفلة المفتي للإعلان عن غرة رمضان ضاعت وانتهت، حتى روحانيات رمضان بقت كلها ماديات.

الرسالة ١١

"يوسف" وحشتنى، ومهما تكلمنى ما باشبعش منك، ولا من كلامك، ولا من القعدة معاك.. فينك؟ رنيت عليك كثير، وكان نفسى ترد، كان نفسى أتكلم معاك. انشغلت عليك، وقلت يمكن تعبان، أو مكبر دماغك، واللا عندك اجتماع، دار في دماغى حوارات كثيرة، المهم إنت لازم تهتم بدراسة تأثير الدراما على الرأى العام، لأن الجمهور بيشخصن الأحداث والشخصيات وبيربطها بأشخاص واقعية، اللى عجبنى مسلسل "السيدة الأولى" يا ترى نموذج الرئيس ده ممكن يكون واقعى؟ أكيد هتقول ما اعرفش، عارفة إجاباتك، لكن أنا شبه عارفة إنه ممكن يحصل، لأن رئيس الجمهورية بشر في الأصل، ممكن يعجب بامرأة على مراته، وممكن صاحب يخونه وممكن أعداؤه يكونوا من الناس اللى حواليه.

الرسالة ١٢

نسيت أقدم اعتذارى عن كثرة الاتصالات اللى ورا بعضها، أكيد دي الوقت بتقول عنى مريضة نفسياً. سامحنى، غصب عنى، أعمل إيه؟ باحبك، غصباً عنى.

مش عارفه ليه حاسة إن الغياب والبعد مش مؤثر فيك، أو يمكن يكون مؤثر فيك بالإيجاب، يعنى ارتحت من الزن والإلحاح، وفي طلب إنى أشوفك.

لو راجل تانى غيرك كان يتمنى يعرف بنت قمر وجميلة، ومش طالبة منه أى حاجة، ولا جواز ولا أى التزام، بس صداقتك وحبك.

الرسالة ١٣

كان نفسي أتعلم إزاي أختار أصدقائى، إزاي ما أرميش نفسى على الناس بمجرد شعورى بالراحة تجاههم، وفي الآخر أحس إن الراحة والحنان ده خدعة، وبعدها تظهر النوايا الحقيقية والمعدن الحقيقي للناس.

الرسالة ١٤

نفسى أطمئن عليك، مش عارفه أنا متعلقة بيك ليه، مع أنى متأكدته إنى مش بامثل لك حاجة، أنا عارفة إن التليفون ممكن يكون قدامك، وشايف رقى، ومش بترد، أنت فعلاً زي ما الناس بتقول: "غدارين".

أه صحيح الكلام اللي بيتقال، إن ما فيش حاجة اسمها حب، دي الوقت فيه مصالح بس.

عارف ..أنا دائماً خايفة وقلقانة من الصراعات الللى فى المجتمعات العربية، كل يوم جرائم بشعة فى أراضي الإسلام والمسلمين، وناس بتموت، وتفجيرات وحروب، حتى مجتمعنا المصري المستقر الهادي طول عمره، انتشرت فيه الجرائم البشعة والتفجيرات، ليه كده عايشين فى صراع دموي عكس أوروبا؟

مافيش فيها جرائم، ولا حروب، ولا اغتصاب، ولا تحرش، أكيد مجتمعاتهم فيها جرائم بس مش كثير زى عندنا، يا ترى السر إيه؟

الرسالة ١٥

عمرى .. حبيبي .. النهارده يوم مفترج، يوم الجمعة، آخر جمعة فى رمضان، كان نفسي أقول لك "جمعة مباركة"، خسارة مش بترد، عارف يا "يوسف" أصعب حاجة فى الدنيا إن أخبار شخص مهم وعزيز عليك تنقطع عنك فجأة، وأنت مرتبط بيه، صعبة وأنت فى الغربية، عارف أنا بانام أقوم أحلم بخبر عنك.

الرسالة ١٦

على فكرة انت فاكر نفسك ذكي؟ إنت مش ذكي، الذكي هو الللى يستغل الفرص الللى قدامه، وكمان قدامك فرصة تكسب حد محترم يخاف عليك، وكمان ما تعرفش تكذب، عارف ليه؟ لأنك بتتكلم حاجات فى كلامك وترجع

تناقضها، وكمان بخيل، بل أبخل واحد شفته، بخيل في مشاعرك، تبخل عليّ بكلمة حب أو سؤال.

الرسالة ١٧

عارف... استهانتك بيّ خلقت جوايا تحدى قوى إني أكون أحسن منك، وأستغل ذكائي، وأوصل علشان أكون أحسن منك، لعلمك لازم أخلي الكل يتمنى يكلمني كمان، اتعلمت الدرس المهم، عدم الاندفاع بمشاعري وإخلاصي تجاه حد مهما كانت درجة قرابته، ومهما كان إعجابي بيه لازم أعامله معاملة نفعية، أدور فيها على المصالح مش على إحساس، الأحاسيس والمشاعر الهارده أصبحت لغة غير جادة غير نافعة، وكمان لازم أحقق آمالي وأحلامي مهما كانت العقبات، ما حدش هيقف في طريق أحلامي وإرادتي.

الرسالة ١٨

ليه الجماعة الفرنسيين دول باحسهم ما بيعملوش حسابات للعمر، لا في لبس، ولا في جواز، ولا في ترفيه، يعنى الستات هنا بتكون أكبر من الرجال في السن وبفترات كبيرة، عشر أو خمس سنين، وبتتجوز رجل أصغر منها عادى، ما فيش أى مشكلة، المهم يكونوا بيعحبوا بعض، وعندهم رغبة في البقاء مع بعض، الموضوع بيكون طبيعي وما فيش أى مشاكل، لكن لو عندنا الدنيا تولع، سبحان الله يا أخى همّ زى سُنّة " النبي ﷺ " لما تزوج ستنا خديجة اللى أكبر منه في العمر وأنجبت له أبناءه وكانت أكبر عون له

وللإسلام؟ أنا باحس إن الناس دي ناقصها الشهادة، العقيدة، ويكونوا مسلمين على حق لأنهم بيحسدوا أخلاق الإسلام.

الرسالة ١٩

حقيقي الأخبار اللي بنسمعها عن وجود مسيرات في مصر ضد الرئيس "السيسي"؟ وكمان سلاسل بشرية؟ فيه قناة اسمها "مكملين" خاصة بالإخوان بتعلن عن الحاجات دية، وكمان "الجزيرة" متوصية بمصر قوى، معقولة الإخوان بالسرعة دي عملوا قناة فضائية؟! جابوا فلوس بسرعة، تصدق يا حبيبي دول طلعلوا قوة اقتصادية جامدة، يا ترى إيه صحة أخبار إن مافيش رقابة مالية على صندوق تحيا مصر؟

عارف القنوات اللي من النوع ده مصيبة، بتسوأ سمعة البلد، هي مصر ناقصة؟

"يوسف"، تفتكر الناس بتكره ضباط الشرطة ليه، وبيقولوا غدارين وخونة، ليه بنقول كده؟ مع أنهم كلهم ولادنا ومن أسرنا، ومن أهلنا ومجتمعنا مش جايبينهم استيراد، دول صناعة محلية.

هي ليه عقدة الناس تجاه الضباط موجودة؟ مع أن الرئيس الراحل "جمال عبد الناصر" كان ضابط بالجيش، والرئيس الراحل "محمد أنور السادات" كان ضابط بالجيش، وكلنا عارفين إنجازاتهم، كفاية أن الجيش هو اللي عمل ثورة ١٩٥٢م واللانسينا؟ أكيد الكلام ده إسرائيلي، أو من اختراع أعداء مصر.

الرسالة ٢٠

شكلك مشغول، كل ده ما بتردش عليّ ومع ذلك بابتعت لك رسايل؟ أنا حاسة إني باكلم روعي .. إيه؟! غيايبي مش مؤثر فيك؟ آه ما أنا دائماً بارمي روعي عليك، ودايماً بتخلق أعدار وأنا باصدقك، وأنت كداب، لأن كدبك حلو، حتى كدبك وعنادك علقلي زي البلسم، باكون فاهماك وعارفة فكرك، لكن لأنيباعشكبعنف باحب عيوبك، باحب ثورات غضبك، حتى غرورك باحاول أرضيه، بس لأنني باموت فيك، آه لو أنت معايا في فرنسا دي الوقت، كنت هافضل في حضنك على طول، أظن إنت هتضحك لما تشوف الرسالة!!

الرسالة ٢١

مش عارفة أنا مالي اليومين دول، صحيح الدراسة شغلاني، واللغة الفرنسية عملت هوس في دماغى، لكن في أحيان كتير باحس بالندم، وساعات باحس أنني غلطانة، في الفترة الأخيرة ما كنتش متزنة انفعالياً ، وكمان ساعات باحسك غريب عني وغدار، مع أنك روعي، ومرتبطة بيك قوي مع إنك بعيد، وكمان دائماً شايفاك مغرور وفي نفس الوقت باحسك غلبان وطيب وظروفك وظروف البلد مش مساعدك.

الرسالة ٢٢

حبيبي، حبيب "حياة".. "حياة" بتموت فيك، وخايفة عليك من كتر حبهام ليك، آه وبتخاف علنفسها من كتر حبهام ليك، خايفة أموت لو سيبتك أو مارديتش علي، وخايفة كمان من نهاية حبهام، نفسي ربنا يجمعنا قوي يا "يوسف"، نفسي أكون جنبك بأي حال وبأي شكل، ربنا يقرب الأيام وأخلص البعثة..هههه.

يوم الهنا يا "يوسف"، نفسي قصتنا تبقى نهايتها سعيدة، ما تبقاش نهاية وحشة زي نهاية قصة "أحلام" صاحبتني، "أحلام" حكايتها حكاية، استنتت الحب كتير بس ما جاش، رسايلها تزعل وتخلي الإنسان يبكي، أنا هابعتلك رسايل "أحلام" علشان تقرأها، لأنني واثقة إن رسايلها هتأثر فيك، أنا عارفاك حساس ورومانسي، ورا الحزم والشدة رجل حساس ورقيق.

رد الرسالة:

معقولة يا "حياة" هتبعني رسايل صاحبتك؟! وهو أنا عندي وقت لرسايلك أصلاً؟!!

الفصل الثاني رسائل الأحلام

الرسالة ١

وحشتيني "يا حياة" قوي، هترجعي إمتي؟ مصر كلها وحشة من غيرك يا رفيقة الدرب والعمر، وحشتيني يا مجنونة، نفسي أعرف أخبارك إيه، وأطمئن عليك، عموماً أنا هابعتلك رسائل أعرفك أخبار حياتي إيه، أنا عارفه إنك أنت كمان نفسك تطمني عليّ، وحشتيني يا بت موت.

رد الرسالة:

إنت كمان يا "أحلام" وحشتيني قوي موت، أنا في انتظار رسايك تهون علي الغربة والشقا.

الرسالة ٢

قد إيه الحياة صعبة! كل واحد فينا الدنيا بتشده وعايز يعمل حاجة، وكل يوم حجم الاحتياجات في زيادة والطموحات بتزيد.. على فكرة يا حبيبتي أنا كمان طموحي الوحيد إني أشوف حبيبي وزير أو في مكانة مرموقة.

عارفة يا "حياة" أنا في عز لحظاتي الحزينة والصعبة بافتكره، وأفتكر إحساسي بيه، وأفتكر حضنه الدافي، كان بينسيني هموم الحياة .. عارفة كمان مجرد استرجاع الذكريات ده بيسعدني، الأماكن اللي مشيت معاه فيها لما باعدي عليها صدفة، باحس بحنين ليه ولمكانه مستحيل أقدر أوصفه،

صعب قوي الحب من غير أمل، أو من طرف واحد، قد إيه الإنسان اللي بيحب من غير أمل بيتعذب، بس أنا لقيت الحل المؤقت للعذاب، وهو إني أحس إن روحه معايا في كل مكان .. أكيد الأرواح الذكية بتتقابل في الحب والسعادة، وأكد اللي بيطلع من روحي بيوصل لروحة لو حتى مش عارفه مكانه، لو حتى في عالم ثاني غير الدنيا، حتى الأموات بيحسوا بالأرواح.

الرسالة ٣

آه .. أحب أقول لك حاجة، النهارده جه لي عريس، هاوافق عليه واهي جوازة والسلام، لازم اتجوز قدام الناس، ما ينفعش أقعد من غير جواز.. كان نفسي أتجوز حبيبي لكنه بعد ومش عارفه عنه حاجة، عموماً كل شيء نصيب، بس أنا مش حاسة إني هاتجوز، أنا حاسة إني هاتدبح بس دبح حلال، دبح شرعي .. أعمل إيه؟ شيء لأبد منه، كبرت وعديت الثلاثين ما بقاش فيه سبب مقنع وحقيقي للرفض، لدرجة إن الناس بدأوا يشكوا فيّ، يعني بنت جميلة وحلوة مثقفة وبنت ناس بترفض الزواج ليه، ماחדش عارف أني مستنية حب مش جاي، كمان أهلي شكلهم عايزين يخلصوا مني على الرغم من استقلالي المادي، لكن لكوني بنت في المجتمع الغريب ده شئ مقلق قوي وعار كمان، يا ترى ليه البنات ما ينفعش تعيش لوحدها وإن حاولت وهي وحيدة تندمج في الحياة تضيع؟ آه يا " حياة" لما بافتكر حبيبي باحس إنه وحشني قوي، أنا من غير الطلة في وشه يتيمة.

الرسالة ٤

من كتر حبي وعدم سؤاله عني بقيت شاعرة، كتبت حنة قصيدة إنما
 هتعجبك قوي، اسمها (باحبه وباموت فيه)

هي الحكاية ماشية معايا عكس ليه!

حبيت ما تحبتش ليه ؟

هو أنا وحشة واللا إيه ؟

بصيت في المرايا لقيت قمر حكاية.

رقة وحنان ودلع كمان.

وكل الرجال يتمنوا نظرة وبسمة.

أمال حبيبي بعد عني ليه ؟

نفسي أعرف بس زعلته في إيه ؟

طيب سابني ليه وفين أدور عليه؟

اشتقت للمسة إيده ودفا نظرة عينيه.

نفسي أقعد فريحه وأشم طيب ريحه.

وأحس بالأمان اللي بين إيديه.

سابني ضعيفة وتايهة ليه.

يا رب أنا عملت إيه ؟

وفيت وحبيت وضحيت

أمال باعني ليه ؟!

لما هو كان ناوي يمشي

كان بيوعدني ليه؟!
 وأحلفه يحلف إن عمره ما هيسبني ليه؟!
 هو أنا كنت بالنسبة له إيه؟!
 واحدة وخلص يتسلى بيها
 وفي الآخر يرميها.
 هو ليه ما صدقش نفسه؟
 ليه برغم العيوب اللي فيه
 هيلاقى واحدة تخلص له وتحبه وتشتهيه؟
 استكثر النعمة على نفسه واللا إيه؟
 أمال كسر قلبي ليه
 اللي كان ملك إيديه؟
 هو أنا حبيته وعشقتة ليه؟
 إنت لسه بتسألني
 وانت واقعة ودايبة فيه!!
 ونفسك تبصي في عينيه أو حتى تشميه.
 وترجعي تسألني نفسك على إيه؟!
 هو انت متناقضة ليه؟
 اعترفي وسجلي الاعتراف
 بكل اللغات وفي كل السجلات.
 بتموتي فيه ودايبة فيه
 ومهما يعمل فيك بتعشقيه.



سابلؑ .. باعلؑ .. هانك
 برضو بتحببه ومش بتطيقى حاجة عليه.
 طيب بس لو أعرف سبب العشق إيه ؟
 طيب ليه مش بيطمنى عليه.
 للدرجة دية أنا وحشة فى عينيه!!
 قاطعنى ليه فجأة وسابنى حزينة.
 يارب ما أحنز أبدا عليه
 ولا أشوف الشر فيه.
 وعمرى ما هادى أبداً عليه
 ومستعدة بروحى أفديه.
 أعمل إيه؟
 سحر حبه مين يداويه
 باحبه وباموت فيه.

الرسالة ه

متخيلك يا "حياة" قاعدة وبتصقفى وتقولى برافو؁ على فكرة الفرح
 قرب وأنا مش مقتنعة بأى حاجة؁ مش مقتنعة بشكل العريس ولا أهله ولا
 بأى حاجة؁ أكيد هتسألينى هتتجوزيه ليه؟ نوع من أنواع الانتحار طويل
 المدى؁ أهو اسمه رجل؁ وبصفته الواحد يكون حر ولا حد يقول رايح فين ولا

جاي منين؟ يعني هاخذ رخصة إني مدام مش بنت وماحدش يقول يا بنتي إوعي تتأخري، إنت بنت، يا بنت إوعي تشتمي حد أصلك بنت.
 الدنيا غريبة قوي، الحلم الوحيد اللي حلمته ماعرفتش أحققه، والرجل اللي حبيته يروح ما يرجعش، وأتجوز رجل غريب ما اعرفش عنه حاجة، زي ما يكون جاي من عالم تاني ما اعرفش عنه حاجة.

الرسالة ٦

النهارده الفرح، هاللبس أحلى فستان، فستان عريان، وغيرت لون شعري، مش عارفه عملت كده ليه؟ وهارقص كأني سعيدة وفرحانة، يمكن لما أعمل كده أفرح، بس بارجع أبكي تاني بدل الدموع دم، ليلة الحنة بكيت بحرقة وكأني داخلة حرب، إحساس بالخوف من العالم الجديد، عالم مقفول ما اعرفش عنه حاجة .. كان نفسي قوي يا "حياة" تكوني جنبي، آه يا "حياة"، كل ما العريس بيحي يمسك إيدي باحس بنفور فظيع وكأنه واحد عايز يتحرش بي أو يغتصبني، معقوله فجأة كده أنكشف على واحد ما اعرفوش علشان أتسجل في دفتر المأذون إنه جوزي؟! آه الورقة هي رابط العلاقة، ما اقولكيش أول ما دخلت البيت، حسيت إني مخنوقة وخايفة وغريبة، أنا كمان معذورة أصلي ما اتجوزتش قبل كده، ولا حد قال حاجة، كلهم فاكرين إني عديت الثلاثين، خلاص بقيت خبرة، والله ما أعرف حاجة.
 حسيت إني دخلت في عالم الظلمات.

الرسالة ٧

أكيد انتِ مستغربة، لكن هي دي الحقيقة، وأكيد بتقولِي ما فيش حتى مجلات ولا نت ولا كلام من ده؟ هاقول لك: والله أبدأ إنت أكثر واحدة عارفاني، من البيت للجامعة ومن الجامعة للبيت، النهارده الصباحية انتهزت فرصة نزول زوجي وقلت أبعت لك رسالة، الحاجة الوحيدة اللي ما بتخليني عايشة لحد دي الوقت هو حبك لي يا "حياة" ..آه على اللي شفته امبارح! معركة وكأنه بيغتصبي، ضربني ..بهدلني وعمل اللي هو عاوزه، قد إيه أناني ومش بيهتم بالطرف الثاني.

آه على اللي شفته مع إني كبيرة في السن!أمال لو أنا بنت صغيرة، أكيد كنت مُت أو قريت على الموت.

الرسالة ٨

أنا عروسة لكن مش فرحانة، حزينه، الحزن بيتكلم على وشي، يمكن عشان اتجوزت رجل غريب، إحساسك إنك ما قدرتيش تختاري حاجة في الدنيا صعب قوي، فات أربعين يوم على جوازي، عالم غريب، ناس جديدة، طباع جديدة، حوارات عمري ما شفتمها .

الرسالة ٩

دوشتك كالعادة بمشاكلي، المهم أخبارك إيه؟ نسيت أقول لك إني حامل، زمانك بتقولِي بالسرعة دي!!

المهم إنك وحشتينا يا "حياة" .. يا ترى عندك في فرنسا رأيهم إيه في أداء الرئيس "السيسي" بعد ما بقى رئيس مصر؟ على فكرة أنا كنت من أشد مؤيدي "السيسي"، لكن دي الوقت وبعد مرور سنة كامله مش عارفه أفضل مؤيدة واللا أعارض؛ أصل مافيش حاجة اتغيرت غير الأمن، الدنيا هدبت شوية لكن الأسعار زادت، والحالة الاقتصادية زفت، لكن أرجع وأقول هو احنا هنجيب مين يحكمنا؟!

عموماً أنا تعبت من التفكير في السياسة وقررت أفكر في شئوني وبس، اللي أنا فيه مش سهل، عارفة يا "حياة" أنا بارجع أندم وأقول يا ريتني ماكنت عرفت ولا حبيت، ما كنتش اتعذبت، ساعات بأسمع رنين صوته في ودني، صوت ضحكته، وأحس إنروحي رايحة له .. عارفه آخر مرة شفته فيها، بوسته وحضنته في الشارع قدام الناس كلها، ما فكرتتش في أي حاجة غير إني نفسي أبوسه وأحضنه لأنني مش هاشوفه تانى.

الرسالة ١٠

عارفه باتمنى أشوفه صدفة.. قلبي بيتقطع وأنا عايشة مع إنسان بجسمي، وروحي وعقلي مع إنسان تاني، حاسة إني مقسومة نصين، نص عايش في الماضي ونص في الحاضر، يارب يا "حياة" ربنا ما يحكم عليكم أنت و"يوسف" بنهايتي.

الرسالة ١١

مرت الأيام بسرعة وخلفت بنتين توأم زي القمر، شكلهم هيكونوا أذكيا قوي، الكل بيحسدني عليهم، يقولوا حلوين زي أمهم لكني خايفة أن حظهم يكون زي حظي.. حظ مايل، يا رب يا "حياة" ربنا يحفظهم ويحقق أحلامهم، بقوا كل حياتي بينسوني الماضي حبة حبة، إن شاء الله يا رب يكون حظهم في الحب والحياة كلها أحسن، بسكونهم بنات في مجتمعنا ده مخليني مرعوبة، البنات همّ وانتِ عارفة أمثالنا "أبوالبنات شايلى لهم للممات"، بس مش شرط، طيب ما إحنا كنا بنات بس بنات جدعان قوي، عارفه يا "حياة" أنت وحشتيني قوي، إوعي تنسي هدايا البنات، أنا سميت واحدة "حياة" والثانية "أمل".

رد الرسالة

صحيح يا أحلام سميتينتك على اسمي؟ يا حبيبتي ربنا يخليك ومايحرمني منك أبداً، ياه لسه فيه صداقة بجد وأخوات حقيقيين!! الدنيا لسه بخير يا عمري، هاجيب لهم أحلى هدايا في باريس كلها، دول بنات أختي.

ما تزعليش يا "أحلام" إنهم بنات، البنات حلوين برضو أحسن من ما فيش، نعمة والله ورزق .. عارفه حلمك القديم بأن خلفتك كلها تكون ولاد، بس ده رزقك، إوعي يا "أحلام" تعاملهم على أنهم أولاد، إوعي يا "أحلام" تنسي إنك أنت كمان بنت.

الرسالة ١٢

لا أبدأ الفكرة دي اتغيرت، دول بقوا كل حياتي، حتى بدأت أحب أبوهم
 علشان خاطرهم والله يا "حياة"، الشخص اللي كنت باكرهه زي العمي دي
 الوقت اتعودت عليه، الحياة اختلفت تماماً، بعد ما خلفنا البنات بدأت
 أحب حياتي، وبدأت أنسى الحب القديم، صحيح لسه الوجد في قلبي، بس
 الحب بدأ يدخل على الجرح ويداويه، حضن بناتي له طعم أحسن وأجمل
 من حضن حبيبي السابق، عارفه كمان بدأت أحس أن العذاب اللي جوايا
 هيموت شوية شوية، هادفنه وهادعي عليه يغور في داهية..الله على الرضا يا
 "حياة"، الرضا ده نعمة، باحاول أرضى عن نفسي وعن حياتي وعن
 وضعي وعن رزقي، آه يا حبيبي الرضا هو السعادة، كمان أفكاري اتغيرت،
 زرعت جوايا فكرة إني اللي ما اقدرش عليه أدوس عليه، يعني أبعد عنه،
 أخيراً بدأت أقول الحمد لله، اكتشفت إن السخط والغضب من عدم
 تحقيق أحلامنا له حكمة لا يعلمها إلا الله، وأحياناً الحكمة بتظهر للبشر
 كمان علشان يتعلموا أن الحب رزق والسعد رزق، والزوج رزق، بس علينا
 نقول يا رب توسع رزقنا والحمد لله على كل حال.

رد الرسالة

أنا سعيدة قوي برسالتك الأخيرة، فيها أمل وحياة، مش أمل وحياة
 بناتك .. هههه..لا، أمل حقيقي .. ربنا يسعد قلبك ويفرحك، ماتعرفيش إنت
 ريحتيني قوي برسالتك يا حبيبي، عيشي حياتك، عيشي بحب وسعادة على

قد ما تقدرى.. اصنعي السعادة بإيديك ماتستنيش حد يسعدك، سعادتك بإيدك، خلي أبسط الحاجات تسعدك، مثلاً كوباية الشاي اللي بتشربها اعملها بمزاج واشربها بمزاج، الطبخة الحلوة اعملها وأنت فرحانة هتلاقها ألد، الألم والحزن اطردهم بره قلبك، ابتسمي واضحكي، كلي واشربي واضحكي، إنت تستحقي تكوني سعيدة، إنت مجتهدة وجميلة وناجحة، الرجل مش كل الحياة، إوعي تخلي الماضي محور حياتك، الماضي مات "يا أحلام"..
 " أحلام"، احلي أحلاما جديدة، وابني قلعة أحلامك في مقامك وبإيدك، إوعي تحملي حد مسؤولية تعاستك أو سعادتك، سعادتك في القرب من الله، سعادتك في تحقيق هدفك وطموحك، ارجعي شغلك، عايشي الألم وانسيه، عايشي الفرح وافتكريه، عمري يا "أحلام" أنت والله، باحبك قوي موت.

عارفه أنت بالتحول اللي حصل في حياتك ده زدتي إيمان بأن دوام الحال من المحال، ازددت إيمان طبعاً بأن الله يُغير ولا يتغير، يبذل القلوب ويقلمها كيفما يشاء، بدّل الحب القديم اللي في قلبك واللي معذبك بحُب بناتك يا روحي، إديهم بوسة جامدة لحد ما آجي أبوسهم أنا، وماتنسيش تدعي لأختك يا "أحلام" بأن ربنا ما يحرقش قلبها على حبا.

الفصل الثالث رسائل العودة

الرسالة ٢٣

بعث لك كل رسائل "أحلام"، قد إيه هي عانت، يا ريت تكون قريرت الرسائل وحسيتها.

رد الرسالة

فعلاً أنا قريرت كل الرسائل، لكن أنت إزاي تجرؤي وتبعترسايل صديقتك لي!! عموماً حسيتها إنسانة قوي، وحسيت إنها بتحبك قوي، ربنا يخليكم لبعض.

الرسالة ٢٤

حبيبي أرسلت لك رسائل "أحلام" لأنني أنا وأنت واحد، أنا وأنت روح واحدة، ما أقدرش أخبي عنك حاجة، ما أقدرش أزعلك أبداً، أنت حياتي وعمري، باعشقتك ربنا ما يحرمينيش منك، والله وحشتني .. عارف لما باحلم بيك وأنا صاحية باحس إحساس حلو قوي .. باموت فيك.

الرسالة ٢٥

أنا هارجع مصر بكره الصبح، كنت أتمنى ألاقيك في انتظاري وأخذك في أحضاني، أنا هاوصل في طيارة الساعة ٣ ص يا ريتك تقابلني، أه لو تقابلني في المطار وتاخذني في حضنك لحد البيت! يا سلام لو تيجي بعريبتك وأنا م على كتفك وانت سايق، أكيد هتكون أحلى ليلة وأحلى توصيلة .. أه بس ده مستحيل طبعاً تتضحى بوقت حضرتك وتيجي تستقبلني في المطار؟! خليها بظروفها.

* سافرت "حياة" وركبت الطائرة لتطوي صفحة من صفحات الغربة في حياتها، وذهنهاشارد في ذكرياتها في فرنسا أيام البعثة التي انقضت سريعاً، شعرت بأن الأيام في الغربة تمر كالسحابة العابرة، تمر بسرعة البرق، شعرت بقيمة الوطن وحلاوته، حلاوة مصر بأهلها وسكانها حتى أنها اشتاقت لرائحة الهواء في مصر، لرائحة التراب، لرائحة الزرع، إلى الزحام في الأماكن العامة .. سئمت الغربة والوحدة، كفرت بالتقدم والرفاهية على الرغم من عشقها لحياة الأجانب، وأخذت تكتب في سجل يومياتها..

"تشوقت كثيراً لرؤية الحياة الغربية المتقدمة، والرفاهية الزائدة، والتقدم المذهل، والمعاملة الإنسانية الراقية، وخدمة الإنسان واحترامه في الحضارة الفرنسية، إلا أنني وبعد أن قضيت في فرنسا أكثر من أربعة أعوام وجدت أن الحياة المتقدمة -علبالرغم من أهميتها-تنقصها الروح الدافئة التي تسكن بيوتنا وأحياءنا، الدفاء النفسي .. الحياة الاجتماعية الحانية،

إنهم لعل بالرغم من حياتهم المنظمة وحيهم الزائد لبعضهم البعض يعيشون كآلات التي لا تقف إلا إذا تعطلت، كما إن الوقت هناك يخلو من البركة، الحياة العملية والسعي وراء تحقيق الهدف الذي سافرت من أجله يستنزف الوقت والعمر؛ لذلك أدركت أن من يتغرب لا يعود ثانياً لأن الغربة تسرق الأعمار والمشاعر.

وصلت حياة إلى أرض الوطن وفوجئت بضابط المطار يقف في انتظارها ويسألها:

- أنت الآنسة "حياة عبد الرحمن"؟
- نعم أنا حياة.
- حمد لله على السلامة .. اتفضلني معايا.
- على فين ؟
- على قاعة كبار الزوار.
- هو المطار كمان فيه قاعة كبار الزوار؟!
- اتفضللي.
- ليه فيه حاجة؟
- اتفضللي.
- وعندما دخلت القاعة فوجئت بـ "يوسف".
- ها "يوسف"؟! قصدي يوسف بك!
- حاولت أن تجري عليه، فغمز لها بأن تظل مكانها
- يوسف: متشكر قوي يا جماعة.
- اتفضللي يا أنسة معايا على المكتب.

- مكتب إيه؟
- اتفضلي.
- حياة: نهار أسود .. هو هيقبض علي بتهمة الحب واللا إيه؟! واللا هيعمل محضر إزعاج بالرسايل؟!
 - اتفضلي يا أنسة هاتي إيدك
 - ليه؟
 - أخذ يوسف يد "حياة" في يده.
 - حياة: آه هيغى علي .. الحقني يا يوسف
 - امسكي نفسك (هتسورقي) من مسكة إيد؟! أمال هنتجوز إزاي؟!
 - لأ.. مش مصدقة، يوسف ماسك في إيدى!! ريقني نشف شوية ميه يا عالم.
 - يوسف: حد يلحقني بمياه، البننت هتموت بجد .. ميه.
 - اتفضل اتفضل يا أستاذ ميه
 - الميه دي مفلتره؟
 - ارحمينا أنت هتموتي وبتدوري على نظافة المياه.
 - اعذرها يا باشا ما هي كانت في فرنسا بتشرها معدنية مش من الحنفيه.
 - يا عم ارحمنا دي بتموت وبتقروا عليها!
 - شربت "حياة" الماء واتجهت إلى سيارة "يوسف"
 - اركبي.

يوسف، بتتكلم بجد؟! أنا هاركب جنبك وفي عربيتك؟! إنت في كامل وعيك؟!

- هتركبي واللا أمشى.

- لا هاركب.

- ركبت حياة السيارة..

- قربي

- ليه؟

- قلت لك قربي .. كمان

- أهو

اقتربت "حياة" من "يوسف"، فاحتضنها وقبّلها قبلة طويلة أعادت إليها حياتها.

- الله يا "يوسف" .. أجمل بوسة دي، أول مرة رجل يبوسني.

يوسف: بوستك طعمها حلو قوى.

- إنت أطعم.

- يوسف.. الكلام ده ليّ أنا؟

- آه

- يعني انت بتحبنى؟

- لأ باشاور نفسي.

- إخص عليك لسه بتشاور نفسك؟!

- آه هاتي بوسة كمان وأنا أثبت على رأى.

- طيب قرب.

- وقامت هي بتقبيله حتى شعرت بأن جسدها تهاوى، وقف الدم عن السير في عروقها من حلاوة القبلة، إنها القبلة الأولى في حياتها.
انطلقت السيارة و"حياة" تعيش حلما حقيقيا لا تفكر سوى في لحظة السعادة التي تعيشها، شكرت الله والقدر كثيرا على أنه أخيراً جمعها بحبها، ولأول مرة يدق قلب "يوسف" لها بعدما كانت تعاني كل المعاناة، وصبرت طويلاً لكي تفوز بقلب حبيبها.

هكذا شاء القدر أن يعطيها ما تريد، هذا ما دار بخلد "حياة" .. فجأة صرخت: يا نهار أسود بابا وأخواتي في انتظاري في المطار أعمل إيه ؟
يوسف: اتصلي بيهم وقولي الجامعة بعنت عربيتها لاستقبالي، وأنا في الطريق وماعرفتش أوصل لكم وخلصهم يروحوا.

حياة: تمام .. بس أنا عمري ما كدبت على بابا.
يوسف: خلاص اتصلي وقولي أنا ركبت يا بابا عربية "يوسف" اللي انت ماتعرفهوش علشان كان نفسي أبوسه وباحلم بالبوسة بقى لي خمس سنين أو أكثر.

- حياة: إنت عايزه يقتلني؟

- ياريت

اتصلت حياة وأبلغتهم بأنها في الطريق إلى المنزل، وصارت وهي في الطريق تشدو شفتها بالفرح، ويرتعد جسدها من الحب إلى أن وصلت إلى المنزل وقد ودعت "يوسف" بقبلة حارة تزيد من لهيب حبهما إليه.

الرسالة ٢٦

وصلت البيت يا حبيبي؟ طمني عليك.

رد الرسالة

الحمد لله كله تمام

الرسالة ٢٧

أنا بعد ما رجعت البيت خفت أكل..خفت أشرب أحسن طعم البوسة يروح من بقي، نمت بهدومي اللي حضنتني بها علشان ريحتك فيها، فضلت أشم في أيدي ومش عايزة أغسلها لأن إيدك مسكتها.. أول مرة من يوم ما حبيتك أنام كويس، أنا حاسة إن لمسة إيدك لي رجعت روعي تاني، روعي اللي كانت تايهة بتدور عليك، باحبك قوى.

رد الرسالة

خلاص يا "حياة" عذبتك كثير.. آن الأوان تفرحي.

الرسالة ٢٨

حاسة إني هاموت من الفرحة، هتيجي إمتي؟ نفسي أزين كل حاجة في الدنيا، الشوارع.. البيوت، نفسي أغير الكون، نفسي أخلي كل الدنيا ترقص وتغني، أخيراً هاكون لحبيبي، حاجة مش معقولة، أكيد أنا باحلم.. الله هاتجوز حبيبي، ربنا استجاب لدعائي، يا رب شكراً، الحمد لله.. أنا لازم أصلي ركعتين شكر لله على إنه تقبل دعائي.. الحمد لله يا رب.



رد الرسالة

إيه يا حبيبتي انتِ محسساني إنك نجحتِ في الثانوية العامة، اتقلي مش كده بعدين أغير رأيي.

الرسالة ٢٩

ما اقدرش أخبي مشاعري وإحساسي بيك إحساس حلو، مش قادرة أوصفلك حلاوته، الله على ده إحساس! أتاري الحب ده حلو وحببي أحلى من الحب، له عيون تتحب، ولطف يتحب ولسان شهد، وجمال وعد، يا روجي عليك، قمر والنبي قمر.

رد الرسالة

كده وبالدلح ده كله مش هتعرفي تكلميني وهاتغر.

الرسالة ٣٠

اتغر يا روجي براحتك وشوف نفسك على الآخر، أنت القمر وكل العالم نجوم حواليك، شايفاك ملك عظيم في قلبي وعبوني، شايفاك أحسن واحد في الدنيا والله.

رد الرسالة

إن شاء الله جهزي نفسك وبلغي الأسرة وابعتِ ليرقم تليفون السيد الوالد.

الرسالة ٣١

تمام بعث لك رقم التليفون، لكن أنا محتارة ألبس أيه ؟ يا تريا ألبس
كاجوال واللا سواريه واللا عباية استقبال علشان أعجب مامتك ؟ تصدق
إني حبيت مامتك، حبيت أي حاجة من ريحتك، مامتك، إخوانك، عائلتك،
شغلك، اهتماماتك، حتى الشارع اللي بتمشي فيه حبيته، حتى المكتب اللي
بتقعد عليه، البدلة اللي بتلبسها، الجزمة اللي بتلبسها باحها كمان، أي
حاجة فيها عرقك باحها وباعشقتها.

رد الرسالة

لدرجة دي يا "حياة" بتحبييني!! والله أنت تستاهلي كل الخير.

الرسالة ٣٢

آه وأكثر ..إنت لسه شفت حاجة! ده أنا هاخليك تشرب وتاكل وتنام
حب، وتتنفس كمان حب ودلع .. طبعاً مش جوزي اللي باحبه، ربنا يخليك لي
وما انحرمش منك أبداً.

- بابا، "يوسف" جاي النهارده هو وأهله، محتاجة فلوس أجيب جاتوه،
وماما ياريت تجهزي غداً أحلى حاجة، الحاجة أم "يوسف" جاية والنبي يا
ماما.

- يا بنتي مش كان باباك سأل عليه قبل ما يدخل .
- هتسألني عن مركز زي مركز "يوسف"؟! هو حد يقدر يقول عليه
حاجة!!يا ماما أنا باحبه وانت عودتيني الصراحة، وكمان عودتيني إني
أستفتي قلبي.

- بس انت عارفة عدااء أبوك لأي حد في السلطة بسبب اللي حصل في
"رابعة".

- ماما .. الصراع السياسي أنا ماليش دعوة بيه.

الرسالة ٣٣

يوسف، إنت خرجت؟ أكيد زمانك في الطريق وقاعد جنب مامتك ..
 زمان مامتك دي الوقت بتقول شكل العروسة دي إيه وانت بتقول لها مزه
 زي القمر.

رد الرسالة

أنا في الطريق ومش عارف أكتب أكثر من كده، مين قال لك إنك مزه
 بس !!

وصل يوسف إلى منزل "حياة" وهو في غاية الأناقة والوجاهة والشوق
 لرؤية "حياة"، ويصطحب أمه، سيدة مصرية مسنة تعكس تعبيرات وجهها
 تاريخ مصر، تظهر عليها علامات الشقاء والتعب، يدها ليستا كالأيدي
 الناعمة، إنما يد خشنة قوية صلبة تبرز منها
 "عُقل" أصابعها البارزة وكأنها سيوف حادة من حدة العمل.

دق الجرس.. دخلت أم يوسف ويليها ابنها "يوسف"

أم يوسف: السلام عليكم.

أم حياة: وعليكم السلام .. يا ألف مرحب حصلتلنا البركة اتفضلوا.

- اتفضل يا حبيبي

كانت " حياة " تختبئ وراء ستارة لترى لحظة دخول " يوسف وأمه"، فصعقت لأنها رأت أم يوسف امرأة ريفية بسيطة ترتدي عباءة سمراء، كان خيالها تجاه

أم " يوسف" ذي المركز الرفيع، امرأة أرستقراطية، ولكنها وجدتتها امرأة مصرية معجونة ملامحها بالطين المصري الجميل، امرأة ربت رجلا يُضرب به المثل ويُحتذبه، أنجبت بطلا تلك الأم المصرية الريفية الحانية الحازمة الراقية.. جلسا في الصالون ودخلت عليهم

" حياة" يبرق الأمل في عيونها، وتضحك أساريرها، ويرقص ويدق قلبها، وترتدي فستانا أخضر اللون مثل قلبها.. جلست بجوار أم " يوسف".

حياة: لو مش هيقولوا علي قليلة الأدب يا " يوسف" كنت قعدت جنبك، ونمت على صدرك، وُبُست إيدك.. آه قاعد قدامي وواحشني ومش قادرة أخذك في حضني، ملعونة أم القيود الاجتماعية والحوارات، لو علي أجيب المأذون حالاً.

دخل والد " حياة"، وفجأة نظر في وجه يوسف صارخاً.

- إنت اللي ...

- يوسف: أنا مين ؟

- إنت وأمثالك السبب في موت أخواتي في اعتصام "رابعة" وكمان

جاي ولايس لبسك الميرى؟! امشي اطلع بره.

حياة في حالة ذهول ودهشة وصدمة، ووالدة " يوسف" تقول: عيب يا حاج احترم مقامي أنا اللي قدامك، وبعدين " يوسف" ابني من عامة الشعب وتربيتي ما يعملش حاجة غلط، وهو في الآخر عبد المأمور.

أم حياة: عيب يا حاج الناس في بيتنا، ملعون أبو السياسة اللي هتخرب
بيننا إحنا مالنا ومالها.

والد حياة: هم اللي بينفذوا القرارات بطريقة عمياء دون تفكير .. ناس
ما عندهاش ضمير.

أم يوسف: عيب يا حاج الأسلوب ده احنا جاين نخطب بنتك.
فجأة تقف حياة وتصرخ ثم تقع على الأرض كالذبيحة التي عُذبت في
دبحها .. وسكت الجميع والتفوا حول "حياة"

أم حياة: بنتي حد يجيب فيه .. كولونيا .. أي حاجة.
والدة يوسف تدلك أطراف حياة.

جلس والد حياة على الكرسي وهويكي ويخبط بيديه على رجليه: قتلوا
اخواتي وأصحابي وكمان هيموتوا بنتي.

حمل يوسف حياة بين ذراعيه ونزل بها السلم .
والد حياة: سيها يا كلب ما تلمسش بنتي.

والدة حياة: مش وقت الكلام ده حياة بتموت!
جرى الجميع بعربة "يوسف" إلى المستشفى،

شخص الطبيب حالتها بأنها ارتفاع في ضغط الدم وزيادة في ضربات
القلب، نتيجة تعرضها لصدمة عصبية.

الطبيب: ادعو لها يا جماعة البنت في حالة موت.

أم حياة: ارتحت يا حاج .. أهي هتحصل اللي ماتوا، سيها تختار حياتها،
لو ما اختارتش حياتها هتموت حرام عليك، عيالنا كبروا، سيهم يختاروا
ماحدش بيعيش بفكر حد، مش لازم ابنك أو بنتك يكونوا لأفكارك ..

الدنيا اتغيرت والحياة اتغيرت ماحدث هيعيش علشان يحقق أحلام غيره، الكل عايز يحقق حلمه .. آه يا بنتي آه يا بنتي .. ظلمتها وفرضت عليها الدراسة، ظلمتها وفرضت عليها موضوع رسالتها، خلمها تعمل اللي بتحبه حياة هتموت هتموت!!

يوسف: اهدي يا حاجة إن شاء الله بسيطة.

تجلس أم يوسف كعادتها على كرسي في استراحة المستشفى تستغفر الله وتسبحه وتدعو لحياة أن تعود للحياة مرة أخرى.

يوسف يحدثه نفسه: معقول البنات دي بتحبني للدرجة دي؟! لدرجة إنها هتموت علشان أبوها طردني؟! قد كده أنا كنت قاسي عليها وكنت مفكرها في الأول بنت ضاربة رغم تعليمها وثقتها!! يا خسارة .. يا ريتني كنت بادلتها نفس المشاعر والأحاسيس، آه والله ربنا يشفها بقى.

ظلت "حياة" تصارع الموت لمدة يومين، صارعته من أجل أن تعود للحياة التي قررت أن تختارها رغماً عن أنف الآخرين، كان حياها دافعاً قوياً لتعود للحياة وليدق النبض مرة ثانية في قلبها.

والدة حياة: ادخل يا يوسف شوف حياة وكلمها يا ابني يمكن تفوق من

الغيوبة.

يوسف: ممنوع دي غرفة عناية مركزة ما اقدرش أدخل.

- أمحياة: ادخل علشان خاطرنا يا ابني.

دخل "يوسف" غرفة العناية المركزة ونظر إليها من بعيد، وحاول أن يخرج سريعاً حتى لا يراه الأطباء وأثناء فتحه لباب الغرفة ليخرج إذا بنداء أفزعه:

- يوسف

- بِسْمِ اللّٰهِ الرَّحْمٰنِ الرَّحِیْمِ

- ادخل يا يوسف

- يا ستار صوت مين ه؟!

دخل واقترب منها وأخذ يتحدث معها في خوف ورهبة من الصوت الذي ناداه للدخول، وأخذ يدعوالله قائلاً: ربنا يشفيك وما تموتيش بسببي، أنا السبب، عذبتك وحيرت قلبك كتير ولما جيت أريح قلبك هتموتي؟ استرها معانا يا رب.

خرج "يوسف" من الغرفة صامتاً في حزن، ومرت الساعات والكل في انتظار ساعة رضا الله على "حياة".. وفاجأت "حياة" الأطباء بإصرارها على الحياة.

وعادت إلى الحياة تدريجياً، فتحت عيونها على عناد والدها وعناد حبيبها وهي مريضة عاجزة عن أخذ قرار.

عادت "حياة" إلى المنزل، وذهب يوسف إلى عمله، وانطفأت جذوة الفرحة مرة ثانية، وعادت إلى كتابة الرسائل مرة ثانية.

حياة: "الظاهر انكتب عليّ أعيش حبي في الرسائل.. أنا مش لازم أستسلم أنا ما صدقت أن يوسف جالي وبيحبني مش عارفه أعمل إيه يا رب؟!!"



الفصل الرابع رسائل العقدة

الرسالة ٣٤

حبيبي "يوسف"، وحشتني قوي، ماتعرفش إزاي انكسر قلبي، بابا مش حاسس بيألن عمره ما أحب أمي ولا أمي حبته، عاشوا مع بعض على فكرة المصالح، حرصها على العيال وحرصه على صورته قدام الناس، عشان ماحدث يقول عليه فاشل في حياته، هو ده اللي جمعهم طول عمرهم، مع إن عمرهم ماحبوا بعض بمعنى الحب ولا بيكرهوا بعض، جمعهم التعود فقط.

مش عارفه أعمل إيه لكن لازم أعمل حاجة.

الرسالة ٣٥

"يوسف"، حبنا يستاهل التضحية والكفاح، إحنا نستحق العيشة مع اللي بنحبه، وربنا زرع الحب ده في قلوبنا، الحاجة الوحيدة اللي مش باختيارنا هي الحب، أنا رسمت خطة وهابدأ التنفيذ.

رد الرسالة

خطة إيه؟ إوعي تودينا في داهية، أبوكراجل متعصب وبيلخلط الأمور في بعضها مش عايزين مشاكل.

الرسالة ٣٦

أنا حلقت شعري كله بالموس، وقلت لبابا إن يحامل منك فاستغرب إن
الدكاترة مابلغوهوش أثناء تواجدي في المستشفى فقلت له: يوسفاتفق مع
الأطباء ألا يخبروك.

رد الرسالة

يارب ارحمني! حلقت شعرك ليه حرام عليك؟ يعني هاتجوز قرعة
وكمان جبت لي مصيبة؟! بتقولي لأبوك إنك حامل مني في الحرام!! ده ممكن
يقتلني، وهو طبيعي عايز يقتلني!

الرسالة ٣٧

ماتخافش يا قائد خلي قلبك جامد، لازم نجبر بابا أنه يوافق على
الجوازة غصب عنه، وبعدين حلقت شعري وبقيت قرعة بس حلوة برضو
وزي القمر.

رد الرسالة

يعني أنا هاتجوز واحده قرعة حرام عليك يا شيخة.

الرسالة ٣٨

ماتخافش شعري هيطول بسرعة قبل الفرح وهاكون أجمل عروسة
لأحلى عريس في الدنيا كلها، لكن قل لي إنت نفسك في إيه بعد ما تتجوز؟

رد الرسالة

نفسى فيك قوي، تدلعيني ثم تدلعيني، ما ببقاش نكد في الشغل
والبيت.

الرسالة ٣٩

شوف الحوارالليدار بيني وبين بابا..

- حامل؟! إنت لسه جاية من البعثة شافك فين؟ وإزاي الدكاترة ما
قالوش وانت في الغيبوبة؟ ولو حامل إزاي الجنين ما ماتش وأنت تعبانة؟!
إنت كدابة بتقولي كده علشان تلوي دراعي ..مستحيل تتجوزي حد من
الخونة عبيد البيادة .

- بابا، يوسف كان في تدريب في فرنسا واتقابلنا هناك وحصل الحمل
بعدها، وهو اتفقمع الدكاترة مايبلغوش حضرتك.

- أنا لازم أتأكد بنفسى وأكشف عليك يا سافله يا فاجرة.. خليتي عبيد
البيادة يطعنوني في شرفي، قتلوا أخواتي وأصحابي في رابعة، وكمان سرقوا
شرفي، ده ظلم.. حرام ده ظلم.

- بابا، ما تنساش أنهم هم اللي عملوا ثورة ١٩٥٢م، وهم اللي حرروا البلد من الملك والإنجليز، وحاربوا في سيناء، وهم أولادنا ومن أبناء الشعب.
- اخرسي خالص.

أم حياة: عايزها ترجع تموت تاني؟! سييها تتجوز اللي اختاره قلبها علشان ماتعيشي مكسورة ومقهورة، سييها تضحك وتفرح من قلبها، الحب ده رزق وجالها حرام عليك البنت كانت بتموت ما تحرقش قلبي عليها.
الأب: آه تلاقيك كنت عارفه من زمان ..بتداري على شر في زي ما الشعب... على حقنا!!!

الأم: كفاية إهانة أنا زيك ما اعرفش حاجة، وبعدين بنتك مش صغيرة، كبرت وتعرف الصح والغلط ولو عملت غلط أكيد هيكون بمزاجها، بتحب يا أخي، الحب اللي أنت ما تعرفهوش، الحب زي المخدر بيمشي في الجسم ويقتل صاحبه، والإنسان بيكون عبد له من غير ما يشعر.

- والله؟ كنت جربتي قبل بنتك وعارفه!
- يا ريتي كنت جربت على الأقل كنت عشت على ذكريات الحب في وسط الزحمة والخنقة دي.

- أنا وعيالي وبيتي خنقة؟! بتكفري بالنعمة يا أم حياة! أبو عيالك اللي موفرلك كل حاجة، اللي اتغرب عمره كله علشان تعيشي في فيلا وتاكلي أحسن أكل، وتعلمي ولادك في مدارس خاصة بدل مدارس الحكومة، أبو حياة اللي صيغك وحججك وخلاك فوق الرؤوس كلها وحش وخنقة؟! حسبي الله ونعم الوكيل.

- كل حاجة عندك ماديات وفلوس، أكل وشرب، فيه حاجة اسمها إحساس مشاعر.

يعني أنا ماعنديش مشاعر، مادي؟ بس الحياة يا هانم عايزة كده، عايزة رجل ما يناقش علشان يقدر يوفر لكم حياة كريمة، عايزاني أسيب أكل عيشي وأقعد جنبك؟ مستحيل طبعاً لأنك ساعتها هتكرهيني وهتقولي جوزي مش عارف يأكلي ولا يصرف على بيته، عايزاني أحب فيك وأسيب شغلي!!

- اسمع يا حاج أنا ما قلتش كل ده، أنا باتكلم عن بنتك إحنا حياتنا خلاص أخذنا عليها لكن "حياة" من حقها تعيش حياتها زي ما اختارتها، وأديك شفت اللي جرى لها لما طردت "يوسف"، عايزها تموت خالص احرمها منه علشان تموت.

- تموت علشان خاين.

اسمع يا حاج خلي آراءك السياسة خاصة بيك وماتفرضهاش على حد، كفاية اللي الناس فيه الناس ما بقاتش عارفه حاجة.. الناس تايهه وماشية تكلم روحها.

الرسالة ٤٠

يوسف، دار بيبي وبين بابا الحوار ده..

-أنا مش مصدق إنك حامل لازم دكتوراة تكشف عليك وتقول لي الحقيقة .. إنت كذابة، كل ده علشان تتجوزي خاين من الخونة..معقولة تحبي واحد من الخونة!!

- بابا، يوسف "ابن" ست مصرية عظيمة، ست فلاحه، يوسف من طين الشعب مش غريب؛ يعني حاسس بالناس، وبعدين هو عبد المأمور بينفذ أوامر القائد

- قومي معايا نروح للدكتورة عائشة تكشف عليك وتبلغني بقصة الحمل يا فاجرة.

يوسف، الخطة هتتكشف يا حبيبي هيروح للدكتورة عائشة وهتقول له الحقيقة أعمل إيه؟!

رد الرسالة

ما تخافيش روجي معاه وأنا هاظبط مع الدكتورة .

الرسالة ٤١

شوف حوار الدكتورة "يا يوسف" ..

-إزيك يا دكتورة عائشة

- أهلا يا حاج عبد الرحمن .. إزيك يا حياة يا بنتي اتفضلوا.. خير يا

حاج؟

- إزيك أنت يا دكتورة أخبار جوزك دكتور مسعد وابنكم الدكتور أيسر

إيه في السجن؟

- الحمد لله همّ هنا في سجن قريب والحمد لله ربنا يا حاج أني عارفه

لهم مكان وباقدر أروح أزورهم .. زملاء ابني الدكتور أيسر اللي هاربان

وماحدث يعرف عنه حاجة، واللي مسجون وماحدث يعرف له طريق ..
إمبارح والله يا حاج جُم وأخدوا ابن أختي الساعة تلاتة بالليل بهدوم النوم،
طالب في كلية الهندسة، وماحدث يعرف طريقه لحد الوقت.

الأب: إنت عارفه إنك في بلد الظلم فيها وصل منتهاه، حسبي الله ونعم
الوكيل، ياخدوا الناس من بيوتهم من غير سؤال ومن غير حتى أهلهم ما
يعرفوا طريقهم.

حياة: بابا، طالب الهندسة وطالب الطب يعرف إيه عن السياسة
علشان يدخل فيها؟! السياسة مش مظاهرات وتدمير وتخريب، السياسة
أساسها صندوق الانتخابات، أختار في الصندوق وأعترض وأتظاهر في حدود
ما توقفش مصالح العباد.

الأب: طيب ما الإخوان خدوها بالصندوق ولا بالتزوير ولا بالمظاهرات
ومع ذلك اتظلموا.

- لأنهم أساءوا الاختيار وكمان ما عرفوش يستغلوا الفرصة، كل اللي
فالحين فيه سب وقذف الناس، ومعاداة الدول العربية، والوعود البراقة
دون تنفيذ والقرارات الحماسية المشتعلة.

- اخرسي، الإخوان عملوا مشروع العيش والبطاقات التموينية وكانوا
هيعمروا بس يا خسارة.

- الدكتورة: خلونا في المهم.

- فعلاً معاك حق .. أنا عايزك تشوفي حياة حامل واللا لأ .



- طب استنهننا يا حاج.. اتفضلي يا حياة معايا في أوضة الكشف.. اقعدي يا حياة ماتخافيش ولا تقلقي أنا مش هاكشف وهاقول لأبوك إنك حامل.

- إزاي يا دكتورة؟

- يوسف بك اتصل بي وفهمني كل حاجة.

أشكرك يا دكتورة ..يا حبيبي يا "يوسف" دائماً تحل العقد ربنا يعلي مراتبك.. يارب تبقي وزير.

- اهدي يا "حياة" أحسن بابا يسمع ويعرف أنني متفقة معاكم وتبقى مشكلة.

معاك حق يا دكتورة.. أشكرك من كل قلبي .

خرجت الدكتورة للحاج عبد الرحمن: ألف مبروك يا حاج حياة حامل، لكن مش كنت تعزمنا على فرحها .. ده ما كانش عيش وملح.

- متأكدة يا دكتورة؟

- طبعاً يا حاج.

أخذ وجه أبوحياة يتغير لونه للأصفر وأمسك بيديه القويتين مكتب الدكتورة لكي يستطيع القيام من على الكرسي.. وصل البيت وهو في حالة انهيار

- آه يا فاجرة!! معقولة حامل في الحرام بعدما صرفت عليك وعلمتك برة؟! حصل ازاي وفين أكيد في البعثة؟

- آه يا بابا، يوسف كان هناك في تدريب وقابلني وما قدرتش أمنع نفسي عنه .. باحبه أعمل إيه!!

- اخرجني يا سافلة.
- اهدى يا بابا، الراجل جاي يتجوزني وماحدش هيحس بحاجة.
- آه آخرتها أداري على عارك وأجوزك ليه .. كنت فاكراني رببتك صح وعلمتك إزاي تحافظي على نفسك .
- بابا انت رببتي على أني أستفتي قلبي، وقلبي بيقول "يوسف"، ومش علشان آراءك السياسية اللي ممكن تتغير في وقت من الأوقات تحكم عليّ بالضياء طول عمري .. أنا مش هاكرر قصة حياتك مع ماما، الحياة التقليدية الجافة، أنا نفسي أعيش بحب، صحيح الحياة مش سهلة لكن البداية على الأقل تكون بحب.
- أنت غلطانة يا حياة أنا باحب أمك، الحب مسئولية مش مشاعر متوهجة وبعد كده بتنظفي وتبقى عادة من العادات السيئة .. اتحملت المسئولية وده أكبر دليل على الحب، عشت المرة والحلوة، مش معنى إن أنا ماباتكلمش يبقى باكرهاها.. اتحملت مرضها وقفت جنبها.
- وقفت من باب الواجب يا بابا.
- لأ من باب الحب، الواجب لما بيطول الإنسان بيزهق منه، لكن باب الحب مش بيتقفل.
- أنا عمري ما سمعتك بتقول لها باحبك ولا عمري شفتك خدتها في حضنك.
- الحب مش أحضان، الحب أفعال رجال هي دي الحقيقة.
- ويوسف يا بابا هيكون الحب عنده أفعال وأقوال وتحمل مسئولية، ده رجل عسكري مسئول .

العسكر يا بنتي غدارين واتفرجي حياتهم الشخصية واتفرجي على نهايتها، حتى ضباط الشرطة العاديين، فاكروه لما أخذتك السجل المدني تعدي الغلطة اللي في اسمك ودخلت لعقيد الشرطة الرجل الكبير ورفض أنك تقربي من مكتبه واستغربت وطلعت سألتني الموظف قال لك إيه؟ قال إن كل الضباط واللي بيوصلوا رتب عالية نهايتهم مش كويسة وكمان زوجاتهم غالباً بيخونوهم، وفضل يحكي قصة اللواء اللي انتحر لما دخل على مراته لقاهها بتخونه.

- بس كده العيب في الست مش في مركز جوزها.
- ما فيش ست بتخون جوزها إلا إذا كان عندها دافع قوي للخيانة والدافع ده اللي بيصنعه الرجل.
- إزاي يا بابا بس يعني جوزها هيقول لها روعي خويني.
- مش لازم يقولها بالكلام، بالأفعال، بالأمر والنهي، بالإهمال.. يا بنتي العسكريين غدارين، دائماً الغدر في دمائهم أكيد زوجاتهم بيشفوفوا الخيانة بعيونهم وحتى لو الست شريفة إهمالهم لبيوتهم وأولادهم سبب كفاية للخيانة.
- بابا لو سمحت الخيانة مالهاش مبرر، الست الخاينة لو جوزها في حضنها هتخونه.
- غلطانة يا بنتي، لكل فعل رد فعل صدقيني بيكونوا هم السبب.
- بابا مش كل الحالات كده ما يصحش تعمم حالة على فئة عريضة من مجتمعنا يا بابا.

- يا بنتي الناس دي ما بقاش شعارهم الالتزام، كان زمان الرجل العسكري ملتزم دي الوقت بقوا أستغفر الله العظيم شبه منحرفين، كان زمان أيام الحرب وحروب الاستنزاف و٦٧ عندهم استعداد قوي للموت، دي الوقت عندهم استعداد يموتوا أي حد يقف في طريق رغباتهم، فأكرة قصة أخوك وهو في الجيش؟

- آه طبعاً .. القصة كانت...

الفصل الخامس

"آيس كريم بالليل"

أه الجيش ده فعلاً ذل، ليه أنا خدوني قوات خاصة؛ علشان طويل وشكلي حلو؟ أول مرة أكره الطول والشكل الحلو.

- انتباه يا عسكري.
- تمام يا افندم.
- أنت نايم ليه دي الوقت؟
- يا افندم الساعة الثانية صباحاً والمفترض سعادتك ده وقت النوم.
- بس أنا ماليش مزاج تنام.
- أأمرني سعادتك.
- أنت في جيش يا روح أمك.
- تحت أمرك سيادتك.
- أنا عايز أكلايس كريم.
- نعم يا افندم!!
- إيه نعم دي؟
- آسف يا افندم
- اطلع حالياً هات لي آيس كريم من أقرب محل وارجع.
- يا افندم احنا هنا في كتيبة في الصحراء وبيننا وبين أقرب مدينة على الأقل ساعتين مشي، يعني لو أنا مشيت في الصحرا بالليل دي الوقت وعلى

افتراض أنني هامشي سليم وهاوصل سليم هيكون النهارطلع سعادتك، ولو وصلت والنهارطلع وجبت الآيس كريم بالليل على ما أوصل الآيس كريم هيكون شوربة.

- اخرس يا عسكري، أنت قوات خاصة دي أوامر عسكرية ومن القائد المباشر لازم تتصرف وتجييب آيس كريم، وبعدين انت معاك سلاح.

- تحت أمرك يا افندم

- اتفضل فلوس

- لا حضرتك أنا معايا

اخرس يا كلب با ابن الكلب، أنت هتتجبي عليّ؟ أنا باكل بفلوسي .

تحت أمرك يا افندم.. ثواني هاجيب الجاكت.

- من غير جاكت واللا هتعمل ابن ناس!

- الجو برد يا افندم

- القوات الخاصة ما تعرفش برد ولا حر ولا ليل ولا نهار.

- تمام يا افندم

بقى أنا الدكتور محمد يتعمل فيكده من ساقط إعدادية!! حسبي الله ونعم الوكيل.. أجيبلك آيس كريم الساعة اتنين بالليل ومن الصحرا وأمشي من غير جاكت؟! آه يا قائد تربية ... أعمل إيه يا رب.. جت لي فكرة هائلة، أنا هاقعد على الصخرة دي للصبح وهي بعيد عن مقر الكتيبة ولما يطلع النهار أقول "لابن الـ..رحمت ولقيت المحل قفل .. ههه واللي يحصل يحصل.

ظل محمد جالساً في رعب على صخرة في قلب الصحراء كاحلة السواد يخشى الثعالب والذئاب والعقارب.

منك لله أهو ده عيب المناصب يبقى ساقط إعدادية ويندل طيب ناجح
ذبي، كان لازم أدخل ضابط مش عسكري، بس ضابط مشكلة ثلاث سنين
من عمري وسبع سنين في الطب وأطلع أخذ ملاليم ما يجوش ربع اللي
بياخده ساقط إعدادية في الجيش.. ياه الفجر نوره طلع أما أمشي لابن
الحرام ده يقلق

- تمام يا افندم.
- إيه ده كله يا عسكري؟
- معلش يا افندم حضرتك عارف بُعد المسافة بينا وبين أقرب مدينة.
- فين الآيس كريم؟
- محل الآيس كريم قافل يا افندم
- قافل ازاي؟
- بالضبة والمفتاح يا افندم
- أنت هتزرر!!
- لا يا افندم، حضرتك على ما وصلت كانت الساعة أربعة صباحاً يا
افندم وجميع المحلات كانت مغلقة يا افندم.
- الجيش قال اتصرف وأنت ماعرفتش تتصرف يبقأنت بتخالف
أوامر الجيش يا افندم .
- معاذ الله يا افندم أنا اتصرفت حضرتك.
- إزاي؟
- حضرتك لفيت على جميع محلات الآيس كريم يا افندم.
- والنتيجة؟

- مغلقة يا افندم
- أنت محبوس ٤٨ ساعة
- ليه يا افندم؟
- سوء تصرف وعدم تنفيذ رغبة القيادة.
- يا افندم غصب عني المحلات مغلقة.
- كان واجب تعرف صاحب المحل ساكن فين وتخبط عليه وتقول له القائد مزاجه طالب آيس كريم.
- آسف يا افندم ما اعرفش صاحب المحل
- عشان جهلك باسم أصحاب المحلات أنت محبوس.
- سامحني يا افندم أنا معايا تصريح إجازة وأمي مريضة بتموت حضرتك ولازم أشوفها، وكمان سيبت مراتي عروسة حضرتك اتجوزتها أسبوع وبعدها استدعوني للجيش.
- آه عايز تسيب الخدمة وتروح تنام في حضن مراتك..محبوس أسبوع.
- حرام يا افندم
- أنت بتعترض؟
- لا أبداً يا افندم
- اتفضل على السجن.
- أمرك سعادتك.
- دخل محمد السجن وهو يلعن الساعة التي طُلب فيها لتأدية الخدمة العسكرية.. "هو ده الانتماء؟! تأكل عدس وتتشتم، الجيش بقى لجنة تأديب مش تهذيب.. ياه المعاملة الحسنه والتأهيل النفسي الراقي فين؟

هم بيعملوا في كوادر البلد كده ليه؟ لما أكون أنا كادر علمي ويتعمل في كده أmaal الفلاحين بيعملوا فيهم إيه!! المفروض فترة تأدية الخدمة العسكرية يطلعوا منها أفراد لديهم الولاء والانتماء ويرفعوا معنوياتهم، يعلموهم فنون قتالية.. دورات تدريبية، مش عارف الدنيا في مصر وسياسة بعض الأفراد هتوصلنا فين، أسبوع حبس ظلم.. يا رب اصرف كل ظالم"

مر الأسبوع ومحمد يتألم ويعاني ويشتكى إلى الله، وبعد الأسبوع تغير القائد وجاء قائد جديد، شخصية مهذبة محترمة على النقيض تماما.. فرح محمد فرحاً شديداً..

"أخيراً أخذت إجازة أشوف مراتي وأمي"

- حمد الله على السلامة يا محمد
- وحشتيني يا دعاء
- وأنت كمان يا محمد.
- غير هدومك وهاتها أحطها في الغسالة.
- وضعت دعاء الملابس في الغسالة ودخل محمد الحمام ليأخذ (شاور).
- الله يا دعاء كان نفسي استحمى من زمان.
- ليه إنت في الجيش مش بتستحمى؟
- يا شيخة هو حتى الجيش ده ينفع! هنا البانيو والشامبو الجميل
- بتاع عروستي.. دعاء، تعالي ادعكِ ظهري أنت سايباني في الحمام لوحدي
- ثواني
- الله.. ادعكِ يا حبيبتي ادعكِ أنا حاسس إنني إجربيت وأنا في الجيش..
- وحشتيني يا ملا

- إختشي يا محمد انت في الحمام
- حرام عليكِ عريس أسبوع وبعدها أروح الجيش وتقولي اختشي!!
- ياللا نشف نفسك واطلع.
- نعم .. إيه أمال أنا متجوزك ليه.
- بلاش دلع هاقوم أعمل لقمة تاكلها
- لا.. دعاء ما تعمليش حاجة .. أنا هاروح لماما، إنت عارفة إنها تعبانة ولازم أشوقها الأول وممكن أتغدى مع بابا وحياة.
- يا سلام!! أول إجازة من الجيش تتغدي عند أمك وتسيبني.
- لا .. حاشا لله
- أنا هاخلي "حياة" تجهز الغدا وأخذك يا جميل على الجاهز علشان تريحي نفسك من المطبخ وتروقي لي يا قمر.
- أه هتغديني عند أبوك علشان مصلحتك كده .
- ليه وهي كمان مش مصلحتك واللا أنا ما وحشتكيش.
- أه وحشتني موت.
- طيب هاتي تصبيرة وانشري هدموم الجيش بقى.
- تمام يا أفندم.
- أفندم؟ لو تعرفي بيتعمل في إيه؟! "أه وحشتيني يا عربيتي، كويس أنا قائد في حاجة، قائد في عربيتي ..إيه ده العربية بطايرتها نايمه الله يسامحك يا "حياة" يا أختي قلت لك مشي العربية شوية بدل ما بطايرتها تنام..طيب كده تاكسي أحسن حاجة"
- تاكسي.

- على فين يا بيه؟
- السيدة زينب.
- شالله يا ست شفت يا باشا اللي حصل؟
- إيه اللي حصل؟
- كل يوم تفجيراتن
- تفجيرات فين؟
- في الكنيسة في اسكندرية
- ليه كده؟
- انفلات أمني
- إزاي بس؟ ده الرئيس "السيسي" محزم البلد أمنياً!
- يا باشا طول ما فيه نفوس ضعيفة وناس عندها القدرة على الترويح لأفكار سامية، وعدم وجود تصحيح للأفكار الخاطئة عن مفهوم الانتماء، البلد هتخرب
- هو حضرتك سواق تاكسي؟
- آه
- مستغرب!!
- أنا خريج كلية السياسة والاقتصاد وما لقيت شغل لأن ما عنديش واسطة أتعين في السلك الدبلوماسي ولا في الخارجية، أخذتها من قصيرها
- وقلت أركب تاكسي أعيش منه.
- علشان كده حضرتك مثقف.

أبدأ ولا مثقف ولا حاجة، التفجيرات خلت الحجر نطق، الناس
المسئولة عن الأمن شغلهم مصالحهم الشخصية، وظروف الغلاء خلتهم
يقصروا في الشغل.. وأنا جيت للحق يا باشا...

- بلاش باشا.. قل لي يا دكتور أنا في عرضك.

- يعني الأمن هيعمل إيه في واحد جاي لابس حزام ناسف، وهو احنا

في إسرائيل؟! إيه اللي جري ومين اللي ينسف نفسه ده وعلشان إيه؟

- وإزاي الحزام ده اتعمل وإزاي المتفجرات دخلت مصر؟

- ده حوار العقل يتوه فيه

- ربنا يصبرنا على ضحايانا يا باشا...

- حضرتك رجل طيب بلاش الكلام في السياسة مع الركاب لتروح في

داهية.

- يا عم سيبها على الله الناس بتفك عن روحها..

وصلت بالسلامة.. الحساب ٣٠ جنيه

- ٣٠ جنيه في المشوار ده؟! ماشي اتفضل

- هو إيه عاد رخيص ربنا يرحمنا.

وصل محمد إلى منزل والدته وارتقى في حضنها...

- إزيك يا ماما وحشتيني

- الحمد لله إنك بخير يا حبيبي.

- اطمني يا ماما أنا بخير.

- ربنا يا ابني يكفيك شر أولاد الحرام.

- آه يا ماما ولاد الحرام كثير قوي، اتكي على الدعوة دي.

- ربنا يكفيك شرهم.
- آمين يا حاجة .. أخبار صحتك إيه؟
- تمام يا ابني الحمد لله.
- آمال فين بابا و حياة؟
- أبوك في المسجد و حياة في مكتبة الجامعة.
- آمال مين اللي هيغدينا؟
- حبيب قلب أمك هتتغدى، لازم أقوم أعمل كل الحاجات اللي بتحميها ..
- اطلع فيه خمس اجواز حمام هاتهم من أوضة الحمام .
- كمان حمام تسلي يا ماما !! هو أنت تعبانة؟
- إيدي يا حبيبي .. بس شفتك ارتحت يا عمرى.
- أبوس إيدك يا أمي يا حبيبتي.
- ياللا يا محمد اتصل بمراتك الغدا قرب يجهز و "حياة" قربت توصل،
- وصحي بابا و انده لأخواتك.
- حالاً يا ماما
- ألو يا دعاء يا حبيبتي.. وحثيني يا قمر.
- أهما انا عارفه علشان كده بنقضي الأجازة عند والدتك.
- يا عبيطة علشانك.. ماما عملت حمام علشانك يا قمر
- علشاني أنا واللأ علشان ابنها؟!
- أنا وأنت واحد يا قمر، ياللا تعالي في ثواني الغدا قرب يجهز.
- تعالي خدني بالعربية واللأ هتسييني اتهدلني المواصلات!!
- معلىش العربية عندك قدام البيت عطلانة.



حاضر.. باى.

- باي حاف كده؟! بوسة على الهوا مؤقتا لحد ما أروح لك يا جميل
- هههه بعينك.
- يلا سلام.. كده سلام

أنهى محمد المكاملة وجلس في انتظار زوجته، وقد رجعت حياة من الجامعة...

- أهلاً يا حياة" .. أهلاً بحضرة الباحثة العظيمة.
- حمد الله على السلامة.
- أهلاً يا حبيبي يا محمد وحشتنى .. باحثة إيه والنبى! مصر ياابني مش بتشجع الباحثين، بتقتلهم ..تفضل تذاكر وتبحث وتأخذ ماجستير ودكتوراة وفي الآخر تعلقهم على الحيط.
- يا "حياة" كبري دماغك واسكتي وكفاية مصاريف.
- السلبيه دي اللي هتودي البلد في داهية، لازم الدولة تهتم بالبحث العلمي، الدول المعادية لمصر أكبر نفقاتها على البحثالعلمي والتنمية البشرية، ولازم يهتموا بالنوايغ والمبدعين، الثروة البشرية هي المكتسب الحقيقي للدول.
- حبيتي البشر في مصر مالهومش قيمة حتى عند نفسهم.
- من كثر من الناس ما ينقل من روحها اللي في مركز بيحس إنه فرعون.
- آه طبعاً ما أنت في الجيش دي الوقت وتلاقهم ذلينك .

- يا ريت الذل يا "حياة" في شغل أو تدريب أو تعليم، إنما الذل في الانحناء لبشر غير آدميين أو عقلايين ولهم مطالب شخصية عقيمة..
- باحس يا "حياة" إن الناس ديزي ما يكون عندها نقص وبتعوضه في الناس، مش عارف والله ربنا يستر ونطلع من الخدمة العسكرية على خير.
- يا "حياة" قومي اغرفي الأكل معايا.
- ثواني يا ماما هاغير هدومي.
- وكمان دعاء وصلت.
- ازيك يا "حياة" حمد لله .
- حمد الله على السلامة.
- وحشتيني يا دعاء ماحدثش بيدشوفك.
- معلش يا "حياة"
- معلش إيه هو أنت وراك حاجة! وبعدين ماجيتيش من بدري تطبخي مع حماتك العيانة ليه؟
- والله ماحدثش قال لي تعالي يا "حياة" .
- ياللا خير ادخلي اغرفي مع ماما لحد ما اغير هدومي.
- إزيك يا نينة ألف سلامة عليك
- الله يسلمك يا مرات ابني يا حبي
- تسلمي من كل شر يا نينة
- وتوجهت حياة لتوقظ الأب..
- بابا اصحي علشن نتغدى.
- حاضر يا حبيبتي

جلس الجميع في جلسة عائلية حميمة على مائدة الغداء، والأم المريضة تعاند المرض حتى لا تفسد فرحة أبناءها، هكذا الأم المصرية الصابرة والمثابرة فقط من أجل سعادة أبناءها.

محمد: تسلم إيدك يا ماما وربنا يخليك لنا، والله أعظم أم تربي الحمام وتطبخه وتاكلنا حتى بعد ما كبرنا .

حياة: أه طبعاً وناس تأكل على الجاهز

- بألف هنا يا حبيبي.

- ياللا سلامو عليكم .. ياللا يا دعاء نروح

- حاضر يا حبيبي.

وقفا في انتظار تاكسي

- تاكسي

- اركبي يا حبيبتي .. اطلع يا أسطى.

- إيه يا دعاء قاعدة بعيد عني ليه؟!.

- ما أنا جنبك أهو

- جنبي إيه؟ قربي كمان.

- محمد احنا في التاكسي

- مراتي وأنا حر .. هاتي إيديك

خطف يديها وقلمها...

- يا مجنون الناس هتقول إية السواق مركز معانا .

- هيقولوا عرسان جداد.

- كفاية لما نروح.

- أصبر إيه؟ حد تبقى مراته حلاله قمر كده ويصبر!! لازم يعني الخدمة العسكرية تيجي بعد جوازي بأسبوع؟ بقى يارب الواحد بعد ما يدوق العسل أسبوع يروح الجيش يشرب الذل سنه كاملة؟! هونها يا رب!
- يا رب يا حبيبي.
- آه أخيراً وصلنا البيت .. هادخل آخذ حمام وأغير هدومي.
- حمام إيه أنت كده قمر؟
- لا لازم آخذ حمام
- بس أنا اللي الحمام هيطلع على قلبي ياللا
- جرت دعاء وجرى وراءها محمد، وفي صباح اليوم التالي..
- صباح الفل يا قمر.
- صباح الهنا يا حبيبي.
- جهزت لك الشنطة علشان ما تتأخرش على الجيش.
- ماشي يا روحى.
- الحمام جهاز البانيو؟
- طبعاً جاهز ومليان والشامبو اللي بتحب ريحته معي الدنيا بعطره
- تسلم إيدك يا قمر (ويقبل يديها)
- خرج محمد بالزي العسكري ولم تخبره دعاء بقصة الورق الذي فقد أثناء غسل الهدوم خشية أن تحزنه في إجازته..خرج وترك القلق ونسي "دعاء"
- يا رب يا محمد الورق ده ما يكونش مهم، والله يا رب ما أخذت بالي إن جيب البدلة العسكرية فيه ورق، ما اكتشفت إلا بعد الغسيل وكان الورق اتفتت في الغسيل، يا رب استر.

- وصل محمد إلى الكتيبة، أفرغ حقيبته ودخل لتأدية التمام للقائد.
- تمام يا افندم تحت أمر سيادتك
 - اتفضل يا دكتور محمد استريح
 - العفو يا افندم
 - يا رجل اقعد اتفضل .. الصراحة يا دكتور محمد أنا عندي مشكلة طبية وعازي حضرتك تحلمها، بس هي مشكلة شخصية وحساسة قوي وتاعباني وما عنديش حد أثق فيه وأقول له.
 - اتفضل سعادتك بدون حرج، سر حضرتك في بير.
 - الموضوع طبي بالدرجة الأولى.
 - لو في تخصصي ما أتأخرش يا افندم، حضرتك عارف أني أخصائي نساء وتوليد.
 - لا هو في تخصصك .
 - اتفضل.
 - الموضوع يخص الست حرمانا، بعد ما خلفنا العيال ما بقيتش مراتي تهتم بي زي زمان، اهتمت بالعيال، وبقت باردة يا أخي زي ما يكون كل عيل تخلفه يسرقها مني، أنا متجاوز مراتي ليه علشان تخلف عيال وتنسى العبد لله
 - ابتسم دكتور محمد ..
 - يا افندم دي مش مشكلة حضرتك لوحده، دي مشكلة نسبة كبيرة قوي من المصريين لأن الزوجة المصرية أعباءها بتتزايد مع الإنجاب وخصوصاً في أثناء غياب الزوج، يكون لها احتياجاتها النفسية والعاطفية..

لكن يا افندم ولا مؤاخذة حضرتك ما حاولتش تدلّ لها بالكلام الحلو،
سعادتك عارف أن الكلمة الحلوة مفتاح عقل الست وسيادتك سيد
العارفين.

- أعباء إيه يا ابني!! مراتي عندها شغالة زي ظلها وأنا موفر كل حاجة.
- يبقى حضرتك بتدخل في الموضوع بدون تمهيد .
- أبدأ بأفضل أدلع وأدلل ولا حياة لمن تنادى.
- طيب حضرتك جريت تجييلها الحاجات المشهورة في السوق.
- حاجات إيه يا، وسوق إيه؟!
- سوق الأدوية.
- إزاي؟
- لا مؤاخذه يا افندم فيه أدوية تأخذها الست علشان الموضوع ده
وبعدها الست هي اللي تتحايل عليك.
- الحقني بيها.
- بس المهم يكون عندها استعداد نفسي لسعادتك.
- عندها بس دائماً مالهاش نفس.
- عموماً أنا هاكتب لحضرتك الدوا وساعتها حضرتك مش هتلاحق ..
همهه همهه.

- الله عليك يا دكتور ادبني الروشته.
- اتفضل وهتدعي للدكتور محمد.
- ده لو حصل أنا هادلحك أحلى دلع .
- نازل أجازة ٢٤ ساعة أجيب الروشته وأرجع.

- اتفضل سعادتك.
مرت ٢٤ ساعة، اشترى القائد ما في الروشتة وأعطى الزوجة منه وحُلت
عقدة القائد وقضى أفضل وقت في حياته.. عاد القائد إلى الكتيبة وطلب محمد
فوراً..

- فين الدكتور محمد؟ ابعته حالا.
- اتفضل يا دكتور محمد.
- تمام سعادتك.
- أنت رجل محترم وأنا لازم أشكرك.
- لا شكر على واجب يا افندم، المهم مزاج حضرتك تمام؟
- تمام قوي يا عفريت.
- هههه.
- لازم تشرب حاجة معايا في مكنتي.. اتنين عصير من بتوع القادة
المخصوص قوى.

- تمام يا افندم.
- ممكن سؤال يا قائد، هو العصير تبع التعيين اللي العساكر
بتأخذه؟

- لا طبعاًده مخصوص لقادة الجيش.
شرد محمد وهو يشرب العصير في العنصرية الموجودة حتى نوع العصير
ونوع الأكل، ما أحنا كمان ولاد مصر، وياريتها على كده العنصرية في أرقام
العربيات ولوحات العربية، الجيش والشرطة لوحات سمرا، أرقام مميزة حتى
تقييم العربية مصرح للجيش والشرطة والمستشفيات، حتى النوادي.. حسبي

الله ونعم الوكيل، والغريب بعد العنصرية والتمييز غير المبرر وقبلهم السلطة المطلقة للقادة، الشعب المصري ييحب الجيش، حاسس أنه صاحب الفضل في ١٩٥٢ وإنه السبفي نصر ١٩٧٣ كل ده مسكت الناس عن العنصرية والتمييز، والتهافتات واحدة "الجيش والشعب إيذ واحدة".

- إيه يا دكتور محمد رحت فين ؟
- رحت لحد الجيش والشعب إيذ واحدة.
- نعم؟!
- لا أبدأ يا افندم.. استأذن حضرتك.
- مر أسبوع والدكتور محمد يستمتع بمعاملة خاصة نتيجة الخدمة الشخصية التي قدمها للقائد، ولكن في أحد الأيام..
- اتفضل يا دكتور محمد .
- تحت أمرك يا قائد
- فين تصریح صرف الأدوية اللي كان معاك؟
- مش عارف يا افندم.
- يعني إيه مش عارف أنت هتهرج!!
- قصدي هاشوفه يا افندم، هادور عليه لأنني كنت في أجازة وبعدها فانت فترة طويلة وماحدث سألني عليه، إيديني فرصة أدور .
- نعم يا روح أمك أنت نسيت إنك في الجيش؟! قدامك نص ساعة إن ما لقيتش تصریح الدواء هتتعرض للتأديب.

- يا نهار أسود، يا فرحة ما تمت، الزفت التصريح ده كان معايا راح فين يارب؟ أما أسأل الدفعة كده ما حدش شاف تصريح دخول الدواء للمخزن، كان معايا راح فين؟ شكلي رحت في داهية .
- إيهاب: ما تخافش يا محمد حتى لو ضاع بيكون متسجل في دفتر.
- بس عهدة وأنا اللي مضيت على استلامه ولو ضاع تبقى مصيبة.
- ربنا يستر يا محمد.
- مرت النصف ساعة ومحمد وزملاؤه في توتر وقلق بحثا عن التصريح..
- انده الزفت العسكري اللي اسمه محمد.
- وصل يا افندم على الباب.
- آسف يا افندم ما لقيتش التصريح، بس عندي شك يكون في البيت نسيته هناك في الأجازة اللي فاتت، ممكن يا افندم أستلم موبايلي وأتصل بالمدام أسألها؟
- آه طبعاً ما أنت لسه عريس وعروستك اللي في صور الفرحة فرصة لازم تنسيك اسمك!!
- مافيش داعي للكلام ده.
- نعم يا روح أمك أنت اللي هتعلمني أتكلم إزاي؟ المدة والفرصة خلصت والتصريح ما ظهرش.. يا عسكري انده على الحلاق.
- الحلاق وصل.
- اسمع إحلق شعر العسكري اللي قدامك ده على الزيرو.
- الدكتور محمد يا قائد؟
- مافيش حاجة هنا اسمها دكتور اسمه العسكري محمد عبد الرحمن.

- لكن يا افندم..
- انت بتخالف الأوامر؟
- لا تحت أمر حضرتك.. قرب يا دكتور.
- قلنا ما فيش دكتور فيه عسكري محمد
- حاضر... حاضر.
- يهمس الحلاق في أذن الدكتور محمد " أنا أسف يا دكتور أنا عبد المأمور "
- شوف شغلك يا أسطى ولا يهملك.
- أنا خلصت يا قائد.
- امشي انت..الله شكلك حلو بعدما حلقت زيرو، كنت بشعرك الحلو
- عامل فيها ابن ناس وأنت ابن كلب.
- عيب حضرتك أنا أبويا رجل كبير وعظيم.
- عظيم عند أمك على السرير.
- أنت رجل قليل الأدب وواطي يا ابن الكلب.
- انت اتجننت يا عسكري بتشتتم القائد؟!!
- وهاضربك كمان.
- نزل محمد ضربا في القائد حتى سالت دماؤه، وتتدخل بقية العساكر
- لفض الاشتباك، واستطاع محمد بشجاعة بالغة أن يحطم رأس قائده حتى
- وصل القائد الرتبة الأعلى..
- من اللي اعتدى على قائد الكتيبة؟
- الدكتور محمد عبد الرحمن.
- أنا اللي كسرت دماغه وإن طولته هاموته.

- أنت وقح، وكمان بتعترف؟
- رجل سب أمي واتعد علي!!
- خدوا العسكري ده ارموه في السجن لحد ما يتقدم للجنة للمحاكمة العسكرية لتأديبه ومحاكمته.
- محاكمة من غير تحقيق ولا محضر؟! حسبي الله ونعم الوكيل فيكم.
- المحضر والتحقيق اعتبره اتكتب، وهيتكتبزي ما إحنا عايزين، وهتمضي عليه غصب عن عين أمكو عايزك تورينياً مك دي هتعمل لك إيه.
- تاني سيرة أمي؟! حسبي الله ونعم الوكيل.
- قُدّم الدكتور محمد عبد الرحمن الضوي للمحاكمة العسكرية وتم الحكم عليه بالسجن لمدة ثلاث سنوات.. دخل محمد السجن وهوينعي مستقبله وحياته التي ضاعت في لحظة، من حلم الطيب الناجح إلى حلم السجين المظلوم. وصل الخبر إلى أم محمد ووالده
- الأم: ليه يا ابني كده؟ ياما قلت لك اسمع شتيمتك واسكت، الكرامة في الزمن ده ضايعة قدام السلطات، كرامة إيه وزفت إيه، أنا كنت مسامحة .. مستقبلك ومستقبل مراتك يضيع، ليه يا ابني ما سمعتش كلام أمك؟ آه يارب ربيت وعلمت وما لحقتش أفرح بثمره تعبي وسهري الليالي.. حسبي الله ونعم الوكيل فينك يا حبيبي عايزة ابني.
- اهدي يا ماما محمد هيكون بخير
- هو فين الخير!!
- دعاء: محمد ضيع نفسه وضيعني .. مستقبلنا ضاع خلاص.

- اهدوا يا جماعة ماحدث عارف المستقبل، المستقبل بيأيد ربنا..
- هنشوف المحامي هيعمل إيه
- هيعمل إيه دي محاكمة عسكرية ؟
- يا دعاء مش قدام ماما
- خلاص بعدين هنشوف ربنا هيعمل إيه ؟
- حياة: يا حبيبي يا أخويا بعد ما كنت باقول أنا أخت الدكتور محمد هاقول أخويا السجين محمد، حسبي الله ونعم الوكيل في كل حاكم ظالم.
- وأيما الكل بيغير من ذكائك وجمالك ودينك قبلهم يا محمد . خسارة قوي يارب تعوض علينا يا رب تعوض علينا.
- كان أول يوم في السجن العسكري من أصعب الأيام التي قضها محمد بعيداً عن أهله، الشعور بالظلم والقهر يولد الأحقاد والكراهية، ويُعي الأَبصار، ويُفقد القلوب البصيرة ويُغيب الوعي..حرم الله ظلم الناس وتوعد الظالمين بأشد العذاب.
- آه يا محمد آخرة أحلامك تترمي في السجن على ما فيش ومستقبلك يضيع؟إنت انتهيت يا محمد.
- نام محمد بعد عناء صارع فيه الأرق والفكر حتى غلبه النعاس..
- أُمي ضغطها عالي قوي أنا خايفة عليها، أَمال فين دعاء؟
- أنا هنا حياة باعمل شوية شورية للحاجة .
- الحقيني يا "حياة" (وسقطت على الأرض مغشيا عليها)
- إيه يا دكتور "دعاء" مالها؟
- هبوط في الضغط نتيجة الحمل .

- دعاء حامل؟
- يا ترمصير ابنكم إيه؟
- مرت سنة ومحمد يعاني في السجن وغير مسموح له بالزيارة، حتى أهله لا يعلم عنهم شيئاً، وبعد فترة فوجئ بحياة تزوره وتحمل بين يديها محمد محمد عبد الرحمن الضوي ابن الدكتور محمد. فرح محمد فرحاً شديداً وحضن أخته وزوجته عناقاً طويلاً .
- شد حيلك يا محمد وما تعملش مشاكل في السجن خليك تخلص، إن شاء الله تخرج بالسلامة.
- نظر إلى الأرض وبكى.
- محمد، ما تعيطش مش نهاية العالم، ممكن تبدأ حياتك، وبعدين السجن في الجيش سجن عسكري لا يُحسب سابقة، احنا قلنا إنك اتعينت ضابط وهتقضي التلات سنين وتخرج لحياتك عادى.
- عارف بس تعبت من الأشغال الشاقة.. تعبت.
- معلش يا محمد اتحمل أنا عارفة أنك مش واخد على الشقا.. فترة وهتعدى.
- مرت الثلاث سنوات على محمد والأسرة في أزمة نفسية شديدة.. خرج محمد إلى الحياة وهو يتوعد بأن ينتقم، وأخذ يسير في الطريق والسيناريو الذي عاشه يسيطر على فكره.

(فلاش باك)

- ابعء اءءك عن شعري مش علشان أنا مسجون تحلقوا شعري كده ابعءوا عني.
- اءرس يا ابن الكلب.
- علشان تنفذ أوامر القاءء.
- ههه حاسب حرام عليك فتحت دماغى
- أه دم إيه الدم ده كحلة
- محمد سبحان الله موقف حلق الشعر بيتعرض له كل المساجين ، فى كل الأفلام بس الواقع أصعب قوى يقص شعري ويفتح دماغى وأنزف وأءءل المسءشفى وأفقد الوعي ياه يا ريتنى اعلمت السكوت السكوت ما كئش ده كله حصلى بس كرامتى توجعنى وجع الكرامة أهون من وجع الظلم والله ما بقيتش عارف بعء التجربة هءبءاً حياءك إزأى.

الفصل السادس محمد وصديقه

الرسالة (٤٢)

آه.. يا حبيبي بابا فاكرنى بالذكريات الصعبة، بسجن الدكتور محمد فى الجيش، كانت أيام صعبة .

حبيبي وحشتني ضحكتك، ضحكتك اللي بتنور حياتي، وبسّمك اللي بتجدد روحي، وحنّك اللي هو ملاذي وأمانى.. فاكّر يا روجى لما زرتك مرة فى المكتب ورميت نفسي فى حنّك وفضلت فى حنّك؟ صحيح مش فترة طويلة، بس ماتعرفش إن الدقائق دي كلها كانت بالنسبة لى حياة، إحساس عمري ما حسيته فى حياتي كلها، جايز علشان بابا ناشف فى مشاعره عمره ما حنّني، ولا حتى باسني، ولا حتى طبّط علي.. تفتكر بابا رجل قاسي، لكن طول عمره بيسأل عني ويصرف علي، بس الحنية مش حب وأحضان بس، هي اهتمام بس، لازم الإنسان يبين مشاعر الحب والاهتمام.

بابا هيجنني والله يا "يوسف"، مصدق موضوع أنى حامل منك فى الحرام خصوصاً بعد ما أكّدت له الدكتورّة الكلام ده، بابا حاسس إنه ما رباش ولا علّم، أنا خايفة بابا يجرى له حاجة، هوجواه إحساس بيرفض الفكرة لأنه عارفني كويس، عارف قد إيه أنت عمري ما أخسر ديني علشان ديني، كان موضوع الدكتورّة تمثيلية دخلت عليه: يا حبيبي يا بابا أنا خايفة عليه ربنا يعديها.

رد الرسالة

ماتخافيش يا عمري، ربنا وحده عارف هدفنا، إن ربنا يجمعنا في الحلال.. ليه باباك بيقف في طريقنا علشان مجرد فكر سياسي ممكن يتغير، إحنا لازم نصبر شوية على رئيسنا الحالي، «الرئيس السيسي» لازم ياخذ فرصة جايز تكون وجهة نظره صح، وأكد ربنا هيقدر الخير لمصر، ربنا تعهد بحفظ أمن مصر ولو مرسي فيه خير لمصر كان ربنا «حى مُلكه»، وبعدين الملك لله لازم نقف جنبه حتى لو تعبنا، مصر تستاهل نتحمل شوية علشانها.

الرسالة (٤٣)

مش الرئيس «السيسي» بس اللي يستاهل نتحمل علشانها، حبنا كمان يستاهل نتحمل ونضحي علشانها.

يوسف، حبنا يستاهل إنك تضحي ونصبر شوية، بابا بعد قصة الحمل سلم الأمر وأكد هيوافق.. باقول لك أنا محتاجة خروجة، إنت ما خرجتنيش أبداً.

رد الرسالة

بس كده يا "حياة" يالا جهزي نفسك أنا نازل إجازة الخميس الجاي، ويوم الجمعة كله بتاعك، وكمان الغدا عند حماتك، وفرصة تتفرج على الشقة، حماتك أم يوسف مجهزة شقة لعروسة يوسف إنما إيه!!
ظلت حياة طيلة الأسبوع فرحانة وتجهز لذلك اليوم، ذهبت إلى الكوافير واشترت مكياجاً وفتاناً جديداً.

الرسالة (٤٤)

يوسف يا حبيبي، اشتريت فستان جديد ألبسه يوم الجمعة بدل
البنطلونات علشان مامتك بتحب البنات اللي بتلبس فساتين، بتقول إن
الفستان بيظهر أنوثة الست.. تصدق معها حق، والله الفستان روعة يا
حبيبي نفسي تشوفه علي وتقول رأيك.

رد الرسالة

آه يا حبيبي نفسي أشوف الفستان والقوام اللي تحت الفستان،
والقمر اللي لابسة الفستان آه - آه - آه

الرسالة (٤٥)

إيه يا روجي فهمت أنا إيه من آه - آه - آه؟
معناها إيه ديت بئى.

رد الرسالة

معناها إني بحبك بعشقتك بموت فيكي ونفسي أتجوز علشان أدلعك.

الرسالة (٤٦)

مش مصدقة نفسي.. معقولة بقي أنا وأنت هنقعد على تراييزة واحدة
وكرتي واحد جنب بعض، الدنيا كلها هتضحك لي أخيراً.. ياه يا حبيبي أنا
باشكر ربنا وباحمده يا يوسف، منظر الطبيعة والنيل هنا حلو قوي، ربنا
يرزقنا ونقدر نشترى شقة هنا.

- لا يا حياة ما تحلميش، أنا مرتبي مش كبير قوي زي ما أنت متخيلة،
والشقة هنا في المكان مش عايزة حتى شغل عادي، دي عايزة تاجر سلاح أو
تاجر مخدرات مش موظف في الدولة.

- جري إيه يا "يوسف" هو أنت أي موظف!!؟

- إوعي تفتكري إن وظيفتي بتدي بالملايين، مرتبات عادية والله

- يوسف، بص في عيني كده.

- أهو

- هههه

- ماشي هاعديها.

- يوسف

- نعم

- ممكن أطلب طلب

- اتفضلي

- امسك إيدي

- حياة إحنا في مكان عام وبعدين !!

- امسك إيدي باقول لك

- ليه بس؟
- محتاجة تلمسني، مش علشان حاجة غير إني باحس بالأمان وأنا إيدي في إيدك.
- أنا مسكت إيدك أهو
- عاهدني وإيدك في إيدي إن عمرك ما هتسيبني يا يوسف.
- حياة، إثبت إنك بتحبيني وأنا كمان باحبك.. عمري ما هاسيبك أبدا، أنت حتة من قلبي
- حتة بس؟ ههههههه
- كل قلبي وعمري، عشقك وحبك لي ادني قوه عمري ما حسيتها في حياتي، خليت طاقة الأمل تتجدد في حياتي، خليتي عقلي وقلبي في انبساط
- يوسف، نفسك في أيه أعمله لك بعد الجواز؟
- نفسي مراتي تدلعي ثم تدلعي
- ههههههه بس كده
- إيه بس كده! يا بنتي هو أنت تقدري على دلعي
- طبعا اقدر.. هو أنا صغيرة!!
- صغيره وقمر، وعموما أنا هاعلمك يا جميلة
- يارب يا يوسف.. إمتي هيبجي اليوم ده، أنا هاكون حرم يوسف بك..
- الله على كده وامشي أحط إيدي في إيدك واتمختر وارفع راسي، وافتخر بيك، واقول لكل الناس ده حي، ده حبيبي، ده جوزي.
- وفجأة قامت وأعطت قبلة ليوسف ثم صرخت..
- الله أخيرا بوست حبيبي!
- نهارك اسود يا مجنونة! احنا قدام الناس

(فلاش باك)

بعد ما خرج من السجن وقبل ما يوصل البيت قرر الدكتور محمد أنه يصلي في الحسين ركعتين شكر لله لأنه كان مشتاق قوي يصلي في مسجد الحسين

السلام عليكم ورحمة الله وبركاته

تقبل الله

منا ومنكم

أخوك خالد

أخوك محمد

تشرفنا

أنا بقى لي فتره باصلي في مسجد الحسين، أول مرة أشوفك.

فعلا أصلي كنت في رحله طويله ولسه راجع ما بقاليش ساعتين.

حمد لله علي السلامه عسير أن تكون وفقت في رحلتك .

محمد ظل يبكي ويبكي

وحد الله يا اخ محمد

لا اله الا الله محمد رسول الله

هدئي من روعة يا اخ محمد

هيا بنا نجوم طرقات حي الحسين ونشر عبق الماضي والتاريخ ونتذوق

من نعم الله علينا من الحمام المشوي والكباب وما إلى ذلك

لا يا اخ خالد شكرا

سأقول كما يقول سائر العامه أنت بخيل يارجل

معاذ الله

إذن تفضل هنا ذلك المطعم الشهير أطباقه هائله هيا

أستاذ خالد ممكن اسئلك سؤال

تفضل

أنت ليه بتكلم لغه عربيه فصحي هو أنت مش مصري

بلي يا أخي أنا مصري صميم ولكن أتحدث الفصحي لأنها لغة القرآن

ولأن طبيعة عملي تقتضي هذا بالضرورة

هيا نأكل تفضل جاء الحمام والكباب

ايوه بس كده الفاتورة هتكون شديده عليك

الخير كثيرا ويجب أن نتنعم به

سم سم الله

بسم الله الرحمن الرحيم

محمد محدث نفسه الله وحشني الأكل الحلوه بقالي زمان ما اكلتش

منه وحشني أكل أمي ومراتي اللي ما لحقتش تكون مراتي وابني اللي

ماسمتوهوش يارب انا عملت إيه علشان كده يحصلي يلا نصيبي

الحمد لله قسمتي

تفضل كل باسم الله يا اخ محمد

(بقية حوار خالد ومحمد)

- كله راح
- إيه افتقرت؟
- لا أبدا بالعكس، الفلوس زادت والخير زاد والدنيا هانت ودخلت كلية الهندسة واتخرجت بتفوق كالعادة، لكن بابا مات

(فلاش باك)

- (في فيلا كبيرة تجري امرأه)
- اصحي الحقتي يا خالد أبوك بيموت!
- إيه يا ماما بيموت؟! إزاي!؟
- قوم البس وشيله معايا على المستشفى
- اتصلي بالإسعاف
- على ما توصل هيكون مات، انت في مصر، الإسعاف ما بتسعفش حد، ياللا قوام البس بسرعة، واللامش لازم تلبسشيل بسرعة ودور العربية
- بالراحة عليه خالص يا ماما
- اركب انت، جبت فلوس وبطاقة؟
- أه بس نسيت الرخصة
- مش مهم المستشفى قريبة اطلع
- ماما فيه لجنة هتعطلنا
- امشي سيبك منهم أبوك بيموت
- يا ماما هيضربوا علينا نار

- ولا نار ولا حاجة اطلع على طول اجري

- لأ هاستنى

- هيكون ابوك مات، اطلع

-حاضر

جرى خالد بالسيارة وجرت وراءه اللجنة

بالموتوسكالات

- الحقي يا ماما دول ورانا

- مش مهم ادخل طريق المستشفى

- يا نهار إسود كل ده بيجري ورانا!!

- اخلص واقف عند باب المستشفى

- اديني وقفت يا ماما، الحقوني بابا بيموت

حضرالمسعفون بسرعة لإنقاذ والدي، وقبل أن أدخل كان ضابط

اللجنة ورائي، سحبني على القسم وس وج أني كسرت اللجنة مع أن بابا كان

بيموت، وجابوني من المستشفى، لكن الضابط كان صغيرا في السن وكان

عايز يثبت وجوده، فحبسني وأصبحت قضية وعرضني على النيابة فقضت

بحبسي ثلاثة أيام على ذمة التحقيق، وفي هذه الأثناء مات بابا، حاولت

ماما تجيب واسطة أومحامي يخرجني آخذ عزاء والدي، لكن للأسف

الضابط كان رافض تماما، وما أخذتش عزا أبويا وأنا ابنه الوحيد، كانت

تجربة صعبة قوي.. ياه أبويا يموت وما اخدش عزاه ولا أقف على غسله..

بابا اندفن من غير ما أقف على قبره.

- فكرتني يادكتور محمد، لكن ده علاقته إيه بالتغيير اللي حصل يا باشمهندس خالد؟ فين خالد (جان) الجامعة، ومحبوب البنات، وحديث الصالونات الأدبية، واتحاد الطلبة، وبطل فرق المسرح؟ فين العربية أحدث موديل؟ كل ده اتبدل علشان اتحبست ثلاث أيام؟! دي الوقت الدقن والجلباب والسبحة؟! اتدروشت ياخالد!؟

الأزمات تقوي يا خالد مش تخليك تتدروش.

- اسمع يا محمد الحكاية كلها وبعدين قول وجهة نظرك

- اتفضل يا خالد

- أنا شفت في الثلاث أيام دول ذل وقلة أدب ماشفتهموش في حياتي، ماحدث قدّراني ابن ناس وإنسان مثقف وممكن أكون حاجة كبيرة في البلد، الضابط زي ما يكون كان متسلط علي بسب بسيط قوي لأنني لما اتحبست وعرفت اسمه، عارف طلع مين؟ رامي سمير.. فاكره؟

- لأ

- رامي سمير طالب الأدبي الحمار اللي كان بيعجي معنا درس الفرنساوي، وكان خايب قوي ونفضل نتريق عليه.

- معقول يا خالد رامي بقى ضابط!! إزاي؟

- بالغش يا حبيبي.. كان في الثانوية العامة فاشل أمه اشترت العامل اللي في المدرسة اللي كان بيמתحن فيها يسرب ورق الامتحان وتسلمه لكل مدرس يحل ويمليه الحل في التليفون.

- معقوله!! فيه مراقب يسبب التليفون في اللجنة؟!؟

- كان حاطط سماعة بلوتوث ولا بس كاب، ونجح وخذ الثانوية
بمجموع، بسلأنا عارفين تاريخه حَب يعرفني مركزه ويلبسني قضية
- لكن إزاي ده دخل كلية الشرطة؟
- ده حمار فلوس أمه وعلاقتها تعمل المستحيل، واتخرج من الكليه
واتجوز بنتواحد مركزه كبير قوي في وزارة الداخلية يعني بقى سلطة وفلوس
وحَب يخلص هزار وتريقة زمان عليه، لكن ماما اتصرفت وراحت لوالدته
بالهدايا والعطايا وكان شرطه الوحيد علشان مايعمليش قضية إني أبوس
إيديه، طبعا انا كنت رافض وكنت عايز اقتله، لكن ماما وأخواتي البنات
هيكسروا ضهري ما ينفعش أسيمهم علشان كرامتي لأنني لوسيتهم كرامتي
هتضيع أكثر.. خرجت وعشت بشكل طبيعي وبقيت رئيس مجموعة
شركاتو حققت أرباح ومكاسب هائلة، لكن ساعة ماكنت بافكر اتجوز وبادور
على عروسة...
- سكت ليه انطق إيه اللي حصل؟
- أبدا أمي..
- مالها؟ كمل
- أمي..
- تاني يا خالد؟ لو فيها إحراج مش لازم تقول
- أمي طلبت تتجوز بعد بابا
- يا شيخ خضتني
- باقول لك أمي اللي داخله على خمسين سنة عايزه تتجوز رجل غريب
على فرشة أبويا وتجيبه وسط اخواتي البنات!!

- حقها
- حقها!!! المهم يا محمد ما قدرتش أرفض، قبلت غصب عني لأن أختي مريم دكتورة في الطب النفسي وقالت إن الستات في الفترة دي بيكونوا محتاجين أزواجهم.. وكان هذا الحوار..
- مريم إنت موافقة أن أمك تتجوز راجل غير ابوك؟
- تتجوز أرحم ما تعمل حاجة غلط
- غلط إيه في السن ده؟!
- الأمور العاطفية مالهش سن
- يا سلام!!
- عادي يا خالد ده حلال ربنا شرع الله
- لكن أمك ست كبيرة وانا مش صغير الناس هتقول إيه!
- آه يعني عقدة الناس؟! يعني انت بتخاف من الناس أكثر من خوفك من ربنا!!!
- لأ مش كده.. ده رجل غريب هيدخل حياتنا
- خالد، أنا عارفه انت ليه رافض جواز ماما؛ لأنك بتغير عليها وتعتبرها من ممتلكاتك الخاصة وخايف عليها.. ده انت يا ابني بتغير عليها مننا احنا، ونفسي أسألك سؤال: هو ليه في مصر الرجل اللي مراته تموت الدنيا كلها تقول له اتجوز امرأة تعفك، لكن لما الرجل يموت الست تتفضح وتشرح من كل الناس؟ ويا سلام على اللي بيتقال عنها، والناس تاكل في لحمها كأنها أستغفر الله العظيم كفرت مش اتجوزت على سنة الله ورسوله؟! وكأن الرجل الأزمل هو اللي محتاج العفة بس، والست الأرملة حديد!! مجتمع

ذكوري، حتى شرع ربنا بيحللوه للذكور ويحرموه على الإناث، عارف يا خالد العيادة عندي مليانة بحالات كده، ستات كتير بتعاني من عدم وجود رجل في حياتها ومش قادرة تعلن ده خشية من السن، ومن الناس.. فيه ناس بتتحمل الصراع ده وناس تانية بتمرض وناس بتواجه ومش بتهم بكلام الناس.. سيها يا خالد هي من حقها تتجوز ماتقفش أمام شرع الله، أمك تعبت ومن حقها تعيش حياتها زي ماهي عايزه.

- "وقد كان، اتجوزت ماما من رجل أعمال أصغر منها بخمس سنين، كنت تشوفه تقول أصغر مني بكتير، كان متجوز وعنده زوجة أولى مش مصرية، أردنية ومخلف منها خمس عيال، لكن ماكانش بيحبها، حب ماما وكان بييجي البيت كتير، طبعا ماهو بقى بيته! كنت بابقى قاعد في الصلاة وهو بيدخل ينام مع أمي واكون عارف إنه داخل ينام معها، الباب بيتقفل في وشي وأمي نايمه في حضن رجل غريب، كنت باتجنن.. إحساس غريب وحش قوي، ساعات كنت بافكر أنتحر، لكن مسكت شغل بابا الله يرحمه وكبر الشغل، وجوزت أخواتي وفضلت أنا وأمي وجوزها في البيت. وفي يوم من الأيام رجعت لقيت ماما قاعدة في الصاله مستنية جوزها ولايسه قميص نوم، أول ما شافتني دخلت على أوضتها جري، وفي نفس اللحظة كان هو بيفتح باب البيت، شافها بتجري نادى عيلها فوقفت، سألتها:

- رايحه فين؟!

فأجابت: داخله الأوضة

- استني ماتدخليش أنا عايزك هنا

- بس احنا مش لوحدنا

(كان وقحا وفي منتهى القذارة).. قال لها: اللي مش عاجبه يمشي،
 ويمشي ليه ما يقعد معنا
 خالد: امشي.. ده بيتي وبيت ابويا
 - انت اللي تمشي
 - خالد، اخرس عيب!
 - أنا اللي عيب؟! العيب اللي عايش معنا
 - يا ابني ده جوزي
 - جوزك إيه كفايه بقى!
 - آه جوزها وهائبت لك، ولازم أنام معاها قدامك علشان قلبك ودمك
 يتحرقوا، دي مراتي حلالي
 - لأ عيب يا حبيبي لنا أوضة، خالد مش صغير عيب الاستفزاز ده
 - ماما.. ده كل اللي قدرتي عليه؟! تقولي له معلش عيب!!
 لأ العي القميص ده انا هنام معاكي هنا في الصاله
 خلع هدمه قدامي عريان
 وبدأ يخلع أمي باقي هدمها بالعافيه وماما تصرخ عيب كفايه
 مقدرتش ماما عليه وفجأة ماما بقيت عريانه قدامي مابقتش عارف
 اعمل إيه ؟
 وكأني في كابوس أمي اتجوزت رجل فاجر ولما بدأ ينام معاها وماما
 بتصرخ حسيت أن أمي واحد بيغتصبها قدام عيني
 اكيد نزلت فيه ضرب أوعي تكون قتلته
 قلبك ابيض يادكتور محمد ضربته ايه

دكتور ايه ما بقينا رد سجون

ازاي

هقولك بعدين المهم اكيد انت دبح جوز أمك

_ هههههههه لا ابد انا وقعت من طولي

_ وقعت ازاي

_ اغمي علي

_ افتكرتك رجل و وضربت

_ ما حستش بنفسي غير وأنا في المستشفى تعبان بموت

والمحاليل في ايدي ونبصرخ وأمي وأخواتي واقفين بره اوضة العناية

يصرخوا ويبكوا

انا السبب فكرت في راحتي ومافكرتش في راحة ابني كنت فاكره اني

أعيش بميرضي الله مع ناس متعرفش الله حسبي الله ونعم الوكيل يارب

اهدي يا ماما خالد بخير وكل حاجه ليها حل صدقني

وفضلت تلت أيام في المستشفى حيران وتعبان وخرجت اتمشي

وقلت هروح أصلي ركعتين في الحسين وبعد ما صليت خرجت

اتمشي وحسيت اني جعان وقعت علي نفس التريزه ديت

نهار أسود يا خالد ومن سعتها وانت لسه قاعد

يا بني اهدي شويه

آمال ايه إلهي حصل ؟

قابلت رجل طيب قوي كان المكان زحمه وطلب مني أنه يقعد معايا
علي التريزه وسمحت له طلب له طلبين وقدم لي طلب منهم واتكلم نا
سوا

فلاش باك

اتفضل كل يابني

شكرا يا حاج

قول لي يا شيخ حمد

أهلا يا شيخ حمد

انت اسمك إيه

خالد

أنت مهموم ليه يا خالد

الهم في الدنيا كتير

كل وسبها علي الله

ده رقم تليفوني وعنوان لما تحب تتكلم مع حد اتصلي بيه بالرقم ده
ومشي الشيخ وهو سايب أثر النور في الضلمه أثر الراحه في الوجع
بعدها روجت البيت ودخلت لكن ما قدرتش أنام كل ما اجاي
أنام افكر منظر أمني وهي بتغتصب قدامي جريت جري علي التليفون
طلبت الشيخ حمد كلمني كلام حلو أوي ريحيني وزمني في بيته
سافرت له في بلده كانت قريه بعيده قوي دخلت البيت كأني دخلت
الجنه

أزاي؟!

يا أخي أصبر طول عمرك ما عندك صبر
 أصبر ايه بس يا عم خالد أنت دخلتني في دراما مصري وبتقول أصبر
 جنبه بيته البيت بسيط وفي منتهي الرقة حاجة من بره غير جوه
 من بره شبه القصر من جو ساحر تحس أن البيت بيسرقك
 بيشدك لدرجة أنك تحس أن ده مكانك من زمان ومش عايز تسيب ابدأ
 فضلت قاعد مع شيخ حمد شويه قرأ علي قرآن وقال لي أني
 محسود وكمان فيه مس ماتعرفش قد إيه ارتحت وفضلت أتردد علي بيته
 وشفت هناك القمر بنت ملاك نازل من السما بنت حقيقه من غير غش
 وازي من غير رتوش وقار وحشمه انهبرت اول ماشفتها حاجة كده ولا في
 الخيال مش بني آدم عادي سلبت أثر ساحر في بعد ماشفتها حسيت أني
 اتخلقت من جديد نسيت الهموم كلها

اللله عليك شوقتي اشوفها

احترم نفسك بئ ديت بقت مراتي

اتجوزتها

اه اتجوزتها وكانت أحلي أيام عشتها حستها أمي حستها اختي حبيتي
 مراتي صاحبي كل حياتي عشنا مع ابوها في نفس البيت وفي يوم
 قالت انها حامل فرحت قوي وبعدها بكام شهر ولدت ابني حمزه عشنان
 أحلي أيام وبعدها

وبعدها حصلت مفارقة

ايه اللي حصل؟

الأمن الوطني قبض علي الشيخ حمد وصادر كل أمواله حتى البيت
حجزوا عليه

ليه هو كان جايب قروض من البنك؟!
معرفش لحد النهارده معرفش سر التحول الغريب ده وكأني دخلت في
صندوق أسرار الدنيا وتقلب حياتنا وقررت مراتي أنها لازم تسافر لإخواننا
هي وحمزة ابني بره مصر لأنها خايفه من أمن الدولة وسألته هسافر ليه؟

فلاش باك

لازم أسافر الدور علي
الدور عليكي في ايه يا ام حمزه
في القبض علي
انت ست طيبه وعائشين في حالنا هيبقوا عليكي ليه انت عملي ايه؟
أنت متعرفش حاجه ده تار قديم بين وبين الحكومة المصريه
ليه فاهمني انا زوجك
بابا كان بيسافر زمان كابول وله علاقه بالمتهمين بالتفجيرات الاخيره في

كابول

نهار اسود
كابول مره واحده علي كده روحنا في دهيه
هتسافر معنا
لاءه نساfer ليه احنا مالنش دعوه بحاجه

علي بال ما تثبت ذلك هنكون موتنا في السجون المصرية الأمن
المصري بياخذ الكل في الرجلين
لكن احنا هنسافر فين؟
معرفة فين؟

المهم أننا نخرج حالا منها هنروح السلوم وهناك هنكون علي حدود ليبيا
والرسالة هتوصلنا وهنعرف منها هنروح فين؟
خرجنا وسافرنا السلوم متهربين في عريبه نص نقل محملة بضاعه
سعتها كنت حاسس إحساس المصيبة لما تيجي علي غفلة سبت بلدي
وفلوسي ووطني وماشي.

وصلنا السلوم بعد تعب وهناك لقينا ناس شكلها غريب رحبوا بينا
وبعد ٢٤ ساعه دخل علينا
مين ها؟

أصبر دخل علينا شيخ كبير في السن وقال صدر الأمر بترحيلكم إلى ليبيا
الليله مافيش وقت لازم تمشوا الحكومه المصريه قلبت عليكم الدنيا
علشان تحقق معاكم

تتحقق معانا ليه أحنا معملناش حاجه أحنا ناس في حالنا
هوبيروح في دهبه في مصر عندكم غير اللي في حالهم عارف ياشيخ خالد
لو انتم عملوا حاجه وكان ليكم صوت ماكنش ده بئى حالكم ماشين تكلمو
نفسكم

معاك حق هنعمل إيه بس احنا شعب غلبان ودعنا تمن اندفع

المهم الرحله جاهزه لازم تمشوا
 اتفضل ياشيخ خالد ده جواز سفر أوربي باسمك
 اشمعنا أوربي علشان تقدر تدخل أي بلد
 يلا قوام مافيش وقت
 الحياه بتغيير في ثواني وكمان الجنسيه بتغيير والحال بتغيير بسرعه

ياه

خرجت انا ومراتي وابني لقينا نفسنا في ليبيا وبعدها في المطار
 ماكنش شاغل بالي حوار السفر قد ما كان شاغل بالي كلامه انتم ناس
 غلابه وسئلت نفسي هنعمل إيه مش عارفين الصبح من الغلط مغيبين
 مش عارفين الحقيقيه الحياه ماشيه معنا بالبركة مافيش اختيارات
 مدروسه أختيارات انفعاليه ياه عليناغلابه قوي ماشين مع التيار

المهم سافرت من ليبيا علي فين

مش عارف سافرت فين؟

اه

ازاى..!؟

لقيت نفسي في جزيره سئلت احنا فين؟

لقوا أنت في جزيره اسمها تاني في المحيط الأطلنطي

من مصر إلى ليبيا إلى جزيرة تانامش عارف أحنا رايعين علي فين؟!؟

يلا ياخالد احنا وصلنا

الله إيه الطبيعيه الجميله والبيت البسيط ده حلو أوي

شيخ خالد هيا أسرع

دلوقت تتراح علشان بعد مات تتراح تنزل معايا تستلم شغلك
الجديد

شغل هو هنا في شركات عايزني أديرها
لاءه هنا هتشتغل شغل مختلف
ايه المختلف؟
هتشتغل إيه
داعيه إسلامي
ازي داعيه إسلامي وأنا مش متخصص
هترد علي كل حاجة

وفعلا لقيت نفسي في معسكر تدريب حفظ قرآن وتفسيره ودروس
في الفقه والسيرة والأحاديث النبوية حسيت أنني بعيد قوي عن ديني قد
كده الحياه كانت سرقنا بصلي بالعافيه وصوم رمضان لكن الذكر والتفقه
في الدين ضعيف زي ذي بقية الناس الحياه والغلاء والطموحات وارتفاع
مستوي المعيشه زمان كانت حياتنا بفضيها بأي حاجة أي أكل كان نعمه
كان خير كان معظم أكلها من أرضنا لكن دلوقت الدنيا اتغيرت كل حاجة
بقيت فوق طاقتنا

إزاي ياسيادة الداعيه الإسلامي
مش عارف بس الحاجه الوحيده اللي انا عارفه أننا عندنا حاجات
كثير غلط لازم تصلها

عشت أيام جميله في تانا جزيره غريبه حلوه بس مختلفه لكل قبيله
لغه مختلفه لكن أغلبيتهم يتحدثون اللغة الانجليزية وده اللي ساعدنا علي
نشر الإسلام

ما شاء الله بقيت داعيه إسلامي وكمان باللغات
المصري شاطر علي فكرة بس لو خد فرصه وشغل دماغه الدماغ
الشاغل نعمه وتعمل كثير قوي بس الناس تتحرك
عشت هناك فتره طويله قوي كانت سعيده
طيب وشغلك وأهل
الغريه كفيله أنها تنسيك أسمك أضحك علي حاجه
إيه ياعم اشجيني؟
أول ماسافرت كان عندي حاله من فقدان الوعي
ازاى؟

يعني ماكنتش اقدر احدد أيام الأسبوع حتى الساعه الوقت كله كان
ماكنتش عندي له تقييم
ياه لدرجه دي

لكن كله اتغير بقيت بعد ما ارتبطت بعمل بقيت أنا الساعه نفسها
سيدي يا سيدي لكن ما قلتش طول الفتره معقوله ماكملتس أهلك
رغم وجع الأهل ومشاكلهم والأزمات النفسيه والمادية اللي ممكن
يكونوا سبب رئيسي فيها الأهل أنهم بيكونوا زي الدم الفاسد في عروقتك لو
تخلصت منه وصفته نهائيا بتموت وأنت مضطر تسيله وتعالجه
علشان تقدر تعيش

أنا مش فاهم حاجه أبدا...!؟

يعني سبب جودك في الحياة في نفس اللحظة هم سبب سعادة
وشقائك

وضح

يعني ماتقدرش تستغني عن أهلك حتى لو كانوا بسبب مشاكلك
ياعم ماتقول كده من الصبح أفهم من كده أنك كلمتهم
اه طبعا كلمتهم

وعرفت أخبارهم وتابعت مصالح والبنس بتاعي نجح جدا
إزاي وأنت في تانا

أمي تفرغ للشغل نسيت موضوع الرجاله ده تماما وفرغت طاقتها في
الشغل بقت أحسن من سيدات أوروبا في إدارة الأعمال والشركة وفتحت
مصنع وفي أقل فتره كانت من أهم سيدات الأعمال في مصر
ياسلام انت ما حاسسني أنك دي مش عايشه في مصر
مصر وناسها يقتلوا أي نجاح أنت عارف يعني إيه ست تنزل السوق
في مصر

طبعا عارف واسخة السوق واللي فيه لكن تجربة أمي في جوازتها خلها
وحش الستات

همههههه وحش

ياعم دي طنط اللي يشوفها يقول بسكويت
البسكويته بقيت حديده تقف في الزوار وماتدخلش البق اصلا
بركاتك يا حاجه انتصار



هههههههه

لكن أنت رجعت مصر تاني إزاي بعد ما هربت منها؟
 بص يا دكتور الوطن رغم كل المسيح ورغم الواسخه اللي فيه إلا أنه
 بفضل نبض في قلبك دم دافي بيجري في جسمك بتحس الوطن انه
 هوالكيف اللي بيكييفك حتى لو تأذيت فيه حتى لوقتلك وطنك تتمني
 تندفن في ترابه

ترابه حنين عليك عن تراب أي وطن
 الهوا بتاعه رغم تلوثه تحس بشوق ليه
 يا سلام علي التعبيرات الوطن يقتلك بس تحب تدفن فيه
 لا انت كده بقيت فيلسوف لكن جيت مصر إزاي بعد ما سبتها اكيد
 كان في قصه للعودة

حقيقي كان في قصه طويله

فلاش باك

عشت هناك فتره طويله كان كلها وعظ ونصح وإرشاد وكانت مليانه
 نجاحات دخل عدد كبيرمنهم في الإسلام وبفضل التبرعات قدرنا نبي
 مجموعه من المساجد

متعرفش قد إيه أحساسي العظيم لما كان عدد المسلمين بيزيد وفي

يوم من الأيام

الله عليك ياشيخ حلقة الذكر النهارده

ما شاء الله أصبحت تتحدث العربيه بطلاقة

Yes thanks for god

لكن هناك أناس من دول أوربية يدعون لدين جديد
أقصد حملات التنصير

لألية لتصير الناس ودخوله في الدين المسيحي
وهل هناك دين جديد؟

هذا من المستحيل لأن نبينا محمد هو خاتم الأنبياء والإسلام هو دين
للعالمين انه هراء من أين أتيت بهذا الكلام؟

أنه ليس كلام أنه حقيقه سيدي الشيخ
فهناك سيده ايطاليه تتحدث أكثرمن أربعة لغات الايطاليه والعربيه
والتركية والانجليزيه وتحدثت معنا بالانجليزيه

وتتكلم عن دين جديد يسمي شهود يهوا
وهي تدعو إلى الوصايا العشر دين يحمل مبادئ طيبه توزع كتابه
المقدس المترجم إلى كل لغات العالم، كما أن هذه السيده ومن معها
يشترون الأراضي بأسعار باهظه الثمن لإقامات مايسمع نه بقاعات
ملكوت

سيدي أنها تبني تلك القاعات لتمارس عبادات وشعائر ذلك الدين
ماذا أنت فاعل؟

ماذا عساني أن افعل؟ فالدين لله

ولكن أنت هنا لنشرالدين الإسلامي نشرالدين الإسلامي هنا وفي كل
زمان ومكان بالإقناع وبالحسنه وأنت تعلم قول الله تعالي {لا اكراه في
الدين} صدق الله العظيم ولكن هؤلاء الناس يبيعون دينهم لناس بالمال

عشق مرة واحده
ولما لا فأنت من أدخلت حلاوة الإيمان إلى قلوبهم
أين حمزه؟!
خرج مع أبائه
- كفاية يا أم حمزة، نفسي تكلميني مصري، واحشني البلدي.
- بس كده من عنيه يا روجي
ايوه كده حمدلله علي السلامه لسه مافيش أخبار في مصر عن الشيخ
حمد؟

لسه آخر حاجه عرفناها أنهم غيروا السجن بتاعه لماعرفوا أن
مجموعه من الدعاء يقدمون له المساعدات داخل السجن
ياه الشيخ حمد علي كده واصل قوي إتصالات داخل معتقل
أولاد الحلال كثير نفسهم يساعدوا المظالم بابا مش صاحب
اتجاهات سياسيه ولا له دعوه بحاجه بابا رجل فقيه في الدين ولا يتبع
أي تيارات سياسية لانه صاحب وجهة نظر في الموضوع ده أن السياسه
ظروف ووقائع والظروف متغيرة والوقائع أيضا متغيرة لذلك بيحتفظ بآرائه
السياسيه لنفسه

طيب ليه اتسجن
للعداله وجوه آخره وأمن الدوله اللي غيروا اسمه للأمن الوطني
الجهاز واحد والمسميات مش مهم
حمزه وصل
حمدلله علي السلامه يا حمزه انت كنت فين؟



كنت العب مع السيد جون لأنه أصبح يتحدث العربية بطلاقه
 وأنت أيضا يا حمزه تتحدث العربية الفصحى بطلاقة
 والانجليزيه فإن ابن الداعيه الإسلامي وعلي أن أكون مثل أبي
 يا حبيب أبوك تعالي في حضني أنت هتنام في حضني الليله
 ماشي بس خايف اعملك مشاكل
 مشاكل إيه يا سي حمزه ؟
 بعدين ماما تزعل منك
 ليه هههههه أنت أكبر سنك يا حمزه يارب أعيش واشوفك عريس
 ليه هو أنا دلوقت مش عريس
 هههههه أحسن عريس
 مرت الليله وحمزة في احضاني وكأنها أقل من ثانية وجاء صباح اليوم

التالي

السلام عليكم سيد جون
 وعليك السلام شيخي
 جئت لأخبرك بأخبار أصحاب الدين الجديد يهوا
 جون هذه خرافات الدين بعد دين الإسلام الذي أنزله الله تعالي علي
 سيد الخلق أجمعين وجميع الكتب السماوية تؤكد ذلك
 سيدي هذا الكتب السماوية ولكن هناك كتب وضعيه وضعها من
 يسمون نفسهم شهود يهوه
 جون الهند بها العديد من الأديان السماوية والوضعيه التي صنعها
 البشر فهناك من يعبد البقر وهناك من يعبد الفئران وهناك المسيحي

واليهودي والمسلم والكل يعيش في بوتقة مجتمع واحد أن الدين لله ونحن
لأنستطع منع أفكار الآخرين من أن تنتشر ولكن ماعلينا فعله هو نشر
الحق وعلي الفرد أن يختار فأنت تعلم أنه لا إكراه في الدين

معك حق ولكن هؤلاء الغرباء لهم تأثير السحر علي الناس

يتحدثون في أمور حيويه

دعهم وشأنهم

لن اسكت

ظل جون يراقبهم وهم يوزعون الهدايا والكتاب المقدس والنار تحرق

جسده

دخل عليهم قاعة الملكوت

ماذا تفعلون؟!

ننشر ديننا

أي دين وأي كتاب مقدس يتحدثون بيه في آخر الزمان ليس هناك
شيء من هذا القبيل أن سيدي وحببي المصطفى صلي الله عليه وسلم هو
آخر الأنبياء

سلفانا بليروا

ومن قال لك أننا نختلف معك نحن ندعو إلى نفس مبادئ دينكم

نحن نحاول أن نجتمع البشر علي الوحده علي الإيمان بالله

أي اله

اله العداله والرحمة يهوه

لايوجد غير اله واحد أحد

لا بد أن تسمعنا وتتخلي عن عصبيتك وعلني عقلك أن يختار
يختار ماذا؟! هذا هراء لا بد أن تنصرفوا من هنا حتى لا تحدث لكم

مصائب

وفي اليوم التالي وجدت السيده سلفينا معونة بسكين
وكان من الطبيعي أن يتهم جون
سيد جون أنت مطلوب معانا في الشرطه
لماذا؟!

عندما ستأتي ستعرف

وصل جون إلى قسم الشرطه

ما الأمر

أنت متهم بمحاولة قتل سيلفنا بليروا

أنا أن لم أفعل شيئا وأنا كنت طوال ليلة أمس جالس مع الشيخ

عبد الرحمن ابي حمزه وتستطيعون سؤاله

ولكن الناس شاهدوك وأنت تتشاجر معها

أين وأنا لم أذهب في مكان اخر؟!

لكن السيده سلفانا بليروا قد أخبرت الشرطه بأنك الذي قمت

بالاعتداء عليها وأنك قد سبقت

لا ليس أنا

بلي أنت

ما الدافع وراء ذلك؟!

سلفانا بليروا تقول أنك الفاعل ومن دفع لعمل هذا هو الشيخ
ابوحمزه

لا ليس لشيخنا أي صله بذلك
انه رجل طيب ولا يعرف شيئاً عن العنف لا
تفضل الآن إلى وسريع
ياشرطي خذ السيد جون إلى غرفة السجن الاحتياطي ، وأرسل إلى
الشيخ ابوحمزه

عفوا أبا حمزه معي استدعاء لتحقيق في محاولة قتل السيده سلفانا
ها معقوله ازاي؟! مين عمل كده لاحول ولا قوة إلا بالله
هيا لا أحد يعلم
وصلنا تفضل
افتح التحقيق سيد مارتن
أي تحقيق؟!
التحقيق مع من؟!
معك سيد ابو حمزه
لماذا!؟

بخصوص محاولة قتل السيده سلفانا بليروا
أين كنت البارحه في بيتي وكان مع السيد جون في مجلس علم
مجلس علم ام مجلس تخطيط لقتل السيده صاحبة الدين الجديد
سيدي أنا ليس بيني وبين السيده أي صراع ديني أو فكري ولم أراها
من قبل صدقني

ولكن السيد جون صديقك قد رأها من قبل وتشاجر معها وهدد علي
 الملاً أمام الناس جميعاً
 سيدي أن اخي جون رجل طيب القلب لا يعرف العنف أنه مجرد
 ناقش فكري ليس أكثر
 سيده سلفانا بليروا تتهمك بأنك الذي قمت بتحريض السيد جون
 علي قتلها لأنك داعيه إسلامي والإسلام دين عنف
 عفوا سيدي المحقق
 أنا أعيش هنا منذ فتره طويله ولم اتشاجر مع أحد ولم اجبر أحدا
 علي الدخول في الإسلام والإسلام سيدي دين التسامح والمحبه والرضا كما
 أنه لا إكراه الدين
 كيف تقول أن دينكم دين التسامح والمحبة والعنف والإرهاب
 والقائمين عليه مسلمين ومن قلب الدول الإسلامية
 حتى أبناء الدين الواحد يتقاتلون!!
 أنت معك كل الحق سيدي المحقق ولكن من تتحدث عنهم لم يفهموا
 الإسلام جيداً ويفسروا الدين وفقاً لاهوائهم الخاصه
 اظن تعترف أن هناك في اوطانكم أناس لا يفهمون الدين ولا يعرفون
 صحيح الدين
 نعم سيدي المحقق
 إذن لماذا لاتعلمهم صحيح الدين حتى لا تنهار أوطانكم بدلا من تأتون
 لبلاد أخرى تنشروا دينكم فيها والدين الحقيقي الصحيح لاتعرفه سكان
 أوطانكم

سيدي المحقق أنها أقدار والتفقه في الدين رزق
انتم أيها العرب دائما تضعون اللوم علي الأقدار عندما تعجزوا عن
إصلاح شأنكم. دعنا الآن من هذا
ماقولت في اتهام السیده الايطاليه إليك
أنا وصديقي جون لم نفعل شيئا ولم نخرج من بيتي البارحه
سنري كل شئ لاحقا
الآن ضعه اليكس في السجن الاحتياطي الثاني بعيدا عن سجن
صديقه جون
تمام سيدي
دخلت السجن وكأنه قدرني لم أعجب منه فهو بأي شكل وعلي
ماسمعت أفضل من سجون مصر وهذه هي المره الثانيه لسجني
جلست أصلي وأذكر الله وفي ليالي السجن رأيت أبي في المنام يهون
علي الأمر ويسألني عن بيضه وأنا كنت حاملا سله بيض بها بيضه واحده
ثم نظرت إليه حزينا وأنا أعطيه البيضه الوحيديه في سلتني
شغلت بالي هذه الرؤيه و مكثت في السجن لفته طويله أنا وصديقي
جون وبعد فتره تفاجئت بقرار الإفراج عني أنا وجون لا أعلم لماذا تم
الإفراج عنا
وعندما ذهبت إلى البيت وجدت زوجتي أم حمزه ترقد بالفراش
مريضه لا تستطيع أن تنطق بكلمه واحده
أم حمزه إزيك وحشتيني مالك الف سلامه معقوله تكوني
تعبانه وما فيش حد من الاخوه بيلغني

انهم أم حمزه بالبكاء وكانت علامات الحزن غيرت معالم وجهها الجميل
 واطفئت نور وجهها وتبدأ حال الملاك الطاهر إلى صورة إنسان حزينه
 مهمومه أصبحت خطوط وجهها تنعي حظها اليأس من الحياه فقد هربت
 من وطنها خشية من السجن والفقر لتهرب إلى مكانا آخر ظن أنه سيكون
 ممهد خالي من الصعاب والاشواق واذا بزوجها يسجن وتفقد درة قلبها في
 الغربه

فين حمزه أنا مش سامع لحمه صوت وحشني العفريت ابن العفريت
 بلاش ابن العفريته علشان امه ملاك ههههه
 زاد صراخ أم حمزه صراخ من نوع خاص صراخ له رائحة المرر
 والقسوة صراخ اليأس المعذب الموجوع أنها الحياة التي جعلتني أميز
 أنواع الصراخ

دخل القائمين علي رعاية أم حمزه الغرفه عند سماع صراخها
 ماذا حدث يا شيخنا الجليل ؟
 لا أعرف ماذا ماذا حدث
 حمزه

نعم حمزة حمزه جري له إيه؟ !!
 ايه الرعب ده فين ابني حرموا عليكم حد ينطق
 سامحنا يا شيخنا لا أحد يعرف أين حمزه ؟!
 كيف هذا؟!

لقد فقدنا حمزه في اليوم الثاني لسجنتك
 يعني ايه فقدنا حمزه

تاه يعني

لأنعلم

ازاي مش فاهم

ابني فين يا بشر

سيدي

كان يلعب مع أصحابه وذهبوا قرب مكان

أنطق مكان ايه؟

مكان قريب من غابات اكلي لحوم البشر

يعني ابني اتاكل؟

لأنعلم

ولكن سوف نتأكد من ذلك عند وصول زعيم قبيلتهم من رحلته لصيد

إزاي يعني هما القبائل مش منعين أكل الأطفال

طيب ليه ماحدث بلغ الشرطه

فعلنا ذلك ولكن الشرطه لم تهتم لامرنا

ياأههار اسود ابني راح فين يارب يارب صبري يارب ارحمني يارب

ساعدني فين ابني ابني

اطمنن سيدي سيأتي زعيم قبيلتهم غدا ونتأكد من ذلك

يا الله صبرني يا الله

حمزه حمزه

وسقط علي الأرض فاقد للوعي ولكن شريط حياتي تدور من موت أبي

وزواج أمي وهروبي من وطني

وجلست فاقد للوعي في المستشفى لمدة أسبوعين
 وخرجت بعدها حزين ومريض ذهبت لزوجتي ووجدتها كما تركتها
 فاقدته لنطق والحركة

وسئلت الجميع عن حمزه لا أحد يعرف
 وكان الرد ايماءه حزينه من الجميع لم استكن يوميا ولم اترك
 مكانا إلا وبحث فيه عن حمزه

وكان الشئ المبين والاكيد أن حمزه قد اكلته القبائل
 اكلة لحوم البشر وقررت أن أعود إلى اقداري ف مصر
 اقداري التي هربت منها هربت من السجن فسنجنت وهربت من
 الخوف فانقتل قلبي بضياح ابني الذي لا أعلم عنه شيئا حتى موته
 ،فحملت احزاني في قلبي وحملت زوجتي علي علي كتفي وعدت إلى مصر
 وهأنا ذاك

اجلس معك علي مائدة طعام في سيدنا الحسين
 دكتور محمد

ياه ايه النهاية الصعبة لقصة حياتك بجد حاجه صعبه قوي وانا
 اللي فاكر نفسي اتعذبت دنا اطلعت أحسن بكتير
 طيب انت معرفتش ابنك عايش ولا ميت

لاءه للأسف يا دكتور محمد معرفتش ومش عارف احتسبه ميت ولا
 ضائع لما يكون ليك عزيز وعارف قبره بتبقي مطمئن وعرفت انه خالص
 مع ارحم الراحمين لكن لما تكون محتار وقلقان مالهاش غير أنك أنت
 تعيش في كنف الرحمن اطلق بينا يارب يارب يارب

محمد يهمس قائلاً الله يكون في عونك يا خالد ليك حق تدرويش
لكن قولي ياخالد انت لسه علي اتصال بحد من جماعة جزيرة تانا
طبعاً

اه طبعاً صديقي السيد جون علي اتصال بي
طيب ومراتك فين
مراتي عند أمي في البيت مريضه بتر عاهل
بس خالد أنت لازم تكون اقوي من كده موت أو ضياع ابنك مش آخر
الدينا ووياما شفنا فيها مليانه تعب
أنا هامشي ياخالد اديني رقم تليفونك علشان اكلّمك
ماعنديش تليفون لكن وقت متعوزيني هتلاقيني هنا فس سيدنا
الحسين

ماشي ياخالد مش هتأمر بحاجه
الأمر لله
اشوفك علي خير ياخالد
معاك ربنا يا محمد معاك ربنا الحنين الغفور معاك
ياتري أنا هامشي إزاي؟!
يلا يا محمد معاك ربنا

الفصل السابع أقدار

تفتكر يا محمد أنت اتعلمت إيه من حكاية صاحبك؟!
 اتعلمت أن مافيش حد بيهرب من أقداره هرب من مصر خايف من
 السجن واتسجن هرب يطلب الأمان وابنه فقده
 اتعلمت أن الإنسان يواجه مصيره يواجه الخطر ويصبر الهروب
 مش الحل وحشوني قوي أهلي
 ماما محمد جاي أنا سميت ريحته وشفته في مناحي قومي يا حياة اعلمي
 غدا واندهي مرآة اخوكي بسرعه واتصل بالحلواني يجهز الحلويات اللي
 اخوكي بيعها
 حاضر ياماما أمرك أنا عارفه أن أحلامك ما بنتزلش الأرض.
 ومرساعتين
 وحياة فتحت الباب
 محمد وصل يا ماما حمدلله علي السلامه يا حبيبي
 الله يسلمك يا "حياة" هوانت كنتي عارفه إني خرجت ولا ايه؟!
 طبعا عارفه
 إزاي؟!
 من مركز الإحساس الحيوي
 من مركز الإحساس الحيوي يعني إيه هما الكام سنه اللي أنا غبت
 فيهم في السجن الدنيا اتغيرت في مصر

أنا قصدي ماما

اه ماما

لأنها شفت حلم انت جاي وفي مفاجأه

ايه

ابنك اهو

الله واكبر القمر ده ابني

ومراتك اهي يا حبيتي

فين ماما وبابا

في الاوضه جوا

ازيك يا ماما يا حبيتي وحشتني الف سلامه عليكي

انت اللي ازيك أنا صحتي رجعت لي بعد ما شفتك بخير اخبارك يا بني

إيه وحشتني يا حياتي ، عارف يا بني كانت روحي متعلقه ببيك مستنيه

تشوفك مش قادره تفارق الدنيا من غير ما تشوفك يلاقوموا نتغدي

كمان في مفاجأه ستك اللي كانت راقده وتعبانه عرفت أنك جيت

بالسلامه وخالك هجيبها حالا

حمدلله علي السلامه ياتيته

حمدلله علي سلامتك أنت يا محمد بركه اني شفتك قبل ما اموت كده

انا هموت وأنا مرتاحه لأن ربنا طمني عليك ربنا يخليكي لينا ياست الكل

اتفضل كل يا محمد كل واتني يا حبيبي وماتدخلش من مجايب ربنا كلها

خير يا بني

عارف يا محمد

نعم ياستي

الحياة علمتني حاجه مهمه قوي

ايه ياتيته

مره تيته ومره ياستي

بدل يا قمر

هههههههه

علمتني أن كل أذي يابني بيصيب الإنسان لحكمه كبيره قوي

لا يعلم إلا الله وده كلام الكل عارفه لكن اللي الناس بتنسي دايمًا أن ربنا

بعد ما يجيب أذي بعده بيحي الخير يا حبيبي

يارب الخير بيحي هيبعي يا حبيبي واحمد ربنا علي حالك لأنك محسود

دكتور زي القمر ومتجوز قمر لازم تاخذ عين

عين شديده قوي ياستي

معلش يابني أحنا عايشين في مجتمع شرقي وريف والناس هنا حقوقه

ومركزه وبعد كل بأمر الله

الله علي الأكل الحلو تسلم ايدك يا "حياة"

محمد ده مش اكلك معلش أصلي أكلت مع واحد صاحبي في الحسين

يعني أنت روحت الحسين

اه روحت الحسين

خد مراتك واطلع فوق

لاءه هنروح بيتنا وحشني

بيتكم عايز وقت علشان يتنضف لأنه مهجور حتى البيت كمان ا
تهجر ليه كده

قول الحمد لله يابني
الحمد لله طبعاً علي كل حال

دخل محمد وزوجته الغرفة

نظر إليها في صمت وعيناه تحمل الحزن والاسي ولم يتحدث وهما
بالبكاء وأخذ ينحب ويصرخ سامحني يامراتي غصب عني سبتك عروسه
وروحت مارجعتش الا بالخيبه أنا مكسوف من نفسي بعد ما كنت دكتور
ناجح وعندي أمل في الحياه وطموحات الجيش قتل كل طموحي وقتل
حتى انتمائي

اهدي يا محمد واسمعي الجيش مش السبب السبب هو القدر اللي
وقعك في ناس متعرفش ربنا واحنا مش عايزين نظلم الكل اكيد في ناس
كثير كويسه وخاف ربنا

تصدقي أن التجربة ديت علمتني كثير وطلعت منها بنتيجة مهمه قوي
أن الحياه ديت متغيرة ومش ثابتة وكمان الصبر

محمد محمد أنزل بسرعه ستك تعبانة

مالهاستي

الحقن انت مش دكتور

لاءه مابقتش دكتور

اتصلي بالأسعاف

اعمل أي حاجه
 تيته مالك يا حبيتي
 ماتخفيش يا محمد انا هكون بخير وفي احسن حال لما اقابل ربنا بس انا
 لي طلب عندك يا محمد ووصيتي ليك
 هتعملها
 انت تأمرني
 اسمع يا بني لازم تبدأ حياتك من جديد اوعي يا بني تفضل واقف علي
 عتبه الماضي إبداء حياتك من جديد وعيش يا بني عيش اه اه أشهد أن لا
 إله إلا الله وانا محمد رسول الله
 تيته تيته
 الإسعاف وصلت
 خالص تيته ماتت
 أمي يا حبيتي يامي كانت روحها متعلقه بيك يا محمد
 اه يا أمي اه
 يلا يا محمد شيل معايا ستك تدخلها جوا وشد حيالك يا محمد
 هو أنا عاد في حيل يارب ارحمني يارب ارحمني يارب
 اه يا محمد علي بختك لسه خارج مظلوم تقابل صاحبك يصدملك وقبل
 ما تنام ساعه في فراشتك تاخذ عزا ستك اللهم لا اعتراض يارب فوضت
 أمري ليك يارب
 مش الواقف في العزاء ده الدكتور محمد هو خرج من السجن امته

أخرس يا إبراهيم احنا كلنا عارفين الدكتور محمد رجل محترم والله
الواحد مش عارف يقوله حمد لله علي السلامه ولا البقاء لله مسكين والله
ازيك يا محمد
بخير يا خال
شد حيالك ياخال
روح يا محمد روح وكفايه عليك كده روح ارتاح انت لسه راجع
لاءه ياخال
اسمع الكلام ولا انده الرجاله يروح بالعافيه
حاضر ياخال
محمد أنت جيت يا بني اطلع نام شويه يا بني
حاضر يا ماما
شفتي الزمن هو الدكتور محمد اللي كانت البنات بتحرير وراه
اه شفتي اتهدل إزاي
اسكتي أخته حياة اللي طالعه فيها جايه
اه طالعه فيها قوي معرفشي علي ايه
علي كتير يا اختي جمال وأدب وحلاوة وشطاره في العلم والبيت طباخ
درجه اوليه
اه اللي يشفها وهي بتمسح الحمام مش يشفها هي بترقص في
البنطلون
حرام عليكم آخرون انت في عزا هو انت جين تعزوا ولا جايين تأكل في
فروا الناس حرام عليكم

احنا ساكتين اهو سكتي باقي الحريم بي يا ناصحه
 الله يخريت اللي اخترع عزا الحريم
 حسبي الله ونعم الوكيل
 شفتي البت طالعه فيها ازاى حتى في العزاء لأبيه طقم اسود طلقه
 محمد يا حبيبي عايز حاجه مني قبل ما تنام
 لاءه يا حبيبي معلش بي انت شايفه الظروف
 عيب يا محمد مراتك بتعرف تقدر عيب
 الحمد لله يارب أن الواحد مازال فيه عقل واعصاب ايه يارب ده
 اللهم لا اعتراض انام وبعدين تفرج
 مر ثلاثة أيام وانتهي العزاء
 وعاد محمد وزوجته إلى منزلهما
 اسمعي يا حبيبي انا لازم اسيب مصر أنا نفسي انكسرت في البلد دي
 دي مصر يادكتور محمد مصر اللي يام كتبت الشعر فيها وياما حلمت
 انك تعمرو وتغيرفيها هتسيها وتهرب لفسادها
 هما عايزين تهرب وسيها نكرها اوعي يا محمد مش معني أنك قلبت ناس
 فاسده في الجيش انه فاسد ده خير اجناد الأرض يا محمد
 اسبها أحسن ما اموت فيها
 ايه بس اللي هموتك
 القهر والفساد اللي حلمت اني اغيره التأخر اللي حلمت ا تطوره
 واقضي عليه
 أصبر يا محمد وما صبرك إلا بالله

انا هسافر اشتغل بره مصر ومش هرجع الي وانا قوي قوي قوي
 اقدر أعيش في مصر ويكون لي كلمة فيها
 فين الكلام بتاع زمان هبنيكي يا بلدي هبنيكي وبروحي افديكي والله
 يامصر بموت فيكي
 انت لسه فاكره كانت شعارات أوهام
 من بكره هدور علي عقد عمل لأي حتة وسافر هتيجي معايا طبعاً جايه
 بابا انا محتاج مبلغ علشان لقيت عقد عمل في شركة مستلزمات
 طبيه في الإمارات ومحتاج فلوس علشان ادفع
 عايز كام ٧٠ الف جنيه
 حاضر بعد بكره هيكون المبلغ جاهز
 حياة خالص يا محمد هتفارق
 متخفيش انا راجع ثاني
 ياه الأيام بتجري ياماما علشان نوصل محمد ومراته المطار
 مع السلامه يا محمد ربنا معاك
 بالتوفيق يا محمد يا حبيبي ربنا معاك
 خلي بالك من نفسك انت ومراتك
 حاضر ياماما سامحني كان نفسي اقعد تحت رجلك اخدمك
 مايمهم المهم تكون مبسوط
 وصل محمد وعائلته إلى أرض الإمارات العربية آملين في حياة أفضل
 نظر محمد إلى زوجته نظرة رجاء بأن تدعو له بالتوفيق علي أرض الغربه

وظل يتذكر قصة صديقه الذي هرب من وطنه بحثا عن قدر جديد
 فاصطدم باقدار أصعب
 فطلب من ربه أن يفتح عليه فتحا عظيما
 خالص الكل بيمثي ياماما ستي مشيت ومش راجعة ومحمد وعائلته يا
 سبحان الله ياماما الدنيا غريبه قوي
 من أيام كان محمد مسجون ودلوقتي سافر
 بس يارب يا حياة ينجح
 متخافش هينجح وربنا هيعوضه خير
 إزاي وهو مكسور
 الكسر ده هو يكون الجرح اللي هيحاول يدويه بالنجاح
 يدوي جرح في الغربه
 الإمارات مش غربه قوي كفايه أنهم بيتكلموا عربي وبعدين ما تقلقش
 يا محمد أنت مخلفة رجل وكمان هناك التنافس بيكون في الغالب شريف
 فلام ينجح
 طيب وأنت يا حياة مش هم عليكي يابنتي
 والله ياماما مش عارفه الحياه هترسي علي ايه معايا

الفصل الثامن عودة الواقع

الرسالة ٤٧

ياہ يا حياة قصة اخوكي وصاحبه دي مؤثره جدا والله لكن نهايتها
 اخوكي عامل إيه وصاحبه ده فين وياتري هيلاقى ابنه
 لحد النهارده محدش منهم عرف يكتب نهاية حكايته عموما احنا مع
 بعض وهنشوف النهايات علي مر الأيام

نرجع للواقع بتعنا بي ونشوف حكايتنا أحنا حكاية حبنا
 معاك حق هنعمل إيه !?
 بابا دلوقت هتيتجنن فاكرنى حامل حقيقي
 مش مصدق انى بحبك لدرجة دي انى احلق شعري كله
 شعري أهم حاجه عندي علشان خاطري
 حرام عليكى تحرميني من شعرك
 مش تزعل شعري كبر شويه
 صحيح طيب ممكن اشوف
 بعينك

انت ناسي انى بنت شيخ ومن أسرة أزهرية وفقهيه فى الدين



الحمد لله ضمنا العقد

عقد أخص عليك أنا بردوا عقد ده أنا الحنان والله كله

هنشوف

تجب أثبت لك حالا

لا مش وقته

بابا

نعم يا حياة

بابا قولي ماتخافيش عايزه أيه

عايزك تقابل يوسف وتوافق علي جوازي

هوانت خليتي قدامي اختيار أنت كسرتي رقبتي وذلتيني ومش هقدر

اعرف عيني تاني اه اه إهانة

بابا انت بتبكي بحرقه معقوله

يا خسارة تربيتي فيكي كنت زمان بفخر بيبك لكن دلوقت أنت اكرر

واحد جابت لي المرض

لا يا بابا ماتزعلش

انا لولا أني مؤمن بقضاء الله كنت دبحتك

بابا أنت عارف انت مربيني ازاي

وده اللي تعبني اخرة تربيتي كده

بابا حضرتك اللي دفعتني ل ده انت ليه عايز تبوظ حياتي بقناعاتك

الشخصيه انت حر في اتجاهاتك السياسه من امته السياسه لها دور في

حياتنا الاجتماعيه من امته بتاخذ ذنب حد بحد "يوسف" وظيفته كده
 وبينفذ أوامر القاده بابا الدنيا اتغيرت والمليبد بيدلع في وحضرتك
 سيد العارفين وخالص اهو السيبي مسك الحكم وعمل إنجازات طرق
 وكباري ومدينة إدارية وشغل حلواه طبعا

اه طبعا ما أنت لازم تقولي كده

بابا ارجوك علشان خاطري وافق انا عايزه اكسب رضاك ما تخلينيش
 اعمل حاجة انت مش راضي عنها

يعني انت مقتنعه أن السيبي عمل حاجات حلوه آمال الغلاء ورفع
 الدعم والجوع ده

بابا ما تزعلش مني احنا شعب خدنا علي أننا نأكل قلب الدوله وما
 نديش الدوله حقها شعب عايز يعيش ببلاش علي قفا الدوله ومايفكرش
 غير في مصلحته الشخصيه

ونسينا أن الدولة هي اللي من غيرها نكون مشردين وممهدين من غير
 آمن من غير حمايه

يعني ايه الكلام ده

يعني بابا الناس مش عايزه تضحي علشان البلد تتغير للاحسن الناس
 عايزه تحط في كروشيه حسابات في البنوك وأراضي وعقارات واللي يطول
 حاجه من الحكومه يلقها حتى اللي بيمسك منصب في الحكومه
 مايفكرش غير أن يحقق ربحا عاليا لنفسه قبل مايسيب الكرسي

- حرام عليكِ الناس مش لاقية تاكل

- بابا الناس في مصر مش لاقية تاكل لأن الناس في مصر عايزه تاكل بعضها، الكل بيسرق بعضه، التاجر الحرامي المستغل بيزود في الأسعار، الناس نفسها عايزه تأكل بعضها بالكلام والنصب يا بابا

- إزاي يا ست حياة؟

- باختصاريا أحسن أب في الدنيا، إحنا انتماءنا لمصالحنا الشخصية وليس للوطن العزيز مصر؛ علشان كده مش بنخاف عليه ولا بنحبه

- كمان طلعتِ الشعب مش بيحب البلد!!

- طبعا.. الشعب اللي بيفكر في نفسه ويختار الأسهل ويضر بلد كاملة، أكيد مش بيحب البلد، الشعب اللي يلوث نيله، مصدر الحياة، بإيديه أكيد بيكره البلد دي، يا إما مش عارف قيمته، يعني إيه يكون له وطن، المواطن المصري دايمًا بيختار الأسهل علشان يريح دماغه يعني يختار إنه يدفع رشوة علشان يخلص المصلحة بدل ما يتعب ويحارب الفساد، بابا إحنا كلنا سلبيات وتناقضات مش عارفين نحب بعض ولا نحب نفسنا ولا نحب بلدنا، إحنا ماعندناش إخلاص للوطن المواطن اللي بيقطع في كراسي المواصلات العامة، والطالب اللي بيكسر الديسك اللي قاعد عليه، والموظف اللي بهرب من شغله، تفتكر ده بيحب نفسه ويحب بلده!!

- معاك حق، لكن نسيت أن فيه ناس بتحافظ وتحمي البلد دي..

صدقيني البلد فيها وطنيين

- بابا، الوطنيين دول مش همّ اللي بيطلعوا في مظاهرات ويخربوا البلد ويكسروا في الشوارع والمرافق؟! العالم كله يبيني ويطور واحنا بنخرب ونهد العمران.

- الظاهر أن حياتك في فرنسا غيرتك
- علمتني مش غيرتني، عالم عايشه صح وبتحافظ على وطنها صح حتى الغلط بيعملوه صح.
- إنت بترمي كل حاجة على الشعب، أمال فين دور الحكومة ؟ فين الرقابة على الأسعار والتوعية؟
- بابا، احنا محتاجين رقابة داخلية مش خارجية، الحكومة مش هتمشي عسكري ورا كل واحد لأنك
- كمصري ممكن تشتري العسكري بكوباية شاي، ثقافة الرشوة والهدايا بقت هي السياسة الحقيقية والمكتسحة والتي تعلقو كل شئ، أما عن التوعية فمافيش فائدة لأن الغالب على قلوبنا هو مصلحتنا وبس، وأظن مافيش أكثر من ديننا، الدين الإسلامي والقرآن والسنة، السنة التي تحذر بوضوح من لعنة المرتشي، بابا الناس عايزه إعادة تأهيل وتأديب.
- بابا الحوار حول ثقافات الشعب واهمالهم لحقوقه وإهماله لبلده مش هيخلص كمان في حاجه غريبه ما عندناش النقد والتفسير الحيادي والموضوعي لأي حاجه
- يعني إيه يعني تقبيم الأمور بيكون بناء علي هوائنا ورغباتنا الشخصية يعني لو في مشروع عمله السياسي
- أنصار السياسي يقولوا ده مشروع جيد ويفيد البلد
- وأعداء السياسي مشروع فاشل نتيجة سلبية آخر الناس جوع الناس

وكلا الفريقين علي حق وكلامه معه أسبابه المقنعة لكن الحقيقيه
ضايعة تايه متعرفش الصح ايه التضليل والتلهيل ماشيين في خط متوازي
ما تقدرش تفرقهم عن بعض
يعني إيه الحل ايه

الحل أن كل واحد في مكانه يعمل الصح وعاملة ضميره ويجتهد في
عمله سعتها كلنا هنكون صح الصح أننا نكون واضحين مع نفسنا ومع
الآخرين مش لف ودوران علشان نسرق بعض مافيش عندنا ثوابت الثابت
الوحيد هو المنفعة والمصلحة

بابا من الآخر طول ما احنا ماش بنهتم بالصالح
العام وما بنفكرش غير في نفسنا صدقني البلد هتخرب
حتى أعضاء مجلس الشعب النواب اللي الناس بتختارهم كل همهم
الإنجازات الفرديه والمصالح الشخصيه
بابا بعد اذنك انا هتصل ليوסף يجي يقبل
وتتفق علي كل حاجه بابا معلش
بصي يابنتي انت حرهجره لكن عمري ما هسامح في حقي حق ما
كسرتي عيني

بابا معاش ولا كان اللي يكسر عينك وحق يا بابا
هات ايديك ابوسها ورجلك يا بابا يا حبيبي
الو
حبيبي أخيرا يانور عيني بابا هيقابلك
انت متأكدة

طبعاً خالص هو دلوقت ما عندوش حل تاني
 عارفه أنا مش مصدق ان أحنا خلاص هتجوز
 لا أصدق نهاية حبنا السعيدة قربت هيجمعنا بكره بعد صلاة العشاء
 تيجي تتفق مع بابا علي كل التفاصيل

ماما هنعمل عشا تمام يوسف جاي النهارده وهنزل اجيب الجاتوه
 طيب يا حياة ربنا يسعدك علي مهلك يا بنتي
 ماما في ايه تاني رجعت لي فيه ايه
 بس نسيت اسئل عندنا فاكهة صاحبه ياماما
 ايوه في نوع أو اتنين
 بس عايزهم يقولوا علينا بخله ما عندنا واجب انا هير
 اشترى الناقص
 وبعد ساعه ونص
 ماما انا جبة الحاجه
 ايه السرعه دي كل ده في زمن قياسي
 معلش بي ياماما انا هاد شاور وأنزل الكوافير
 تمام
 كوافير
 طبعاً ياماما انا مصدقت
 وفي آخر النهار
 الويا حياة انا جاي في الطريق



تيجي بالسلامه يا حياتي

انا المره دي مش لوحدي

اه معاك ماما

لاءه معايا عمامي ودول قيادات في الدوله

يعني ايه بتتخوفيني

لاءه قصدي لازم يكون في حرص في التعامل معاهم

ما تقلقش كله تحت السيطرة وبعدين أنا أول مره اعرف ان ليك

عماما قيادات في الدوله يعني المركز ده بالوسط

قصدك مركزي

لاءه طبعا

ازاي

أنا اقولك ابويا كان أفقر إخوانه وكان رجل بسيط موظف في أرشيف

مرتبه يدوبك بيكفيه فكان عمامي مستكترين عليه نجاح أولاده وتفوقوهم

عليه فرفضوا يساعدوني علشان كده أنا تفوقت وعصريه علي النجاح في

الوقت ده كانوا بيحسدني اني أقل من ولادهم مع أننا من دم واحد

العنصريه متأصلة بينا حتى بين الأخوات والحدقد دايمًا ظاهر علب الفقير

سبحان الله يا حياة عارفه

ايه

أحنا فينا حاجه غريبه قوي طول ما في ناس أقل منا تلاقينا مرتاحين

وحبه لكن لما الإنسان الأقل منا ده تبدأ أموره تتحسن ونعمة ربنا تظهر عليه

تلاقينا بدأنا نقل منه وخاف منه ونقل عليه ونغير وطلع عليه اشاعات
ونحسد

فيه ونركز معه قوي وننسي مصالحنا وننشغل به ويصبح الكلام عنه
جزء من مجتمعنا مع أن الدين بتعنا الدين الاسلامي ماقلتش كده وكمان
نهي عن التدخل في شئون الناس لكن عندنا الدين حاجه وسلوكيات الناس
حاجه تانية خالص ده اللي كان بيحصل معايا كل ماكبرايدي في شغلي
اشوف الحقد في عيون قرابي للأسف وكنت لما بلاقيهم متغاضبين قوي كده.
كان اصراري علي النجاح بيزيد أكثر من الأول كنت كل ما انجح أحس
بالحسرة في عيونهم واللي في قلوبهم ظاهر علي وشوشهم كنت دايمًا أحب
إقرأ ووشوشهم اللي بتقول الحق مع أن لسانهم بيقول حاجه تانية خالص
ماشاء الله حبيبي بئ يقول فلسفه اجتماعيه ومحلل بتعبير الوجه
وهو انت قاموس يا قمر يا موز

هههههههه أنا أول مره أشوف عروسه بدلع العريس
طبعًا هوانت أي عريس ده أنت نور عيني
يا سلام يا يوسف لما الإنسان يحس انه بيحقق أحلامه
وايه هي أحلامك يا قمر
انت أجمل حلم
يا سلام

مش هكون تقليديه وقول الكلام المقرر في الأفلام هقولك اللي أنا
حاسه حلبي هو أني أقرب منك عارفه ليه
ليه

علشان أشم ريحتك ابص ليك بس والله لما بشوفك يا يوسف بحس
 أن قلبي بينت من الفرحة كان حلمي بس اكلمك وابن في عينيك وشوف ربنا
 كتب لي السعد
 ربنا اداني اكر مما طلبت بقيت جمبي بقيت بتجاهد معايا علشان
 تتجوزني مش ده فضل من الله علي أخيرا يا حبيبي هتكون جمبي أخيرا
 هصحي من النوم اشوفك
 ياه اكيد كل الستات هغير مني ويحسدوني لما يشوفتي معاك هي
 فخورة بحبك حبك هي

٩٠ وجاءت الساعه المنتظرة وحضر يوسف ذاك الحبيب الموعود
 بالقلب الأبيض بقلب ينبض بحبه قلب عشقه فقط لأنه يوسف الإنسان
 الخلق مثل الملاك ليس كالبحر إنما يسمو عليهم بأخلاق الحميدة وحبه
 لوطنه لم أري أنسان قط تربى في اسره متوسطه متطلع لمستقبل هادف
 يخدم تلك البلد التي لايين فيها أحد من أجل بقائها مستمره صامدة وإنما
 من يخدم يخدم لصالحه فقط أما يوسف خدم تلك البلد من أجلها فقط
 هكذا عشقت يوسف

كانت حياة في ابي زي وهي تكتب تلك الرساله

الرساله ٤٨

اليوم وانا في انتظار وصول خطيبي يوسف وحببي اكتب تلك الرساله
 لنفسي لقدتعب قلبي وعقلي كثير تاقت حياتي بحثا عن حبي الذي اردته
 فالشكر كل الشكر لله يارب الحمد لله انك حققت أحلامي اه بمناسبة
 أحلامي لازم أكلم أحلام صاحبتى وفرحها معايا
 الو أحلام ازيك وحشتيني
 أهلا يا حياة فينك من زمان
 في دنيا الغرام
 كده مره واحده
 طبعا بعد العناء والشقاء العاطفي وأخيرا يا أحلام هتجوز روجي

صحيح والله الف مبروك وربنا يتم عليكي بخير
تصدقني يا أحلام من كتر الفرحة خايفه
والله يا حياة مش أنت بس كلنا بقينا كده بقينا نخاف من الضحكه من
الفرحة ده حال كل المصريين زي ما يكون الهم والغم طبع علي قلوبنا
تفتكري ليه يا حياة بقينا كده
السبب الحقد والحسد اللي عايش جوانا بقينا بحس بعض حتى علي
الضحكه وكمان همومنا بقت هموم دنيا نسينا ربنا وبقيت الحياة الماديه
طاغية علينا
صحيح الأخلاق الطيبه والروح الحلوه مشيت بعدت عنا بقينا عايشين
في صراعات صراع الأفراد مع الأفراد لمجرد اختلاف فكرة أو رأي بقينا نعاني
بعض وصراع المواطنين مع الحكومات مع أن الأصح أننا نكمل بعض
ياه حياة دخلنا في حوار تحليلي لواقع الحياه الاجتماعيه في مصر
ههههههههه ايه الكلام الجامد ده ونسينا الفرح والخطوبه
والذي منه
عموما الف مبروك وانا جايه ابارك لكي قريب
يلا سلام
مع السلامه
اهلا وسهلا اتفضلا يا جماعه
الله الله يوسف وجماعته وصلوا ماشاء الله
أخيرا يوسف هتجوزني

مرت الخطبة وتم الاتفاق علي الزواج وساد البيت حاله كبيره من
الفرحه وتم تحديد موعد الزواج الخميس الأول من شهر يناير ٢٠١٨
وسافر يوسف إلى عمله وعاشت "حياة" حياة العروس
وبدأت تراسل يوسف من جديد إلى حين وصوله علي موعد الفرح

الرساله ٤٩

حبيبي يوسف قصدي جوزي يوسف الله تقصد كلمة جوزي دي حلوه
قوي هبدأ أتمرن عليها أتمرن عليها جوزي جوزي وحشتيني
اصلا علي طول وحشني أحب أقولك اتي تقريبا قربت أخلص فرش
الشقه الشقه بقيت تحفه ناقصه بس نفسك يدب فيها الروح
والحمد لله اخترت الفستان وحجز الكوافير كان نفسي تكون موجود
معايا معقوله في اللحظات الفارقة مكون معايا اظن دلوقت هتقول أنا مع
مصر حياة ، حياة مصر أهم من البدله والفساد والجوز نفسه البلد لو
سبنا هتقف زي العراق وسوريا لازم أكون في دهرالقائد لأن القائد لو وقع
البلد هتقف

عموما اهم حاجه انك تركز مع مصر وانت في الشغل لكن وانت معايا
تكون معايا

اه علي فكرة اخترت القاعة وحجز
معلش بئ المصاريف كثير شويه

رد الرسالة

زوجتي المستقبلية سامحيني علي تقصيري فأنت العروس
وعليكي تحمل أعباء الحياة معي معلش يا حياة حبيت اه زر معاكي
باللغه العربيه ،والله انا مشغول جدا الواحد مش ملاحق
الريس عبد الفتاح السيسي رئيس جري لا ينصح لأصحاب المصالح
ويريد أن يؤسس دوله قويه لها بنيه تحتية طرق وكباري ومحطات مترو
الأنفاق ومشروعات تخليك تحسين انك في بلد حقيقي

الرساله ٥٠

حي معاك حق المشروعات العملاقة الضخمة حاجة حلوه بس مش
توقيتها لأن الناس ماكنتش منتظرة إعمار وتطوير طرق وكباري وعمل
نهضة معمارية فقط الناس كانت عايزه انخفاض في الأسعار ورواج
اقتصادي وزيادة في المرتبات كمان رفع الدعم عن الطاقه الناس مضايقة
جدا

الرد

احنا كده بدور علي مصالحنا بس علي الأكل والشرب مش عايزين
نضحك بحاجه عندك مثلا النظام السابق ساب الفساد وكان في رخص
فعلا لكن ماكنتش تلاقي طريق عدل تمشي ماكنش في بنيه تحتية البنيه
التحتية أساس النجاح الاقتصادي مين المستثمر هيجي يعمل مصنع في بلد
العمال مش عارفين فيها يوصلوا لعمهم

يعني اعمل كبار وطرق وأساليب الناس جعان
محدث جعان الناس في مصر الناس اللي بقيت استهلاكية زياده عن
اللازم عايزين كل يوم سمك وجميع ولحوم والذي منه محدش عاد بيقول
خضار نهائي وبناءا عليه زادت الأسعار وزادت الأمراض واستهلاك الحلويات
والفاكهة أصبح بصوره فظيعة وأضف علي ذلك الدروس الخصوصية
المنافسه الشعبيه فيها الناس هقطع بعضها ولا المدارس الخاصه علشان
كده أي مبالغ مش كفايه العيشه في مصر

لكن زمان علي أيامنا

كانت الحمه يوم الخميس والجمعة

اقولك علي حاجه كمان التفاح ده والله معرفته إلا ما دخلت الجامعه
والجمبري عمري مادقته اللي في العزمات الرسميه

حتى الدروس الخصوصية عمرنا ما اخدنا وكان إالي ياخذ درس ده
عيب قوي وفضيحة حتى الدفعات اللي بعدنا ماكنتش بتاخذ دروس غير
في الرياضه والانجليزي معني كلامي أن الناس كانت تعيش ببساطه وماكنش
في أمراض لما كترت اللحوم والذي منه كترت معها الأمراض

يوسف حرام عليك أنت عايز الناس تجوز حرام عليك

مش تجوز تقصد وبلاش ثقافي الاستهلاك الزايد والأكل اللي في كل

المناسبات وبتزيادة

ظلم الناس بتدخر الأكل بقى غالي والناس بتصرخ من الأسعار

طيب هاقول لك على حاجة، ادخلي أي مطعم فيك يا مصر سواء شعبي أو راقى واللي مش هتلاقي مكان تقعد فيه، زحمة جدا وبالجزء لدرجة إنك تحسي كل الناس بتاكل في المطاعم وما فيش حد جعان.

حرام بالله عليك أنت مش بتشوف الشحاتين بيكونوا واقفين إزاي قدام المطاعم بيفرجوا علي الأكل

انت عشتي في أوروبا في أرقى دول العالم كان في هناك شحاتة ولا لاءه كان في طبعا بس الشحاتين هناك شكلهم مختلف راقى وكمان بيعملوا حاجة حلوه يعني اللي بيعزف جيتار قوي يغني لكن حتى افتر في الإشارات كانت هناك بنات بترقص رقص استعراضى والناس كانت بتبسط وتديها فلوس مش زي عندنا في مصر الشحاتين في الإشارات مسكين فوته وعايزين يسيقوا العربيه

والواحد يخاف منهم

معني كلامي أن الشحاتين والفقراء موجودين في كل دولة في العالم حتى الدول الغربية

لاءه يا يوسف هناك الدول بتقف مع الفقراء وكبار السن بشكل ممتاز كمان في مصر الدوله أيضا بتقف جمب الفقراء والمسكين والأرامل والأيتام والمطلقين

ياشيخ حرام عليك بلاش النصب بتاع الحكومه محدودى الدخل ورعايته ده حكومة هلكت محدودى الدخل

- معاكي كل الحق تقولي كده لأن الدعم في مصر لا يصل إلى مستحقه لأن المواطن المصري سواء غني أو فقير ينظر إلى الدعم علي انه حق مكتسب والغني يسعي بل يلهث ورائه قبل الفقير

هرب مثال مثلا عم حامد عنده عشر فدايين وياخد معاش قوات مسلحة حوالي ٥ الف جنيه وفتح محل عطارة وقاعد في بيت ملك وهو أول واحد يجري يجيب التموين والعيش المدعم

يعني الدولة المصريه باختصار لا تدعم فقراء مصر وإنما تدعم الشعب كله بينما الدول الأخرى تدعم فقرائها وتحاسب اغنيائها عن طريق دعم الضرائب

-هما صحيح حق الدولة عندهم مايعادل ٢٢% من دخل الفرد لكن هناك رعاية صحية فائقة ومشفيات وأجهزة وكمان هناك الدخل بتاعهم عالي لكن المصريين دخلهم صغير

- شفتي قولتي ايه حياة حبي المسألة مش مسألة دخل المسألة مسألة مبدأ لأنك لازم تدفع الضرائب علشان تلاقى خدمات

-كلامك صحيح لكن الدخل هناك مش زي هنا هنكون الشغل بالساعة والدخول مرتفعه والناس بتقدر تدفع

- انت بنفسك قلتي الشغل بالساعة بالثانيه مش زي عندنا في مصر الناس عايزه تقعد علي المكتب تقورر كوسا وتقف ملوخية تقمع باميه وآخر الشهر تلاقيه طوابير علي ماكينة القبض

لكن في ناس شاغله ومش بتاخذ أجر ضعيف

-معاكي حق بس دوال عندهم تعويض إلهي



ايه مش فاهمه

البركه يا حبيتي البركه نتيجة العمل والكفاح كان زمان الفلاح المصري
من أشهر الفلاحين في الزراعه دلوقت الفلاح المصري في طريقه للانقراض
ازاي يعني

خلاص الناس بقيت مش بتاعتت شغل الناس بقيت بسهر بالليل ونام
بالنهار وعاييزني فلوس وخدمات ومرافق صحيه كل ده وهما قاعدين
معاك حق العالم الغربي كله من الساعه ٩ الكل بينام واخرمن
خمسه الصبح نازلين لشغلهم حتى للمحلات مواعيد عمل آخرهم
ساعة مساء

عندنا احنا المحلات فاتحه ليل نهار الناس قاعده علي القهاوي والذي
منه

قصدك أن العيب في الشعب مش في الحكومه
طبعا

لازم تقول كده لأنك ابن الحكومه
شوفي انا بقول الحق الشعب بتعنا شعب مستهلك وفساد وحرامي
ولا يوجد عنده وطنيه ولا انتماء
معقوله انت بتقول كده الشعب المصري احسن شعب ووطني انت
مش شفت التاريخ

بأماره ايه الوطنيه بتاعتت بإماره الضرائب اللي بيتهرب منها بإماره أن
مافيش عمل تطوعي والسياسي حقيقي في مصر
آمال الأحزاب السياسية دي

دي نصب واحتيال

ازاي

شوفي ادخلي أي حزب في مصرواسئلي عن إنجازاته
 طبعا مافيش غيرشوية ناس مرتزقه منهم العانس والارمل والمطلق
 والعاطلين والمنحرفين ناس فاضيه عايزه تعمل سبوية
 في عمل وطني حقيقي في إنتاج بلاش حتى في فكر سياسي مستحيل وان
 وجد الفكر لايفعل وبعدها تلاقي ازاي كده بصي للشوارع كل الناس
 بمختلف الثقافات والطبقات في مصريتلوث البيئه الكل يرمي ذباله في
 الشوارع

انت لما كنت في أوروبا كان حد يرمي ذباله في الأرض

ممنوعا قانونا

القانون الحل في القوانين الصارمه التي تطبق علي الجميع

لازم قانون قوي وفعال يطبق علي الناس بعدالة دون تفرقة

أن القانون والعداله المصريه نائمه حتى أن أصحاب الحقوق لا يريد
 نها بالقانون لأن القانون في مصريه ميت

-انت بتقول ايه ده سمعت ان من أهم إنجازات الحكومه بناء سجون

جديده ازاي بي مافيش قانون

-حياة انت زعلانة من بناء السجون عايزه المجرمين يعملوا فينا زي

ماعملا في ٢٥ يناير لما السجون افتحت ماكنش حد بينام كانت عربية
 وبيتوتنا وأولادها وأرواح في خطر عارفه يعني ايه تعيشي مهدده لا تأكلي
 ولاهتشريني ولا هتنامي ولا هتروحي شغلك الأمن والسلام هما أهم حاجه

قصدك تقولي أن السجون فيها مجرمين بس دي مالينا إخوان ناس
مالهاش ذنب

انت تعرفي ايه عن الإخوان ها قولي ولا حاجه طبعاً عمرك ايه في
السياسة تفهني سياسة تفهني اقتصاد لا ابدأ ومع ذلك ذيك زي باقي
الشعب الفرعوني العظيم بتفتي في كل حاجه

طيب علي افتراض أن السجون في مصر مافهاش غيرالأخوان
ياتري انت عرفت الكلام ده مننين؟!!

من الميديا الفيس وكده وكمان سمعت من الناس والأخبار
يعني عرفتي من الإشاعات وكلام الناس

يعني

برافو بتبني رأي وتسنجي حقائق بدون دليل علمي ومستندات رسي
أو هيئة مسؤله عن الكلام ده زي باقي الناس مشكلتنا في مصر أن
مصادر المعلومات اللي بياخد منها المواطن مصادر غير معروفه

ما الحكومه مش بتقول الحقيقه مافيش شفافية ولاوضوح علشان
كده الناس بتاخذ معلومات من مصادر تانيه

افهم من كلامك أن مافيش ثقه بين الشعب والحكومه وان الشعب في
حته ولاالحكومه في حته تانيه

تمام

طيب وعائز يحصل رخاء اقتصادي ووعي سياسي ونهضة تعليميه في
دوله مافيش بينها وبين شعبيها ثقه الغريب في المصريين أن علي الرغم من
عدم ثقتهم في الحكومه يهلوثون وراء ما كل هو حكومي بمعني أن خريجي

الجامعه يدفع رشوة وبس ايد الناس علشان يشتغل في الحكومه وآلام أو
الأب اللي بنته متعلمة ا وجامعية بيحلم يجوز بنته ضابط في الشرطة
والجيش

طيب لما انتم بتكرهوا الحكومه بترا وراها ليه؟!!!!

طيب لو ماهي الحكومه حر

حرا حراميه و بنت كلب تسعون وراء المناصب في الدوله ليه

بصي الحكومه حلوه في نظر المواطن المصري لدرجة أنه ممكن سيف
تراها ممكن الستات تتحزم وترقص لها وممكن الرجالة يطلبوا للحكومه
في حاله واحده بس اذا وقعت الحكومه في براثن حب مصالحهم الشخصيه
أما لو عارضت الصالح الشخصي ونظرت لصالح العام والأجيال القادمه
كباقي الدول المتقدمه أصبحت الحكومه في نظر المواطن الشريف حكومه
اسف يعني معرصه المواطن همه نفسه مش بلده وسلامتها أحنا شعب
فاقد للوعي الإقتصادي والسياسي شعب مبدأه السياسي مصلحتي فوق
الوطن وفوق الجميع

ازاي بس ده المصريين وطننين

معاكي وطنيين في الازمه بس شفتي التكاتف والوحدة في الحروب
والثورات وبعد ما الازمه تنتهي ترجع ريم لعادتها القديمه يعني مثلا مجموعه
الشباب المتحمسين لنضافة البلد ولما الذباله من الشوارع ياتري رحوا
فين؟!!!!

علشان تعرفي أن الحماس وقي بينتهي بانتهاء الحدث واتحداكي أن
نفس الشباب دوال حاليا ولا في دماغه حاجه

حتى المواقف والآراء مش ثابتة الثابت الوحيد عند المواطن المصري
هاخذ كام آخر الشهر مش اشتغلت كام ساعه هاأكل ايه حياتنا مقتصرة
علي احتياجاتنا الشخصيه مش احتياجات البلد الوطن
ازاي كده وبعدين ما كل البشر كده
لاءه الناس بنفكر في ايه اللي ناقص بلدها تعمله ناقص رصيف نعمله
ده مافيش أي كباري ولا طرق حيويه ولا استراتيجيه اتبنت من أيام الإنجليز
لحد النهارده

ماهي الحكومه السبب

لاءه انت عمرك شفتي واحد اشتكي علشان يرصفوا طريق لاءه طبعاً
ولا اشتكي عايز يطور من أسلوب عمله مستحيل طبعاً لأن الشكوه
الوحيدده للمصريين المطالب الماديه الفرديه
حرام عليك الناس كفرت من الغلاء وارتفاع أسعار الوقود
وياتري عملوا أيه تجاه الغلاء
الناس بتشكي وبتشتم في الرئيس والحكومه
هو ده الحل من وجهة نظرك
لاءه طبعاً

أنا اقولك حل المصريين لمحاربة الغلاء هو ايه انهم يستغلون بعض
ويسرقوا بعض ويقول منك لله يا سيبي

محدث قاطع السلع اللي ارتفعت أسعارها بالعكس السحب علي
اللحوم زي ماهي والأسعار كل يوم بترتفع عارفه ليه لأن العرض اكثر من
الطلب رغم زيادة الأسعار

بالنسبه لأسعار الغاز الوقود الناس عملت ايه؟! !!!
المفروض انهم يقللوا الإستهلاك علي الأقل وده ماحصلش
الحاجه بتغلط الناس بتطلب اكثر
حرام عليك هي في ناس لاقية تاكل الناس جعان
هاتي لي واحد بات جعان في مصر مستحيل مصر الخير فيها ليوم
الدين

او عي تنخدعي بالصور اللي بتشفيها في الفيس كل ده حوارت
حرام عليك دي الناس بتصرخ من الغلاء
الناس بتصرخ من الغلاء فعلا عارفه ليه لأن حجم مدخراتهم أقل
مش لأن حجم احتياجاتهم أقل
ازاي

هقولك يعني الموظف اللي كان بيقبض ألفين جنيه كان عايش بالف
ويعمل جمعيه بألف الثاني لمدة كام سنه ويشتري قيراط أرض ويبنيه
ومهرب بعدها من الضرائب العقارية لكن بعد الغلاء أصبح بيصرف
الالفين يغطوا مصاريفه بالعافيه

عارفه أسوء حاجه فينا كمصريين أن أحنا اللي بنسوء سمعتها في
العالم كله المواطن تكون البلد شايله همه تعليمه وهم أمنه وسلامته
يا عم سلامة ايه ده الخطف ده علي

مش بقولك عبيطه وبترددي الإشاعات زي البغيغيات الحوادث
بتحصل في العالم كله لكننا بنضخم كل حاجه مصريين يعني لازم نحط
التوابل والنشطه والنكهات والمقبلات

لكن انت ماقلتش أسوء حاجه فينا ايه!؟؟

ان أحنا لما نطلع بره مصر والحياه تنور لنا شويه نزل سب وشتتم في
مصر واللي عايشين فيها وفي الحكومه حتى اللي عايشين جو مصر محدش
بشكر فيها هي دي بلد هي دي حكومه ليه مانبقاش زي أوروبا وأمريكا ولا
حتى تركيا هو انت زي المواطن الأوروبي اللي بيحترم القانون ويطبق علي
الجميع هو انت زي المواطن الأمريكي بتحافظ حتى علي نظافة بلدك

لكن البلاد دي في حرية وديمقراطية

طيب ما انتم اخدت الحرية في ٢٠١١ ياتري عملت ايه

أول حاجه عملها الشعب أنه تطاول علي بعضه بالسب والقذف
العلني في وسائل الإعلام تاني حاجه ظهرت البلطجة والأزمة الأخلاقية
وحدث الانفلات الأمني والتقليل من أجهزة الداخله والنتيجة كانت سرقة
وبلطجية

قصدك أن شعب مالوش في الحرية

مقاصد طبعاً كده لكن حريتنا بتقلب لفوضى وانتهيار أخلاقي
وبعدين يا يوسف نسينا الجواز والفرح والمعازيم تصدق نسيت ادعي
حنان صاحبتني يارب توافق وتيجي الفرحة علشان ساعتها اشوف شكلها
نفسى اشوف شكلها من ورا النقاب

انت مجنونه صاحبتك إزاي ومتعرفش شكلها ايه!؟؟!!!

ده حكاية طويله قوي تعالي اقول لك

الفصل التاسع

صديقتي التي لا أعرفها...!!!!!!

فلاش باك

ماما دعواتك يا ماما النهارده امتحان البعثة يارب انجح واسافر
فرنسا ياماما العد اللي متقدم كتير أوي
يلا يادكتور محمد علشان تصوصلني لمركزالبحوت في طريقك انا عندي
امتحان النهارده مش ناقصه قلق يارب انجح يارب
ماما اوعي تنسي تقرأئ لي سورة يس ارجوكي علشان ربنا يسهل لي
ذهبت حياة إلى الإمتحان وهي تتأمل النجاح وجلست بجوار امرأة
منقبة مساء الخير

وردت تلك السيده برقة لافته خاطفة للعقول
مساء النور حضرتك معنا اختك في الله حنان
اختك حياة

اللهم هون علينا الحياة وارحمنا بعد الممات
واضح ان اللي سماك حياة رجل دنيا
وبما أنه كل واحد له نصيب من اسمه اكيد بتحبي الحياة
أولا يا حنان اشكرك قوي علي التحليل السريع والجميل
ممكن بئ تقولي لي انت متوقعة ايه من من الاسئلة

يلا هدخل الامتحان إلي تخرج الأول تستني تمام يا حنان

سلام

دخلت حياة لأداء الامتحان وكلها رغبة واصرار علي أثبات أن
للمجتهدين مكان كبير في مصر وليس المكان مقتصر علي ذوي المحسوبية
والنقدية

أما حنان تلك الرقيقه المائلة أخذت تتسكع في الطرقات وهي تذهب
للإمتحان

مر الوقت علي حياة وكأنها في صراع مع نفسها لتفوز وكأن حنان جاءت
لتجعل حياة تحرق روحها في تحدي

خرجت حياة وانتظرت حنان

ياه حنان دي تأخرت

انت تأخرتي ليه أنا ورا ميعاد مع صاحبتني مدام أسماء

في حد بيقوله علي صاحبها مدام أسماء

اصلك مش فاهمه أسماء زميلتي وصاحبة في مركزالبحوث لكن هي
ست كبيره وانا بموت فيها ومدرس أقولها غير يا ابله أسماء أو يامدام من
باب الاحترام لكن تعالي هنا ايه حكاية جوزك اللي بتهربي منه ده هوانت
ماعندكيش عيال

اسمعي يا حياة روجي دلوقت لأسماء صاحبتك وان شاء الله بالليل

اكلمك واتس لصبح

ماشي فرصه سعيد

انا أسعد سلام مؤقت



سلام

وهرعت حياة للقاء أسماء

وحشتيني يا ابله أسماء

انت كمان وحشتيني ياروحي

أخبار الشاغل الجديده معاكي ايه

تمام ياروحي هي في حاجه بتيجي من طرفك وحشه انت ما جيتش المركز

النهارده ليه معرفتش اعمل حاجه من غيرك وماعرفتش حتى أمضي روحت

متأخرة شطبوا علي

تاني يا أسماء انت كده مش هتقبضي حاجه خلاص

قبض ايه هي الحكومه بتدي مرتبات بلا نيل ده المرتب ده اصرف في يوم

مايكفيش

فهنما ياستي أن جوزك غني ورجل أعمال بس شغلك مهم

البركه فيكي يا حياة ياروحي تمضي لي بئ

انا مش متأخرة لكن انت بتعملي مشاكل الكل بي ليكي

سيبك من الشغل قرفة انت عامله مع الرجل اللي بتحبينه

قصدك يوسف

لسه بتكتب له رسايل مش بيرد

اه لحد ما احتارت رسايلي تعبت والله نفسي يحبني

انشاءالله يحبك يجوزك انت طيبه

قصدك عبيطه يعني

هههههه لاءه طبعاً
 أنتحي بئ في الشغل
 معلش انت عارفه ولادي خمس عيال والمسلية صعبه علي
 آمال جوزك بيعمل ايه معاهم
 جوزي مالوش دعوه يعني ايه مالوش دعوه هما مش ولادة
 افتحى يادعاء الباب
 ده عم احمد ياما ما
 عم أحمد هي بنتك بتقول علي أبوها عم
 هههههه بتهزر يا حياة
 قامت أسماء بتقبيل زوجها حمد لله علي السلامه يا حبيبي وحشتني
 انسحبت حياة وذهبت إلى البيت وهي في حيرة من أمر صديقتها التي
 تعرفها منذ أكثر من خمس سنوات خمس سنوات ولم تري أولادها الخمسه
 مجتمعين واستغرب من أمر ابنتها

وجاء الليل وبدأت الرسائل بين حياة وحنان



رسائل حياة وحنان

-رساله-١

انا حنان ازيك يا حياة وحشتيني

- أنا بخير.. عملت إيه في الامتحان؟

- يا اختي قولي طبختي إيه؟

-والله انت هتجننتي

هجين علشان بقول الحقيقه

بصي اول حكايه جوزك ده ايه

شو في الحكايه طويله انا ست خريجه تعليم عالي وشغل في مركز بحوث

بدل ما اتجوز دكتور ولا باحث اتجوزت رجل مطوع بالإعداد في الجيش

طبعا انت دلوقت بستغربي ازاي باحثة تتجوز

من واحد معه إعدادية اكيد هتقولي معيوبه والواقعة ابدأ يا ستي انا

زي القمر وموزو ورقيقه

والله انا سمعت رقة صوتك لكن أنا لسه ماشفتش علشان اقول موزه

معاكي حق بس تصدقي أنا حاسه اني اعرفك من زمان علشان

طبعا أنا معايا عليين من جوزي ووشكرت وحمدت ربنا عشت مع

جوزي لحد ما ابني كبر وأصبح ابني وأبواب بينهم مشاكل كل ما الولد يغلط

ابواه يطرد من البيت وينزل ضرب واهانه في ويقول كلام قبيح ويشتم الواد

ويقول انت تربية مرا وبقية الألفاظ وأصبحت الحياه بينا في الطالع

والنازل وكل يوم مشاكل وخرافات انا ست رومانسيه عاطفيه

واستمرت الحكايات والرسائل كانت حنان تحكي تفاصيل حياتها
 بشكل يومي إلى حنان حتى أنها كانت ترسل لها اغاني صوتيه
 ايه ده رساله صوتيه من حنان الله اغاني أم كلثوم اه والتانيه لنجاة ما
 شاء الله دي صوتها حلو اوي
 اه افتكرت أسماء صاحبتى مجتش الشغل النهارده ياتري في ايه وكمان
 تليفونها مقفول لازم اروح أطمئن عليها
 ذهبت حياة قلقة علي صديقتها أسماء وتشعر بالحزن والقلق
 سلام وعليكم ازيك يا أمجد
 أهلا ازي حضرتك
 بخير
 ماما فين
 للأسف ماما تعبانه شويه
 تعبانه إزاي هي فين انا قلبي كان حساس
 تعبت ا مبارح في اسكندريه وهي بتمشي علي البحر
 ازاي هي راحت اسكندريه من غير ماتقول
 ماما عمرها كده تحب الفصح والخروج والدلع
 طيب تعبت إزاي وكانت هي ومين؟؟!
 كانت ماشيه علي الشاطئ وفجأة وقعت من طولها عم محمد طلب لها
 الإسعاف نقلها المستشفى وقولوا عندها جلطه
 يا ستار يارب جلطه مره واحده يا الله
 عم محمد ده أخو بابك



لاءه عم محمد جوز ماما
 جوز ماما ازاي تقول كده مش ده بابك
 لاءه ده زوج ماما
 انت بتكلم جد
 طبعاً أن مش ابن عم محمد عمم محمد مخالفش من ماما
 آمال انت ابن مين؟!
 أنا ابن جوزها الأول
 هوفي اول وتاني
 انت إزاي صاحبة ماما من سنين ومتعرفش عنها حاجه
 لاءه اعرف
 مش واضح لأنك لو رافعه كنت عرفتي انا ابن مين؟! من الرجاله الي
 تجوزتهم
 نهار أسود
 اشرب الشاي وأنا أقولك
 ماما ياستي اتجوزت بابا وهي في الثانويه العامه كان مدرس الرياضه
 بتعها بابا كان اسمه احمد إبراهيم كان مدرس شاطر وحبه وكان أكبر منها
 ب ١٥ سنه اتجوزت بابا وخلفتني أنا أمجد ووخلفه اختي نداء وعاشت مع
 بابا فتره بعدها بابا سافر الإمارات وجاب فلوس ياما وفي يوم من الأيام
 عمي أخو بابا عرض عليه أنه يدخل معه في مشروع عمي ضحك علي ابويا
 وبيقينا علي الحديدة وماما في مشاكل مع بابا بسبب الفلوس ماما عايزه
 خروج وفصح وسجاير وشيشه وكان كل يوم خناقه وماما تشرب لها اكر

من علبتين سجائر وفضلا كل يوم في مشكله وكان بابا بيحلف بالطلاق كثير لحد ما وصلوا لآخري يمين وراحوا لجنة الفتوي في الأزهر الشريف واللجنة افتت انه لاعوده بعد اليمين الثالث بابا زهق من الشيوخ في الأزهر وقال مابيفهموش حاجه خدها وطلع علي السعوديه وسئل هناك شيوخ السعوديه قالوا له بردوا ماينفعش ترجع لك حزن بابا لأنه كان بيعيها قوي لكن للأسف

انت بتكلم جد يا امجد

لكن أبلة أسماء أنا أعرفها من خمس سنين أو أكثر بناكل مع بعض بنخرج مع بعض، عمرها ما قالت حاجة عن حياتها، الظاهر أنا اللي عبيطة، حتى أدق تفاصيل حياتي كنت باحكي لها وأخذ رأيها، عاملها أختي الكبيرة.. معقولة يا ناس ده!!

خدي بقي الثقيلة

ماما بعد ما اتطلقت من بابا اتجوزت من عم مجدي واللا عم محمد انت

هتجنني!؟

- عم محمد ده آخر حاجة

- يانهار أسود

- عم مجدي فضل يلف ويدور على ماما عايز يتجوزها، ماما قالت

عندي عيالي أمجد ونداء ياترى هتتجوزني بهم؟

- طبعا انت وعيالك في عيني.

وتم المراد وماما اتجوزت عم مجدي، وعشنا كويس، وبعد مدة كانت

ماما حامل في أخويا أيمن، وبعدين ماما ولدت أيمن، ساعتها حياتنا اتغيرت

وظهر معدن عم مجدي وأصر أن ماما تودينا لأبويها، وإنه هو أولى بيننا، ماما طبعاً اضطرت تسمعه كلامه وعاشت أصعب أيام حياتها وهي بعيدة عننا، حالتها النفسية اتمدمت، وبابا شال مسؤوليتنا، الصراحة كان بيحصل ويقوم بالدورين، بس الأمومة صعبة، أمهات كثير بتفشل في الأمومة، إزاي بابا كان هينجح! كان في أحيان كثير بيودينا عند عمتنا، أرملة بتربي في خمس عيال صبيان، كان كل يوم العيل فيهم يطلع يشتغل أي حاجة في أي حاجة، المهم يرجع يجيب مصاريفه، وكانت تربي طيور وتاكل عيالها منها.. كانت ست مختلفة عن ماما، كانت أم حقيقه شايله هم خمس عيال.. كان اللي بتعمله ده بطولة، المهم ماما استمرت في مشاكل مع عم مجدي فاطلقوا.. تاني اطلقت بعد جوزها الأول والتاني، وطبعاً بطلاقها ده أصبحت تحل لأبويها تاني، بابا رجعها وقال لها تأكلي وتشربي زي الجزمة وتخدمي عيالك

- طيب واخوك الصغير أيمن اللي خلفته من جوزها التاني راح فين؟
 - بابا سمح لها تعيشه معنا، بصراحة بابا عيشنا كلنا كويس، صرف علينا وعليه ودخلوا مدراس خاصة وكان بيدي دروس ليل نهار علشان يكفي مصاريفنا، وفضل كده فترة حتى ربنا رزقنا بولدين كمان، أحمد وعبد الرحمن، وعشنا في سعادة وكانت الحياة هادية لكن للأسف بابا...

- إيه اللي حصل حرام عليك تلفت أعصابي!!
 - بابا غلط نفس غلطته القديمة لكن بشكل مختلف
 - إزاي؟

- ضمن عمي في قرض وعمي أخذ القرض وسافر

واتخرب بيتنا تاني، بقيت ماما هتتجننن من بابا، زمان خسر فلوس سفره واداهها الخواتم، والنهارده ضمن أخوه في البنك وما فكرش في عياله.. فضلت ماما تلعن اليوم اللي شافته فيه، وأصبحت الحياة مستحيلة.. اطلقوا تاني وقرفت منهم، وبعدها وزعت كل واحد فينا على أبوه، أيمن اخويا راح لمجدي، وانا واخويا رُحنا عند بابا، وفضل معها نداء وعبد الرحمن الصغير..

أجرت ماما ليانا الشقة اللي كانت في البرج الأول جنب خالتي، أصل خالتي غنية وكانت بتساعد ماما.

- يعني الشقة كانت إيجار مع أن أمك كانت بتقول لي تملكك؟! طيب والعربية بتاعتها؟

- العربية كانت قسط ولسه بنسدد في أقساطها

- غريبة قوي مع أنها قالت إن جوزها المليونير اشتراها لها!!

- شوفي.. ماما تحب الرسم والنصب على الناس

- معقولة تتكلم كده عن أمك؟!

- لازم اتكلم كده؛ لأن لما تكون أمي ماحيلتهاش حاجة وتيجي تخطب لي

وتتفق على خمس أوض، وكمان أهل العروسة هم اللي هيختاروهم وتورطني،

ولما أكون أنا واخواتي مرميين عند ابويا وتبقشش على الناس بالميات ولما

تسألها بتعملي كده ليه، ترد تقول باعمل لله.. طيب ما كانت عملت لله في

عيالها

- أنا مش مصدقة والله!

- لأصدقتي لأن دي الحقيقة، لأن قناع الغنى والرسم وقع خلاص.. أبله
أسماء قوتك وحببتك قاعدة في المستشفى بتشحت تمن الدواء من أخواتها
وجوزها الحالي عم محمد.

- لكن قل لي إيه اللي حصل بعد كده ؟

- أبدا ياستي ماما عاشت هي وعبد الرحمن ونداء

- عاشت ازاي ده المرتب مايكفيش حتى الإيجار!

- عاشت بالمعونات

- إزاي أمريكا كانت بتبعث لها !؟

- لأ مش أمريكا، جدتي ربنا يديها الصحة كانت ست طيبة، وكانت
شغالة في التمريض العسكري، كانت بتساعدنا، علاوة على إن خالي كان
ملياردير وكان بيساعدها، والله جدتي طيبة قوي حتى كانت بدفع لعبد
الرحمن اخويا مصاريف مدرسة دولية، كانت بتدفع له عشرين ألف جنيهه
في الترم.. مدرسة عاملها رجل أعمال مالوش أي علاقه بالتعليم وشغل
شوية خريجين جامعة ببلاش.

- إزاي ببلاش؟

- بملايم، وهي بزنس حلو قوي والناس العبيد اللي زي ماما كانوا
بيودوا أولادهم فيها

- والله حاجة غريبة يا أخي! ماما عايشه بالمساعدات من أهلها وتدخل
ابنها مدرسه بأرقام خيالية، علشان كانت تفضل تقول لي أنا ما باعلمش في
مدراس عامة أنا كل ولادي مدراس وجامعات خاصة.. سبحان الله.

- وفضلت ماما قاعده مع اخويا وأختي لفترة لحد ماشافها عم محمد، كان أصغر من ماما بـ ١٥ سنة، وكِـل خالي واتجوزها.

- وعم محمد ده ظروفه إيه ؟

- كان رجل أعمال في بداياته، وكان متجوز أردنية وعنده خمس عيال منها، كانت مطلعة عينه واتجوز ماما للمزاج، كان بييجي لها يومين في الأسبوع، وفضل اخواتي عايشين معها.. هي قسمت البيت علشانه، عملت أوضة صغيرة قوي لنداء وعبد الرحمن، وعملت لها وعم محمد أوضة نوم بأنتريه بتليفزيون، كان عم محمد ما بيطلعش من عشه إلا على الحمام أو المراوح.. الصراحة عم محمد كان رجل جدع قوي صرف على اخواتي وعلى ماما، وغير لماما العربية، وكان لما يحب يهدبها يجيب لها طقم الذهب بستين ألف جنيه، وماما وقفت جنبه، دخلت في صفقات شغل كسب من وراها وطور شغله، وطبعا كان كل اهتمامها بعم محمد ونسيت ولادها وشغلها.

- علشان كانت ببيغير كثير

- آه ماكانتش تقدر تخرج من البيت وعم محمد موجود، كان يقول لها هو انا جوز الست؟! حتى أختي نداء ماكانتش تقدر تصيحها من النوم مهما كان.. ومرت الأيام ونداء دخلت الجامعة واتخطبت، الصراحة عم محمد جهزها من الإبرة للصاروخ.

- لكن يا خسارة ماما دي الوقت تعبانه

- إن شاء الله هتبقى كويسه



(وبعد مرور ستة أشهر على مرض أسماء)

- إزيك يا أمجد حمد الله على سلامة ماما

- اتفضلي يا أبله حياة، ماما موجودة

- إزيك يا أسماء

- الحمد لله ياروحي

- شفتي اللي جرى لي؟ اتشليت وأنا باتمشى على البحر وقعت

- ألف سلامة عليكِ

- لازم عين.. أخذت عين بعد ما الحاج محمد غير لي العربية

- العربية الحمراء؟

- تصوري بقول لهم ماكانتش حمرا كانت سودة، والنبي يا حياة أقف

شوية مع أمجد، جهزي أكل لإخواننا عبد الرحمن جاي دي الوقت من

المدرسه أرجوكِ ساعديه أصل انت عارفه أن مش باسمح للشغاله تطبخ.

- حاضر

وذهبت حياة وأمجد إلى المطبخ

أمجد: شايفه، بتموت وبتتنك على الناس إيه ده؟!

- ده طبع يا ابني

- شفتي كداية ازاي!! بتقول لك شغالة واحنا خلاص بقينا مش لالقيين

نأكل عم محمد خالص، مابقاش يبجي عند ماما، ماما اتشلت مابقتيش تنفع

- معقولة اتخلي عنها!

- لا.. بس بقى بيعت لها مصاريف مع السواق

- معقول استغنى عنها؟!

- هاعمل إيه بواحدة عاجزة، خلاص دورها انتهى
- إزاي بس؟!
عم محمد بيعت المصروف، أنا خايفة يقطعه هنعمل إيه ساعتها؟!
- طيب والأتيليه اللي امك فاتحاه؟
- قفلته مش فاهمة حاجة فيه
- والبنات اللي شغالة فيه راحوا فين؟
- دول حرامية سرقوا الفلوس
- طيب واخت نداء وجوزها
- أختي مسكينة، ماما أخذت منها أنسيال ذهب، وجوزها عرف، أخذ
كل ده منها ولو اتكلمت يقول لها هاتي اللي عند أمك
- أنا قرفت.. هتتعديل معلش
- انت خلصت يا حياة؟
- آه
- طيب كلي لقمة معايا
- لأشكرا
- بصي بقى يا حياة، انا عاملة جروب على الواتس بابيع ملابس بيتي
بناتي وأطفال تجنن، أنا عايزك تسوقي لي، مش احنا اصحاب واخوات؟
- آه طبعاً يا أبله أسماء
(وفجأة)
- يوسف، أنا عايز افهم انا مالي ومال حكايات أصحابك

- حياة، أنا بس عايزاك تحكم مين فيهم اللي صديقتي، اللي اعرف شكلها
وبيتها وأكلت في طبقها وهي لابسة ماسك وقناع؟ واللا اللي عرفتها من يومين
وفتحت قلبها وخزنة أسرارها؟
- أكيد الثانية
- يبقى ماتستغربش لما اقول لك صديقتي التي لا أعرفها

الفصل التاسع الفرح

الرسالة ٤٩

يوسف، حبي، عشقي، حياة روحي وحشتني يا قمر
 هتيجي إمتي؟ قبل ميعاد الفرح بقدر إيه يا حبيبي؟
 خلاص كل حاجة جاهزة، على فكرة اخترت فستان الحنة، انت هتيجي
 يوم الحنة في بيت بابا.. تمام علشان هاودع أصحابي ولازم يشوفوا عريسي
 القمر واني عرفت أحب واختار رجل قمر.

جاءت ليلة الحنة، بدت حياة كالمملكة التي تجلس على العرش.. أخذت
 تتمايل من الفرحة وترقص، كانت عيونها وكل نبضه في قلبها وكل نقطة دم في
 عروقها فرحانة.. أخيرا هيتتحقق حلم عمرها.. رقصت.. غنت، وكأنها تنهش
 الفرحة من فم الحياة.. دخل يوسف عليها، كادت عينها تنطق من شدة
 الفرح برؤيته، ذلك الحلم المتوهج من حرارة الشوق والحب..
 يوسف: ما شاء الله.. قمر والله إيه الجمال ده!! ما تجيبي...

- لا لا.. كتب الكتاب أولاً

- يلا يا يوسف بك المأذون وصل.

تعالت الزغاريد وامتألاً الجو بالفرح، وتم عقد القران..

وجاء اليوم الموعد، يوم الزفاف، دخل العروسان صالة الفرح وهما في غاية الجمال، كانت حياة تزين الفستان الأبيض الذي ترتديه، كان في الفستان كما لو كانت سندريلا، خطفت الأنظار وحركت القلوب بجمالها وأثارت حقد الحاقدين، ممن يسميهم العامة، عواجيز الفرح.. وظل الأحباب يقرأون الآيات القرآنية ويدعون الله بأن يحميهم من الحسد والحاسدين، ثم بدأت تلك الرقصة الرومانسية .

رقصت حياة أحلى رقصة رومانسية وكأنها تودع عالم الخوف والقلق الذي عاشت فيه، ثم انطلق الجميع إلى الرقص وطلبت حياة أن ترقص مرة أخرى الرقصة الرومانسية وظلت نائمه في أحضان يوسف وكأنها تودعه، حتى تعجب المدعوون، وحاول يوسف أن يعيدها لوعيمها..

- حياة فوقي الناس بتبص علينا

- طظ فهم خليني في حضنك أشبع منك.. أنا ما صدقت

- حبيبتي احنا كلها ساعة وهنكون في بيتنا

- طيب والله لا بوسك قدامهم وطظ فيهم.. اهو

استسلم يوسف، وضجت القاعة بالهتاف والتصفيق والزغاريد والرقصة مازالت مستمرة وحياة تتمايل في أحضان يوسف.. دخل مجموعة من الرجال على يوسف، في بداية الأمر اعتقد الناس أنهم زملاؤه..

- مساء الخير يوسف وألف مبروك

- أهلا الله يبارك فيكم.. اتفضلوا مع المعازيم

- يوسف، هو حضرتك تعرفنا ؟

- لا والله

- نأسف على قطع انسجامك
 - احنا من مكتب القيادة وحضرتك مطلوب حالا للأمر عاجل
 - ازاي؟! النهارده فرحي حضرتك وانا في أجازة
 - الأمر عاجل ولايحتمل التأجيل، انت لازم تسافر بره مصر خلال
 ساعات في مأمورية مهمة
 - إنت بتقول إيه!!
 - دي أوامر.. اتفضل معنا
 - واخدين جوزي على فين؟! أنا حتى لسه ما أخذتش علي الكلمة..
 حرام عليكم

- معلش يا حياة سامحيني غصب عني كلها أيام
 - أيام ازاي؟ طيب انت رايح فين؟
 - والله ما أنا عارف ده أمر من القيادة.. سامحيني
 (وفجأة أخذ المايك): يا جماعة انا أسف.. عندي أمر من القيادة
 سامحوني.. كملوا الفرحة انتم وانا هارجع على البيت
 - يوسف، هادخل بيتنا لأول مرة من غيرك؟!
 - معلش أسف.. سلام
 - هتمشي من غير ما تودعني؟ هتفارق قبل ماتيجي
 أه يارب.. يارب!!
 واحتضنت يوسف مرة أخرى حتى كادت تكسر عظامه، فرفع يديها
 حزينا:

- أنا جاي تاني هاروح فين! سلام

ردت عليه السلام ورحل
 ذهب يوسف وانهارت حياة وأخذت تصرخ وتبكي
 - آه.. كنت عارفه.. كنت خائفة من الفرحة الفرحة استكثرت نفسها
 علي.. آه يا حياة ياللي عمرك ما هتشوفي حياة ولا سعد !!
 وتدخل أم حياة:
 - معلش يا بنتي هو هيروح فين
 أم يوسف: هم كده.. حياتهم كده والله يا بنتي بيصحو من عز النوم..
 اللي في منصبه ما يعرفش الراحة، في وقت الشغل ما يقدرش يقول للواجب
 لأ ويأريت الناس بتقدر، بالعكس الناس بتتهم أصحاب المناصب
 بالتعالي ما حدش بيحس
 - وأنا مين هيحس بي.. اليوم اللي فضلت أحلم به ينتهي كده! اشمعني
 دون عن الناس يارب واللا عشان حبيت بإخلاص، هو عمر الإخلاص قصير
 ليه، ليه الزيف والتفاق والرياء والتملق عمره طويل؟ ليه يارب؟
 وصرخت حياة صرخة كبيرة وخرت على الأرض مشيا عليها وكأنها
 رحلت إلى عالم آخر، وهكذا انتهت ليله تحقيق الحلم العظيم الذي عاشت
 من أجله، إنه القدر وأحواله، إنها سخافة الحياة التي لا يعلم أحد لها
 مقياس ولا أبعاد، إنها الحياة السخيفة التي تارة تسعدك وتارة تحزنك ولا
 يستطيع مكر البشر أن يغيرها لأنها هكذا ستظل حياة متقلبة لا نعلم ما
 تخفي لنا ولا نعلم ماذا تريد منا.. إلى متى سنظل هكذا لا نعلم ماذا تريد
 الحياة منا؟!!

جرى الجميع وراء حياة إلى المستشفى، فقد أصيبت بحالة عصبية أفقدتها الوعي، وكأن القدر ينتهي حيثما بدأ، فقد كانت في تلك الحالة عندما جاء يوسف لخطبتها ورفض والدها، واليوم في نفس الحالة النفسية لأن يوسف ذهب في بداية تحقيق الحلم، بل تحول الحلم إلى كابوس.. لا أحد يعلم ماذا تخفي الحياة لنا؟!!

ظلت حياة في غيبوبة لعدة أيام وعاد الدكتور محمد أخوها لرؤيتها - حياة حيي.. أنا محمد فوقي الحياة مستمرة شوفي انا بدأت من جديد وإن شاء الله جوزك هيرجع.

وبعد أكثر أسبوع فاقت حياة من الغيبوبة ولم يرجع يوسف بعد.. عادت حياة إلى الحياة مجددا، فرح وسعد الجميع إلا أنها عادت بعد أن فقدت عقلها في غيبوبتها، ابتعدت عن الجميع وعاشت بين جدران المشفى تمسك ورقا وتكتب رسائل..

الرسالة ٥١

حبيبي يوسف، لقد أخذوك يوم زفافنا وأنا هنا أنتظر.. أعلم أنك ستعود، لا أحد عاقل في هذه الحياة يترك هذا الحب.. أعلم أنك ستأتي، أنا أنتظر لا تصدق عندما يقولون لك إن حياة جُنت، فقط أهملت نفسي قليلا وعندما ستعود سأصبح عروسا مثل المسك، ولكن متى ستعود؟ أنت مخادع كاذب، أوهمتني أنك تحبني وعندما حدث هذا..

الرسالة ٥٢

آه يا حبيبي.. أدخلوني مستشفى الأمراض العقلية! أنا مش مجنونة أنا بس باحبك.. آه لو حكيت لك عن الناس هنا! لو شفت المجانين عددهم قد إيه هتقول إن مافيش عاقل على وجه الأرض، ياه يا يوسف على حالات الناس اللي فاقدة عقلها أو عندها مرض نفسي، ياه على ظلم الناس لبعضها، ظلم الناس لبعضها يجنن أو ظلم الحياة.. ما حدش عارف مين السبب في الأمراض النفسية، يا ترى الظروف واللا احنا؟ آه يا يوسف نعمة العقل كبيرة قوي.. خايفة يروح عقلي، تفتكر لو خيروني بين حبي وعقلي هاختر إيه؟!!!

كواليس كتابة الرواية

بدأت كتابة الرواية في عام ٢٠١٦ م، كتبها في صورة قصة قصيرة وقمت بعرضها على الكاتب «محمود أحمد على»، واقترح علي أن تكون رواية كبيرة بدلاً من كونها قصة قصيرة، واقترح تغيير النهاية. رحبت بالفكرة وتوقفت عن الكتابة لانشغالي بالجوانب الاقتصادية في العمل وعدت إلى الكتابة مجدداً في عام ٢٠١٧ في شهر مارس، وبنهاية الشهر كنت قد كتبت الفصل الأول والثاني والثالث على جهازي الخاص "التابلت" وللأسف قد ضغطت على زر المسح عن طريق الخطأ.. صُغقت وصرخت ولكن ما الفائدة، اتصلت بالأستاذ/ م. ر متخصص في الكمبيوتر وسألته عن إمكانية إرجاع الملف، وقال إنه يصلح سيارته الخاصة عند "السمكري" وطلب مني الانتظار إلى الغد، ولكنني رفضت وصممت أن أذهب له عند "السمكري" لكي يحاول إعادة الملف، ولكن زميلي وأخي العزيز وافق على طلبي نظراً لإصراري، وبعدما ذهبت إليه عند "السمكري" كان قد ذهب هو إلى مكان آخر، فاتصلت به وقال لي: تعالي عند بائع قطع غيار السيارات، فحص التابلت وأنا جالسه في سيارتي وحاول إعادة الملف ولكنه قال: لا أستطيع.. أخذ مني "الفاشلة" الخاصة بيوقال إنه سيحاول أن يضع عليها برنامج إعادة الملفات، وعندها دعوت الله أن يستجيب لدعائي بأن أستعيد ملف الرواية الذي تعبت في كتابته، "يا رب الملف يرجع" لقد حاول الأستاذ " م. ر" استعادة الملف وقام بتنزيل برامج من على الإنترنت ولكن محاولاته باءت بالفشل، وأصبحت بخيبة

الأمل وقررت الكتابة من جديد. إحساس انتظار شيء مفقود صعب، خاصة عندما تنتظر ولا يأتي وتشعر بأن مجهودك ضاع هباءً.
مع بداية الفصل السادس اتصلت بالسيد الأستاذ «السيد حسن» وطلبت منه المساعدة في اختيار اسم الرواية، وطرحت عليه مجموعة الاقتراحات التالية (حيرة رسائل - رسائل حائرة - أحلام حياة)، واتفق معي فيما ذهب إليه قلبي وهو «حيرة رسائل» ووافقني الرأي واتصلت أيضاً بصاحب ومدير دار نشر معروفة ليساعدني في اختيار اسم مناسب لأحداث الرواية ولكنه رفض أن يتعاون معللاً ذلك بأنه لا بد من الانتظار لرحيل الانتهاء من الرواية.

في ذات الوقت قررت أن أعطي أوراق الرواية لمكتب الكمبيوتر واتصلت بالسيد الأستاذ "ح م" صاحب مكتب الكمبيوتر والذي أتعامل معه منذ فترة طويلة، وأبلغني أن أذهب إليه بالأوراق فيمكان عمله الرسمي، حيث يعمل مدرس حاسب آلي في مدرسة ما، تلك المدرسة التي تحمل ذكريات مرحلة الثانوية العامة بالنسبة لي، فأنا تخرجت منها وعملت بها في تدريس الفلسفة، وصار أساتذتي زملاء لي. هذا الزمن يدور بسرعة البرق.. عند دخولي إلى المدرسة أوقفني العامل ومسئول الأمن لسؤالي عن سبب الزيارة ومن أكون، استغربت وقلت لهم إنني بنت المدرسة! فأصرا على معرفة هويتي وسبب الزيارة، فأخبرتهم، والغريب إصرارهم على السؤال عن سبب زيارتي.. طلب رؤية الأستاذ "ح م" وكان السؤال: حضرتك قريبة الأستاذ ح. م؟

- لأ.

- أمال عاوزه في إيه؟

- عاوزاه في مصلحة.
- طيب اتفضلي يا أبله.
- مشيت في الطرقة، قابلني مكتب مدير المدرسة
- أغش مدير المدرسة وعلمت أن مدير المدرسة الذي كنت أعمل في
- عهده وصل سن المعاش وتقاعد عن العمل، فحزنت.. ها هي الأيام التي تقص
- من أعمارنا وتقربنا من نهايتنا.
- الغريب أن مدير المدرسة سألني عن هويتي وسبب الزيارة، وعن
- تفاصيل خاصة، وعندما عرف هويتي رحب بي: أهلاً.. إزيك أنتِ مدرسة
- الفلسفة؟
- قلت: أيوه.
- أختك الدكتوراة "ه"؟
- أه
- طيب أنتي لسه بتكتبي شعر وقصص.
- أه
- فين إنتاجك.. عايزين نشوفه؟
- إنتاجي في السوق
- إنتاجيه ليه؟
- جاية للأستاذ "ح.م" مدرس الكمبيوتر
- اتفضلي اطلعي
- شكراً

صعدت سلم الدورالثاني وقابلني مجموعة من زملائي وأساتذتي في نفس الوقت،والغريب أنه عندما سلمت عليهم كان أول سؤال: إنت مها معقولة؟! لسه زيما أنتِما كبريتش

- يا ستار لسه ما كبريتش!!

- ماتخافيش مش هاحسدك.

- أنا منظر.. بس أنا تعبانة

زميلة أخرى: ما شاء الله لبسك متناسق الألوان وجميلة، يا ترى بطلت

لبس البنطالونات

- لأ عادي زي ما أنا

زميلة أخرى: إزيك يا مها

- الحمد لله.. خلفتي بنت؟

- لأ

- لسه بس الولدين؟

- آه

- ابنك لسه ما دخلش المدرسة؟

- لأ..ابني في سنة خامسة

وصلت للغرفة.. الغرفة طويلة ويجلس في بدايتها معلم لا

أعرفه، سألته:أين الأستاذ "ح.م"؟

أجاب: اتفضلي.

وجدت الأستاذ "ح. م" يجلس أمام جهاز الكمبيوتر في آخر الغرفة

وعندما رأيته قام وسلم علي وابتسم.

سلمته الأوراق وأكدت عليه على أهمية المحافظة عليها لأنني تعبت كثيراً في كتابتها، وكان رده:

- ماتخافيش هابيعها.

أعطاني موعداً لمراجعتها على آخر الأسبوع.. عدت إلى المنزل وبدأت في كتابة فصل جديد في "حيرة رسائل".. تحديداً في ليلة السابع من مايو.

٢٠١٧ جلست أكتب في بقية الفصل السادس.. دخلت البلكونة لأجلس في الهواء الطلق وأستمع بالجو الحلو، عملت كوباية شاي بالنعناع وشغلت الأغاني التي على جهاز "التابلت"، أغاني فيروز روعة وكتبت قصة بطل الفصل السادس، خالد، وإذا بمفاجأة، سمعت صوت صفارة لا أعرف مصدرها وبعدها حدث هجوم تناري عليّ من قَبَل مجموعة من الحشرات التي لا أعرف اسمها، وظلللتأصرخ ودخلت غرفتي وجلست أكتب بعد أن هدأ الله من روعي، وحمدت الله على نجاتي من هجوم الحشرات السوداء الكبيرة والخشبية، وإذا بي أشعر بألم مفاجئ في جسدي وذراعي وكأنهم وضَعُوا في النار، وسرت أبحث عن السبب فوجدت حشرة عالقة بين ملابسي وجسدي، وبعد الورم الذي وجدته في جسدي قتلتها شر قتلة وانشغلت بعدها لفترة بامتحانات أولادي وفي يوم الثلاثاء الموافق ٩ مايو ٢٠١٧ قررت أن أذهب إلى مكتب الكمبيوتر لكي أراجع ما كتبت.

وفي يوم ١٣ مايو ٢٠١٧ توقفت عن الكتابة بسبب التجهيز لسفري

يوم ١٦ مايو ٢٠١٧م.